

رُخْبَارِ أَصْبَحانِ نِ يَشُو لَمَسِيحِ سِ وَفُوسِ نِ يُوْحانَّا

لَمَسِيحِ إِذُورِ ذِ بِنادِمِ

1 اذْكَ وُْمزواروُ ثُوغا اِدْچا وِوار، اوار ثُوغا-ثْ اَك-ذْ اَرَبِّي، اوار ثُوغا-ثْ ذْ اَرَبِّي. 2 وا اِدْچا اَك-ذْ اَرَبِّي ذْكَ وُْمزوارو. 3 زابيس اِدْ اِتواخرق كورشي وُ نَبْرانْتا وار دِ اِتواخرق وُرا ذِ اِشْتِ نِ ثَمسراشت اِدْ اِتواخرقن. 4 ذابيس نَدْچا ثُوذارث، ثُوذارثِ ثُوغا-ثْ ذِ ثِيفاوْتِ نِ بِنادِمِ. 5 ثِيفاوْتِ ثارقِ ذِي نَادْچَسْتِ، نَادْچَسْتِ وار ت-دِ ثِيويِض. 6 ثُوغا-ثْ ذِ اِچِ نِ بِنادِمِ، اِسْكَ اِث-يِدِ اَرَبِّي، قارنِ اسِ يُوْحانَّا. 7 وا يُوِسي-دِ اِ شهادتِ جِيما اذِ اِشْهَدِ اِ ثِفاوْتِ، جِيما اذِ زابيس اَمْنِ مارا. 8 نَتّا وار اِدْجِي شا ذِ ثِيفاوْتِ، ماشا نَتّا اِتواسْكَ-دِ جِيما اذِ اِشْهَدِ اِ ثِفاوْتِ. 9 اَقّا ثِيفاوْتِ نِ ثِيذتِ اِ اِتِيشِنِ ثِيفاوْتِ اِ كُورِ بِنادِمِ، ثُوغا نَتاس-دِ غارِ دُونِيْتِ. 10 نَتّا ثُوغا-ثْ ذِي دُونِيْتِ، زابيس نَتّاوَكْ دُونِيْتِ، دُونِيْتِ وار تِ ثَسِينِ شا. 11 يُوِسي-دِ غارِ ويِ اِدْچانِ نَسِ، ماشا ويِ اِدْچانِ نَسِ وار تِ اِقْبِيرِ. 12 ماشا مارا اِنِّي ثِ اِقْبِرِنِ، اِوشا اسنِ صُولِطا جِيما اذِ دُورِنِ ذِ تاروانِ اَرَبِّي، اِ يِنِّي اِتامِنِنِ ذْكَ اِسْمِ نَسِ، 13 اِنِّي وار دِ اِخْرِيقِنِ وُرا زْكَ اِذامِنِ وُرا زِي مِينِ اِخْسِ وِثُومِ نِ بِنادِمِ وُرا زِي مِينِ اِخْسِ وِريازِ، ماشا زِي اَرَبِّي اِدْ اِتواخرقن. 14 اوار اذُورِ ذِ اِسُومِ، اِزْدَغِ جارانغِ، نَشِينِ نَزرا اَعُوْدْجِي نَسِ، اَعُوْدْجِي نِ وُيِنِّي نِ مَيِسِ زِي غارِ باباسِ اِ اِسُورِنِ سِ نِيَعْمَتِ ذِ ثِيذتِ. 15 اِشْهَدِ خاسِ يُوْحانَّا، اِراغا، اِنّا "ذِ وا مِينِ خَفِ نِيَعِ؟ وُنِي اِدْ غا ياسنِ اوارنِي اَبِي، نَتّا اذُورِ زائِي، مِينِزِي نَتّا ثُوغا-ثْ قَبِرِ اِنُو." 16 زِي رَكْمارِ نَسِ نِيوي-دِ مارا، نِيَعْمَتِ خِ نِيَعْمَتِ. 17 تاوراوثِ ثَمُوشِ زِي مُوسِي، ماشا نِيَعْمَتِ ذِ ثِيذتِ، وُسينْتِ-يِدِ زِي يَشُو لَمَسِيحِ. 18 وُرا ذِ اِچِ وار اِرْزِي اَرَبِّي، ماشا اِنِّي نِ مَيِسِ اِدْچانِ ذْكَ وِخْسِينِ نِ ثَباباثِ ذِ نَتّا اِ زابيسِ اِسْتِخْبَارِنِ.

شهادتِ نِ يُوْحانَّا اَمْسَعُضاصِ خِ يَشُو

متى 12:1-3؛ مارا. 1:8-2؛ لوك. 13:3-17

19 اِنّا ذِ شهادتِ نِ يُوْحانَّا رامِي دِ سَكْنِ وُذابِنِ شانِ اِكْهانِنِ ذِ اِلاوِينِ زِي وُرشاليمِ جِيما اذِ تِ سَقْسانِ "مِينِ ثَعِينِذِ شْكَ؟" 20 ثُوغا اِشْهَدِ، وار اِسْتِوْفارِ شا. وُشا اِشْهَدِ اَمُو "نَشِ وار دِجِيغِ شا

ذ لَمَسِيح. “²¹سَقْسَان ت ”إِ مِين تَعْنِيد شَك خَتِّي؟ ما ذ شك ذ أَمكاشاف إِييَا؟“ إِنَّا ”وار
دَجِيع ذ نش. “²²ما ذ شك ذ أَمكاشاف؟“ يارَد ”لَا.“²² تَان اس ”خَتِّي مِين تَعْنِيد شَك،
جِيما أذ نَارٍ يَتِي ذ انغ د اِسْكَن، مِين تَقَارَذ خ يِيخف نَك؟“²³ إِنَّا

”نش ذ تَمِيجَا اِترِاعان ذِي رَحْرَا ’سَكْمَم اَبْرِيذ ن اَرَبِّي نِيشان!“،
أَم مامَش إِنَّا وَمكاشاف إِشاعيا. “^{3:40} إِشَا.

²⁴نِيشِي تُوغا تُواسْكَن-د زَك اِفارِيسِييَن ²⁵وُشَا سَقْسَان ت، نَان ”مارا وار تَدَجِيد شا ذ
لَمَسِيح وُرا ذ إِييَا وُرا ذ أَمكاشاف، اِخَتِي مايَمِي تَسْغُصاصذ؟“²⁶ يُوحانا يارَد خاسن، إِنَّا
”نش سَغُصاصغ ذَك وامان، ماشا أَقَا ذِين اِجَن جاراوم اِوار تَسِينم شا،²⁷ تَتَا ذ وِنِي اِد غا
ياسن اُوارني اِيي، نَتَا اِدْجَا قَبْر اِنُو، نش وار سَنذِيهَدْجَع اَذ فِيسِيغ اِفِيران ن تَسِيرَا نَس.“²⁸ مان
أَيَا اِمَسار ذِي بايْتَعايَا غار وُجَمَاض ن لَارْدُون، ماني تُوغا يُوحانا اِسْغُصاص.

يَشُو لَمَسِيح ذ اِزمار ن اَرَبِّي

²⁹نِيشو شَا نَس يُوحانا اِزرا يَشُو اِكُور-د غارس، إِنَّا ”خَزارم، أَقَا-ث ذ اِزمار ن اَرَبِّي اِ
اِكْسِين دَنُوب خ دُونِيت! ³⁰ذ وا مِين خَف نَبِغ؟“ اَذ ذ ياس اُوارني اِيي اِج ن ورياز،
يُوسي-د زَانِي، مِينزِي نَتَا تُوغا-ث قَبْر اِنُو. ³¹نش وار ت سِينغ شا، ماشا جِيما اَذ
اِنُواسار كَب غار اِسرائِيل، خ وُيَنِي وُسِيغ-د جِيما اَذ سَغُصاصغ ذَك وامان. “³² يُوحانا
اِشَهْد، إِنَّا ”زَرِيغ اُرُوح اِهوا-د اَم اِشْت ن تَذبِيرْت زَك وُجَنَّا، ثارسا خاس. ³³نش وار
ت سِينغ شا، ماشا وِنِي ذ اِيي ذ اِسْكَن جِيما اَذ سَغُصاصغ ذَك وامان، نَتَا اِنَّا اِيي
’وِنِي خ تَرزِيد اِهوا-د خاس اُرُوح وُشَا يارسا خاس، ذ وا ذ وِنِي اِسْغُصاصن س اُرُوح
اِقْدَسَن. “³⁴نش زَرِيغ وُشَا شَهْدغ بَلِي نَتَا ذ مِيس ن اَرَبِّي.“

اِمْحُضارن اِمزُورا ن لَمَسِيح

³⁵نِيشو شَا نَس عاوذ، تُوغا يُوحانا اِبْد اَك-ذ ثنانين ن اِمْحُضارن نَس. ³⁶اِخزار غار يَشُو اِ
تُوغا اِكُورن وُشَا اِنَّا ”خَزارم، ذ وا ذ اِزمار ن اَرَبِّي.“³⁷ ثنانين ن اِمْحُضارن سَرِين اس اَم
ت اِقار وُشَا ضَفارن يَشُو. ³⁸اِنْقَرَب-د يَشُو، اِزْرِي ثن ضَفارن ت-يد، اِسْقَسا ثن ”مِين
خَف ثارزُوم؟“ نِيشِي نَان اس ”أَ رابِّي - مِين اِحْس اَذ يِنِي ’أَ اَمْسَرماذ‘، ماني تَرْدَعْد؟“
³⁹إِنَّا اسن ”أَراحم-د، اَذ تَزارم.“ رُوحن اَكِيدس، زَرِين ماني اِزْدَغ، قِيمَن اَكِيدس اَس

تِي، ثاساعث تُوغات-ت عراحار ذ عسرا. ⁴⁰أندراؤس وُماس ن سِمعان بَطْرُوس تُوغا-ث
 ذ إِجَن زِي ثنابن تِي إِ إِسْرين أيا زِي يُوحانَّا وُشا ضَفارَن ت. ⁴¹ذ وا إِ يُوْفين أَمزوارو
 وُماس سِمعان، إنا اس ”أَقَّا نُوفا ’ماسييا‘“، إسم وانيثا إِخَسْ أذ ييني ’لَمَسِيح‘.
⁴²إَسْيوض-إث-يِد غار يَشُو. إِخزار ذائِس يَشُو، إنا ”شك ذ سِمعان، ميس ن يُونا، أذ
 اش راغان ’سيفاس‘“، إسم وانيثا إِخَسْ أذ ييني ’بَطْرُوس‘ (=أزرو). ⁴³يُوشا نَسْ
 تُوغا إِخَسْ يَشُو أذ إِراح غار لجاليل وُشا يُوفا فيليبيوس. يَشُو إنا اس ”ضَفار آبي-!“.
⁴⁴فيليبيوس تُوغا زِي باينصايدا، زِي ثنذيت ن أندراؤس ذ بَطْرُوس. ⁴⁵فيليبيوس يُوفا
 ناثاناييل، إنا اس ”نُوفا وني مين خف يورا موسى ذي تاوارث ذ إِمكاشافن، يَشُو ميس
 ن يُوسف زِي ناصيرا.“ ⁴⁶ناثاناييل إنا اس ”ما أتاغ إِممار أذ د ثفغ زِي ناصيرا شان
 تُشوني؟“ فيليبيوس إنا اس ”أراح-د، تُخزارذ.“ ⁴⁷يَشُو إزرا ناثاناييل إِكور-د غارس،
 إنا خاس ”خزار، ذ وا ذ إِج ن وُسراييلي نيشان، وار ذائِس بُو رَعش.“ ⁴⁸ناثاناييل إنا
 اس ”مانيس ذ ابي ثسند؟“ يَشُو يار-د، إنا اس ”زريغ شك سواداي إِ وارثو قبر ما أذ
 شك-د إِراغا فيليبيوس.“ ⁴⁹ناثاناييل يار-د خاس ”أ ’رآبي‘، شك ذ ميس ن آرَبِي، شك
 ذ أجدجيد ن إسرائيل.“ ⁵⁰يَشُو يار-د، إنا اس ”ما تُومند س مين ذ اش نَبِغ ’أَقَّا زِرِغ
 شك سواداي إِ وارثو؟“ أذ تُارذ مين إِدجان كثار زِي مان أيا.“ ⁵¹إنا اس ”س ثيذت،
 س ثيذت، أذ اوم إِنِغ، زِي سا ذ تُساونت أذ تُارم أِجنا إِنورزم وُ لمالاكات ن آرَبِي
 تارينت هكوانت خ ميس ن بُنادم.“

لُوعجيزا نامزواروُث ن لَمَسِيح ذِي قانا

2 اذكّ واسّ ويسّ ثراثا ثَمسار ذين إِشث ن ثَمغرا ذِي قانا ذِي لجاليل وُشا تُوغا
 ذين يَماس ن يَشُو. ²تُورا ذ يَشُو ذ إِمحضارن نَسْ توعارَضن-د غار ثَمغرا. ³رامي
 اِقضا يَبنو، نثا اس يَماس ن يَشُو ”وار غارسن بُو يَبنو!“ ⁴يَشُو إنا اس ”مين جار آبي
 أكيدم، أ ثامغارث؟ ثاساعث إِنو وار د ثيوبض عادا!“ ⁵يَماس نثا إِ اِمسَحارن ”مين
 ذ اوم إِ غا ييني، كَم ت.“ ⁶تُوغا ذين سَتا ن إِقَدواح ن وُزرو ذائِسن أمان، مارسن
 ذِيي أَم مامش نُومن تَكَن وُذابن روضو، كُور إِجَن زايِسن غارس رَقَد ن ثنابن آر ثراثا
 ’إِمثريش‘ (=عراحار ثمانين آر ميا وُ عيشرين ليثرو). ⁷يَشُو إنا اسن ”شورم إِقَدواح س
 وامان.“ وُشا شُورن ثن س وامان آر اَقْموم. ⁸رَحذني إنا اسن ”رَحُو أَيَم-د زايِسن،
 وُشم ت إِ باب ن وُرار.“ وُشا سَيوضن ت. ⁹وُومي باب ن وُرار إِقَدجب أمان إِ اِدورن
 ذ يَبنو، - ماشا نثا وار إِسِين مانيس د إِكّا، ماشا إِمسَحارن إِنِي إِ ذ اس-د يُويمَن أمان،

سَنَنْ -، اِراغاد- باب ن ثَمْعَرَاخُ وَ مُورَاي. ¹⁰ اِنَّا اس ”كُور بِنَادِم اِتْقَدَام بَيْنُو اَصْبَحَان ذ اَمْرَاو. مارا اِنُوَجِيون سَوِين اَطاس، اذ اسن اِوش بَيْنُو وار اِحْرِين، ماشا شك ثَخْمَرْد بَيْنُو اَصْبَحْن اَر اِرْحُو.“ ¹¹ اذ وا ذ بَدُو ن رَعْرَامَاث ا اِكَّا يَشُو ذِي قَانَا ذِي لَجَالِيل، اِسْضَهَار-د اَعُوْدَجِي نَس وُشَا وَ مَن زَايس اِمْحَضَارن نَس. ¹² اَوَارِنِي مَان اَيَا اِرْوَح، اِهواد- غار كافارناحوم، نَتَا ذ يَمَاس، ذ اَيْشَاس، ذ اِمْحَضَارن نَس وُشَا قِيَمَن ذِين شا ن وُسَان وار اِدْجِي اَطاس.

يَشُو اِتَاَزْرَخ اِسْبَابِن زِي تَاذَارْث اِقْدَسَن

مَثَى 12:21-13:11؛ مار. 15:11-17:17؛ لُوك. 45:19-46

¹³ رَامِي د ثِيوِض باسَخا، رَعِيذ ن وُذَاين، اِسْكَاعْد يَشُو غار وُرشالِيم. ¹⁴ يُوفا ذِي تَاذَارْث اِقْدَسَن اِنِّي ذِين اِزْنُوَان اِفُوناسن ذ وُدْجِي ذ اِذْبِيرن وُرا ذ اِصَارْفَن ن ثَعاشِين اِنِّي ذِين اِقِيَمَن. ¹⁵ اِكَّا اِح ن وُرْكُوْض زَك اِسْغوان وُشَا يُزِرْ خاسن مارا زِي تَاذَارْث اِقْدَسَن وُرا ذ وُدْجِي ذ اِفُوناسن. وُشَا اِزْدَجَع اِصُولْدِيَمَن ن اِصَارْفَن ذِي ثَمُورْث وُشَا اِقْرَب طَوَابِر. ¹⁶ اِنَّا اِنِّي اِزْنُوَان اِذْبِيرن ”كَسَم مَان اَيَا سَا. وار د تَازَام شا تَاذَارْث ن بابا ذ تَاذَارْث ن سَوُق!“ ¹⁷ اِمْحَضَارن نَس عَقْرَن بَلِّي ثُوْغَا ثُورا ”شَضَارْث اِ تَاذَارْث نَك اِشَا اِيي.“ ¹⁸ اَرِين-د خاس وُذَاين، نَان اس ”مان رَعْرَامَاث ا ذ انغ ا غا ثَمْرْد، بَلِّي اَقَا غَارَك رَحَق حِيْمَا اذ نَكْذ مَان اَيَا!“ ¹⁹ يَشُو يَار-د، اِنَّا اسن ”هَذَم تَاذَارْث-ا اِقْدَسَن وُشَا ذِي ثَرَاث ن وُسَان اذ ت سَبْدَخ.“ ²⁰ حَنِّي نَان اس وُذَاين ”تَاذَارْث-ا اِقْدَسَن ثَبْنَا ذِي سَتَا وُ اَرْبِعِين ن اِسْكَوْسا، ماشا اذ ت-يِد تَسْبِدْذ ذِي ثَرَاث ن وُسَان؟“ ²¹ ماشا نَتَا ثُوْغَا اِسَاوار خ تَاذَارْث اِقْدَسَن ن اَرِيْمْث نَس. ²² اَوَارِنِي رَامِي د اِكَّار يَشُو زَك اِمْتِين، حَنِّي عَقْرَن اِمْحَضَارن نَس مِين ذ اسن اِنَّا وُشَا وُ مَن ذَكْ وَ ذَلِيْس ذ وَاوار اِنَّا يَشُو. ²³ وُيْمِي ث ثُوْغَا ذِي وُرشالِيم ذِي رَعِيذ ن باسَخا وَ مَن واطاس ذَك يِيسَم نَس، مِينزِي زَبِن رَعْرَامَاث ا اِكَّا. ²⁴ ماشا نَتَا وار اِسْشَن شا اِحْف نَس غارسن، مِينزِي نَتَا اِسْن اِثَن مارا، ²⁵ مِينزِي نَتَا وار اِحْدِيح شا اذ اِشْهَد حد خ بِنَادِم، مِينزِي نَتَا اِسْن مِين اِدْجان ذِي بِنَادِم.

يَشُو ذ نِيكُوْذِيْمُوس، اَمْغَارن وَ وُذَاين

3 ¹ ثُوْغَا ذِين اِح ن بِنَادِم زَك اِفَارِيْسِيَمَن قَارن اس نِيكُوْذِيْمُوس، نَتَا ذ اِح ن وُمغَار ن وُذَاين. ² يُوْسِي-د غار يَشُو س دَجِيرْث، اِنَّا اس ”ا اَمْسَرَمَاذ، نَشِين نَسْن بَلِّي شك ذ اَمْسَرَمَاذ ا د يُوْسِيَمَن زِي غار اَرْبِي. وار اِزْمَار وُرا ذ اِح اذ اِكْ رَعْرَامَاث-ا ا

تَكَلِّدْ شَكَّ، مُغِيرَ مارا أَكَيْسَ أَرَبِّي. ³ يَشُو يَار-د خاس، إِنَّا ”س ثِيدت، س ثِيدت، أَذ اش إِينِغ، وُرَا ذ إِج وار إِزْمَار أَذ إِزار تَاكَلِّدِث ن أَرَبِّي مُغِيرَ مارا إِتَوَاخِرَق-د زَكَّ وُجَتَا. ⁴ نِيكُودِيمُوسُ إِنَّا اس ”مَامَش إِزْمَار إِبْنَادِم أَذ د إِخِرَق ذِي ثُوسار نَس؟ ما إِزْمَار أَذ يادَف إِشْت ن ثُوارا نَصْبِي ذَكَّ وُعَدِّيَس ن يَماس ماحنَد أَذ د إِتَوَاخِرَق؟“ ⁵ يَشُو يَار-د خاس ”س ثِيدت، س ثِيدت، أَذ اش إِينِغ، مارا شا ن يِجَن وار د إِخِرِيق شا س وامن وُ س أَرُوح، وار إِزْمَار أَذ يادَف ذِي تَكَلِّدِث ن أَرَبِّي. ⁶ مِين دِإتَوَاخِرَقن زَكَّ وِيسُوم، نَتَا ذ أَيَسُوم. مِين دِإتَوَاخِرَقن زِي أَرُوح، نَتَا ذ أَرُوح. ⁷ وار تَبَهْتَم شا مارا نَبِغ أوم، إِتَخَصَّا كَتَبُو أَذ د ثَتَوَاخِرَقم زَكَّ وُجَتَا. ⁸ أَسْمِضُ إِتَصُوصُ مَانِيس إِخَس، ثَسْرِيذ إِوُصُوصِي نَس، وار ثَسِيند شا مَانِيس دِإتاس وُرَا ماني إِتْرَاح، أُمُو عاوَد مارًا وِنِّي دِإتَوَاخِرَقن زِي أَرُوح.“

⁹ نِيكُودِيمُوسُ يَار-د، إِنَّا اس ”مَامَش إِ غا يَكَّ أَذ يِيري مان أَيَا؟“ ¹⁰ يَشُو يَار-د، إِنَّا اس ”شَكَّ ذ أَمَسْرِماد ن إِسْرِييل، وار ثَسِيند شا مان أَيَا؟“ ¹¹ س ثِيدت، س ثِيدت، أَذ اش إِينِغ، نَشِين نَساوار خ مِين نَسَن، نَشَهْد خ مِين نَزْرا، وَاخَا أَمَنِّي كَتَبُو وار تَقْبِيرَم شا شَهادت نَغ. ¹² مارا سَوْرَغ أوم خ ثَمسْرِيين ن ثُمورث، كَتَبُو وار ثِيمَنم، مَامَش إِ غا نَكَم أَذ ثامَنم مارا سَوْرَغ أوم خ ثَمسْرِيين ن وُجَتَا. ¹³ وُرَا ذ إِج وار يُوري غار وُجَتَا مُغِير وِنِّي دِإهوان زَكَّ وُجَتَا، نَتَا ذ مِيس ن بِنادِم وِنِّي دِإچان ذَكَّ وُجَتَا. ¹⁴ أَمَشناو مَامَش إِسَكَّاغَد مَوسَى أَفِيغار ذِي رِفياي، أُمُو إِتَخَصَّ أَذ إِتَوَاسَكَّاغَد مِيس ن بِنادِم، ¹⁵ جِيما مارًا وِنِّي زَايس إِ غا يامن وار إِتَمَتِي شا، ماشا أَذ غارس ثِيرِي ثُودارث إِ رِبدا. ¹⁶ أُمُو إِخَس أَرَبِّي دُوثِث أَر ماني ذِإوُشا أَيِّي ن مِيس جِيما كُور إِجَن وِنِّي زَايس إِ غا يامن، وار إِتَمَتِي شا ماشا أَذ غارس ثِيرِي ثُودارث ن رِبدا. ¹⁷ مِينزِي أَرَبِّي وار دِإسَكَّ شا مِيس غار دُوثِث جِيما أَذ إِحاسب دُوثِث، ماشا إِسَكَّ إِث-يَد جِيما أَذ زَايس إِسَنجَم دُوثِث. ¹⁸ وِنِّي زَايس إِ غا يامن وار إِتَوَاحاسب شا، ماشا وِنِّي وار إِتِيمَنن شا أَقَا إِتَوَاحاسب زِي رَحُو مِينزِي نَتَا وار يُمِينن شا ذَكَّ يِيسَم ن وُيِنِّي ن مِيس ن أَرَبِّي. ¹⁹ ذ وا د رَحكام، أَقَا ثِيْفاوْث ثُوسِي-د غار دُوثِث، إِوُدان خَسَن ثادِچسْت خ ثُفاوْث، مِينزِي رَحْدايَم نَسَن ثُوغا-ثت ذ ثِيْعَفانِين. ²⁰ مارًا وِنِّي إِتَكَن رَحْدايَم ثِيْعَفانِين، إِشارَه ثِيْفاوْث، وار دِإتيس شا غار ثُفاوْث، جِيما وار ثُواسَبانَت شا رَحْدايَم نَس. ²¹ وِنِّي إِتَكَن ثِيدت أَذ د ياس غار ثُفاوْث، جِيما أَذ بانَت رَحْدايَم نَس، أَقَا ثُواكَنَت ذِي أَرَبِّي.“

يشو ذ يوحانا اَمْسَعُضاص

²²أورني مان آيا يوسبي-د يشو ذ امحضارن نس غار ثمورث ن ياهوديتيا، استعدو دين شان روقت اكيذسن وُشا ثوغا امسعضاص. ²³وُرا ذ يوحانا ثوغا امسعضاص ذي عايون ا د يوسين طارف ا سالييم، مينيزي ديني امان اطاس، وُشا اوذان وُسين-د ديني وُشا ثواسعضصن. ²⁴مينيزي يوحانا ثوغا عاذ وار امضار شا ذي رحبس. ²⁵امسار اج ن وُمحاروض جار امحضارن ن يوحانا ذ اج ن وُذاي خ مامش ا غا بير روضو. ²⁶وُنيثي وُسين-د غار يوحانا، نان اس "ا امسرماذ، خزار، وتي اكيك اذجان غار وُجماض ن لارذون، وتي مين خف تشهدذ، اقا ننا امسعضاص وُ مارا تاسن-د غارس." ²⁷يوحانا يار-د، انا "بناذم وار ازمار اذ اقبُر وُرا ذ اِشث ن ثمراشث مارا وار ذ اس ثموش زك وُجنا. ²⁸كنيو سيمانن نوم تشهدم بلي نش نبع نش وار ذجيج شا ذ لمسيح، ماشا اقا نش ثواسكغ-د زاتس." ²⁹وتي ا غار نذجا ثسريث، ننا ذ اموراي. املوكر ن وُموراي وتي ائبدان زاتس، ايسرا غارس، افارج س رفراحت نامقرانت س ثميچا ن وُموراي. اموثواكمر وُرا ذ رفراحت ائو. ³⁰اِتحص اذ اِكما ننا وُ نش اذ نقصغ. ³¹وتي ا د يوسين زي سنج، ننا سنج ا مارا. وتي اذجان زي ثمورث، زي ثمورث اساوار. وتي ذ يوسين زك وُجنا، ننا سنج ا مارا، ³²وُ ننا اِشهذ زي مين اِزرا ذ زي مين اِسرا وُ شهادت نس وار ت اقبُر وُرا ذ اِجن. ³³وتي اقبُر شهادت نس ذ وتي اِسارسن رخط ن وُفوس نس بلي اقا اربي ذ ثيذت. ³⁴مينيزي وتي د اِسك اربي، اساوار س واوارن ن اربي، مينيزي ننا وار ايتيش شا اروح س زميزان. ³⁵ثاباباث اِتحص اِثاميث وُشا اِكا اس ذك وُفوس نس كورشي. ³⁶وتي اِتامنن ذي ثميث، غارس ثوذارث ا ريدا، ماشا وتي وار ايتيمنن شا ذي ثميث، وار ازار ثوذارث، ماشا لغاضاب ن اربي اذ خاس اقيم."

يشو اِساوار اَك-ذ اِشث ن ثمغارت زي ساماريا

4 ¹وُمي اِسن سيذي، اقا افاريسيين سرين بلي يشو اِتگ وُ امسعضاص امحضارن كتار زي يوحانا، ²واخا ننا سيمانن نس وار امسعضيص شا، ماشا امحضارن نس - اِغ-د زي ياهوديتيا، اروح عاوذ غار لجاليل. ³ثوغا اِتحص اذ اِشوق ذي ساماريا. ⁴ننا يوسبي-د غار اِشث ن نثدينت زي ساماريا قارن اس سوخار، ثني غار طارف ن اِيار اوشا يعقوب ا ميس ن يوسف. ⁵ثوغا دين ائو ن يعقوب. وُمي يوحا يشو زك ابريدن، اقيم امني غار وائو، ثاساعث ثوغا-ت عراحار ذ ستا.

7 تُوَسِّي-د اِشْت ن ثَمْعَارْت زِي سَامَارِيَا جِيْمَا اَذْ تَاكْم اَمَان. يَشُو اِنَّا اس ”اَوْش اَيِّي اَذْ سَوَع!“، 8 مِينَزِي اِمْحَضَارن نَسِّي ثُوغَا رُوْحن غَار ثَنْدِيْنْت جِيْمَا اَذْ سَوَعن مَاشَا. 9 ثَامْعَارْت ن سَامَارِيَا ثَنَا اس ”مَامَشْ تَكِيْدْ ثَارْدْ زَايِي اَذْ تَسُوْد، اَقَّا شَكْ ذْ وُذَايْ وُ نَشْ ذْ ثَامْعَارْت ن سَامَارِيَا؟“ مِينَزِي وُذَايْن وار نُوْمن تَمَصُّوْرُوْفن اَكْ-ذ اِسَامَارِيِيْن. 10 يَشُو يَار-د، اِنَّا اس ”مَاعَلِيكْ تَسْنَدْ تِيْمُوْشَا ن اَرَّبِّي ذْ وَنْيْ ذَا م اِقَارن ”اَوْش اَيِّي اَذْ سَوَع“، اِرِّي شَمْ ثَارْت زَايْس وُشَا نْتَا اَذْ يِرِّي اَوْش اَم اِمَان اِدَارن. “ 11 ثَنَا اس ثَمْعَارْت ”اَيِّي سِيْذِي، وار غَارَكْ اِرِّي اِ غَا تَايْمَدْ وُشَا اَنُو يُوْدَجْع، مَانِيْس اِ ذَا غَا ثَاوِيْدْ اَمَان اِدَارن؟ 12 مَا شَكْ ذَا اَمَقْرَان زِي جَدِّيْنْع يَاعْقُوْب وَنْيْ ذَا اِنْع اَوْشِيْن اَنُو، اِسْوَا زَايْس، نْتَا ذَا ثَارُوَا نَسْ ذَا رِبْهَام نَسْ؟“ 13 يَشُو يَار-د، اِنَّا اس ”مَارَا وَنْيْ اِ غَا اِسُوْن زَكْ وَاْمَان-ا، اَذْ اِفُوْدْ عَاوْد، 14 مَاشَا وَنْيْ اِ غَا اِسُوْن زَكْ وَاْمَان اِ ذَا س اِ غَا وُشْع نَش، نْتَا وار اِنْتَفَاذِي عَمَارَص. مِينَزِي اَمَان اِ ذَا س اِ غَا وُشْع نَش اَذْ ذَايْس ذُوْرن ذَا تِيْمِيْزِيْن ن وَاْمَان اَذْ فَعْنْت غَار ثُوْدَارْت ن رِبْدَا. “ 15 ثَامْعَارْت ثَنَا اس ”اَيِّي سِيْذِي، اَوْش اَيِّي اَمَان-ا جِيْمَا وار تَقِيْدْغ، وار ذَا تِيْسَعْ عَاذْ ذَا، جِيْمَا اَذْ اَيْمَع. “ 16 اِنَّا اس ”رُوْح، رَاغَا-د اِرِّيَاز تَم وُشَا ذُوْر-د ذَايْنِشَا. “ 17 ثَامْعَارْت ثَار-د، ثَنَا اس ”وار غَارِي بُو وِرِّيَاز. “ يَشُو اِنَّا اس ”تَسِيُوْرْد نِيْشَان وُْمِي تَنْبِيْد ”وار غَارِي بُو وِرِّيَاز، 18 مِينَزِي ثُوغَا غَارْم خَمْسَا ن يِرِّيَازَن ذَا وَنْيْ غَارْم رَحُو، وار اِدْجِي بُو ذَا اِرِّيَاز تَم. مَان اَيَا تَنْبِيْدْ ذَا تِيْدْت. “ 19 ثَامْعَارْت ثَنَا اس ”اَيِّي سِيْذِي، ثُوَارِيْعْ بَلِّي شَكْ ذَا اَمْكَاشَاْف. 20 رَجْدُوْدْ نَعْ عِبْدَن اِرَّبِّي ذَكْ وَذَرَار-ا، كَنْبُو تَقَارْم بَلِّي ذِي وُرْشَالِيْم مَانِي اِدْجَا وُمَشَان اِ ذِي اِسُوْوَار اَذْ نَعْبَد. “ 21 يَشُو اِنَّا اس ”بِيْقْ اَيِّي، اَثَامَطُوْث، اَقَّا ثَاَسَاعْتْ اَذْ دَا ثَاَس اِ ذِي وار تَعْبَدْم ثَابَابَاْثْ وُرَا ذَكْ وَذَرَار-ا وُرَا ذِي وُرْشَالِيْم. 22 كَنْبُو تَعْبَدْم مِيْن وار تَسِيْنَم، مَاشَا نَشِيْن نَعْبَدْ مِيْن نَسْن، مِينَزِي اَسْنَجْم زَكْ وُذَايْن. 23 ثَاَسَاعْتْ اَذْ دَا ثَاَوْض، نَتَاْثْ اَقَا-ت رَحُو، بَلِّي اِنِّي اِعْبَدْن نِيْشَان، اَذْ عِبْدَن ثَابَابَاْثْ س اَرُوْحْ ذَا تِيْدْت. مِينَزِي ثَابَابَاْثْ يَارِزُوْ اِنِّيْ ثَا اِ غَا اِعْبَدْن اَمُو. 24 اَرَّبِّي ذَا اَرُوْحْ وُ اِنِّيْ ثَا اِعْبَدْن، اِنْتَخَصَاْ اسْن اَذْ عِبْدَن س اَرُوْحْ ذَا تِيْدْت. “ 25 ثَامْعَارْت ثَنَا اس ”نَش سَوَعنْ بَلِّي ”مَاسِيَا“ وُْمِي قَارن ”لَمْسِيْح“ اَذْ دَا يَاس. خَمِي اِ دَا غَا يَاس نْتَا، اَذْ اِنْع اِنِّي كُوْرِشِي. “ 26 يَشُو اِنَّا اس ”اَقَّا ذَا نَش، وَنْيْ كِيْم اِسَاوَارن. “ 27 خَنْي وُسيْن-د اِمْحَضَارن نَسْ، تَعَجْبَن رَامِيْثْ وُفِيْن اِسَاوَار اَكْ-ذ اِشْت ن ثَمْعَارْت. مَاشَا وُرَا ذَا اِحْ وار اِنِّي ”مِيْن ثَارِزُوْد؟“ نِيْع ”مَايْمِيْ اَكِيْدَسْ تَسَاوَارْد؟“. 28 ثَجَا ثَمْعَارْت اَقْدُوْح نَسْ س وَاْمَان، ثُوِيُوْر غَار ثَنْدِيْنْت، ثَنَا اِ اُوْدَان ”29 اِرَاْحْم-د، اَقَّا اِحْ ن وِرِّيَاز اِنَّا اَيِّي مَارَا مِيْن كَيْغ. مَا اَتَاغْ نْتَا ذَا لَمْسِيْح؟“ 30 اُوْدَان فَعْن-د زِي ثَنْدِيْنْت، وُسيْن-د غَارَس.

³¹ جَارٌ وَ جَارِ تَارِن زَايِسِ إِمْحَضَارِن نَس، نَان ”أَمْسَرْمَاذ، أَش!“³² مَاشَا نَتَا إِنَّا اسن ”نَش أَقَا غَارِي إِج ن مَاشَا جِيْمَا أَذ زَايِس شَغ، وَار ث نَسِينِم شَا كَنِيُو.“³³ إِمْحَضَارِن مَسَقْسَان جَاراسن ”مَآ اِيِوِي أَس-د حَد مَاشَا؟“³⁴ يَشُوو إِنَّا اسن ”مَاشَا اِنُو أَقَا أَذ سَكَّغ مِين إِخَس وَنِي ذ اِيِي-د اِسَكَّن وَشَا أَذ كَمَرغ رُخْدَمَث نَس.“³⁵ مَآ وَار ثَقَارَم ’إَقِيم عَاذ أَرْبَعَا ن اِيُورِن وَشَا أَذ د نَاس صَابَث؟‘ نَش أَذ اومِ اِنِيغ، سَكَّعَاذَم ثِيَطَاوِين نَوْم، خُزَارَم ذَكَّ اِيَارِن، أَقَا وَارغِن وَجْدِن اِ صَابَث. ³⁶ وَنِي إِمَجَارِن أَذ اِكْسِي رُمُونَث نَس، اِيُورُو رُغِيْدَجْث اِ تُودَارَث ن رِبْدَا، جِيْمَا أَذ فَارْحِن جَمِيْع اِنِي اِزَارَعِن ذ اِنِيي إِمَجَارِن. ³⁷ مِينِيَزِي ذِي مَان اِيَا أَقَا اَوَار-ا ذ ثِيذَت ’اِحْن أَذ اِزَارَع وَ وَنَضِيي أَذ اِمَجَار‘. ³⁸ نَش سَكَّغ-د كَنِيُو جِيْمَا أَذ ثَمَجَارَم وَاحَا وَار ثَخْذِيْمَم كَنِيُو. اِنَضِيي ثُوغَا خَدَمِن، كَنِيُو ثُوذَمَغ غَار رُخْدَمَث نَسِن.“

³⁹ اَطَاس ن اِسَامَارِيِيَن زِي ثَنْذِيَت نِي وَمْن زَايِس خ وَارِن ثَمْعَارَث اِ ثُوغَا اِشْهَدِن ”نَتَا إِنَّا اِيِي مَارَا مِين كَبَغ.“⁴⁰ رَامِي غَارَس-د وَسِين اِسَامَارِيِيَن، سَقْسَان ث جِيْمَا اَكِيذَسِن اَقِيم وَشَا اَقِيم اَكِيذَسِن ثَنَان ن وَسَان ذِييِي. ⁴¹ كَثَارِن عَاذ اِنِيي اِيُومِن س وَارِن نَس. ⁴² نَان اِ ثَمْعَارَث ”نَشِين وَار نَتِيْمِن شَا عَاذ زِي مِين ذ اِنغ ثَنْذِي، مِينِيَزِي نَشِين نَسِرَا اِث س يِيخَف نَغ، نَسِن بَلِي وَاس ثِيذَت ذ لَمَسِيح، اَمْسَجَم ن دُونِيَث.“

اَسْكَنْفِي ن مِيَس ن وَخْدَام ن وَجْدَجِيذ

مَتَى 13:5-8؛ لُوك. 10:1-7

⁴³ اَوَارِنِي ثَنَان ن وَسَان اِفَغ-د سَنِي، اِرُوح غَار لَجَالِيل. ⁴⁴ مِينِيَزِي يَشُوو سِيْمَانَت نَس اِشْهَد بَلِي اَمَكْشَاف وَار غَارَس بُو شَان ذِي ثَمُورَث نَس. ⁴⁵ وَمِي د اِيُوسَا غَار لَجَالِيل، رَقَان ث-يِد اِجَالِيلِيِيَن، مِينِيَزِي نِيَشِي زَرِين مَارَا مِين اِكَا ذِي رَعِيذ ذِي وَرْشَالِيم، مِينِيَزِي وَرَا ذ نِيَشِي وَسِين-د غَار رَعِيذ. ⁴⁶ اِيُوسِي-د عَاوِذ غَار ثَنْذِيَت ن قَانَا ذِي لَجَالِيل مَانِي يَارَا اَمَان د يِنُو. ثُوغَا ذِين اِح ن وَخْدَام ن وَجْدَجِيذ ذِي كَافَارِنَاخُوم غَارَس مِيَس اِهْرَش. ⁴⁷ رَامِي اِسْرَا بَلِي يَشُوو اِيُوسِي-د زِي يَاهُوذِيِيَا غَار لَجَالِيل، اِرُوح غَارَس، اِسَقْسَا ث جِيْمَا أَذ ذ اِهْوَا مَاحَنْد أَذ اِسْكَنْفَا مِيَس، وَنِي ثُوغَا اِكُورِن أَذ اِمَث. ⁴⁸ يَشُوو اِنَا اس ”كَنِيُو وَار تِيْمَنَم شَا مَارَا وَار ثُرَرِيم رَعْرَامَاث ذ لَمُوعَجِيْرَاث.“⁴⁹ اِنَا اس وَخْدَام ن وَجْدَجِيذ ”اِ سِيذِي، هُوَا-د غَار وَادَاي قَبِر مَا أَذ اِمَث وَحَنْجِير اِنُو.“⁵⁰ يَشُوو اِنَا اس ”رُوح أَقَا مِيَش اِدَار.“⁵¹ اِرِيَاز اِتِيَقْ ذَكَّ وَار اِ ذ اس اِنَا يَشُوو وَشَا اِرُوح. ⁵¹ رَامِي د اِهْوَا، مَرْقَان اَكِيذَس اِسْمَغَان نَس، نَان اس ’أَقَا اَحَنْجِير نَك اِدَار‘. ⁵² اِسَقْسَا ثِن خ نَسَاعَث

مِين ذِي اِكْنَفَا. نَانَ اس ”اِسْنَانُ غَار سَبْعَا نَجَا خَاس نَمْسِي.“⁵³ خَنِي اِسْن بَابَاس
بَلِي اَقَا اِمَسَار غَار نَسَاعَث اِ ذِي نُوغَا اِقَار يَشُو اَقَا مَيْش اِدَار. يَوْمَن نَتَا ذَا مَارَا اِنِّي
ن نَادَارْت نَس. ⁵⁴ نَا ذ رَعْرَامْت وَيَس نَتَان اِ اِكَا يَشُو زَكْ وَايِي د اِفَغ زِي يَاهُوذِيْنَا
غَار لَجَالِيل.

اِسْكَنْفِي ن اِج ن وُمَهْرُوش غَار وُكْرَام ن بَايْتِيَسْذَا

5 اَوَارِنِي مَانَ اَيَا يَبُوض-د رَعِيذ ن وُذَايِن وُشَا اِكَاغَد يَشُو غَار وُرشَالِيم. ² غَار
نَوَارْت ن وُدْجِي ذِي وُرشَالِيم نُوغَا ذَيْن اِج ن وُكْرَام وُوي قَارَن س نَعْبِيرَانِيث
'بَايْتِيَسْذَا'، نُوغَا غَارَس خَمْسَا ن اِكُولُورَان اَكْ-ذ اِبِيلَارَن. ³ ذَايَسَن نُوغَا اَقِيم اِج ن
رَغَاشِي ذ اَمَقْرَان ن اِمَهْرَاش ذ اِدَارْغَارَن ذ اِنْبُصَارَن ذ اِقْبَدَاخَن، تَرَاجَان اَنْهَزِي ن
وَامَان. ⁴ مِينَزِي اِج ن لِمَالَاك ن اَرْتِي نُوغَا اِهْكَوَا-د ذَكْ وُكْرَام ذَكْ اِسْت ن رُوقْث،
اِسْتَهَزَا اَمَان ن ثَارَا. وُتِي اِ د غَا اِهْوَان ذ اَمَزُورُو اَوَارِنِي اَنْهَزِي ن وَامَان اَذ اِنُوَاكْنَفَا،
مَامَش مَا اِدْجَا رَهْرَاش نَس. ⁵ نُوغَا ذَيْن اِج ن بِنَادَم ذَايَس رَهْرَاش رَمِيجَارَن ن ثَمْنِيَا وُ
ثَرَايِن ن اِسْكُوسَا. ⁶ يَشُو اِزْرَا اِث، اِسْتَد ذِيْتِي، اِسْن بَلِي نُوغَا-ث ذَيْن اَطَاس زَكْ
وَايِي، اِنَا اس ”مَا تَخْسَدُ اَذ تَكْنَفِيذ؟“ ⁷ يَار-د خَاس وُمَهْرُوش ”اُ سِيذِي، وَا رِ غَارِي
بُو بِنَادَم وُتِي ذَا اِيي اِ غَا اِسْهَوَان غَار وُكْرَام خَمِي اِ غَا تَوَاْسْتَهَزَن وَامَان. خَمِي تَرَاخِ
نَش، اِهْكَوَا-د وُتْصِنِي زَانِي.“ ⁸ يَشُو اِنَا اس ”كَار، تَكْسِيذ نَاشُوث نَكْ، نُوئُورْذ!“
⁹ ذَغِيَا اِكْنَفَا بِنَادَم نِي وُشَا اِكْسِي نَاشُوث نَس، يُوئُور. مَانَ اَيَا نُوغَا ذَكْ وَاَس ن
سَبْت. ¹⁰ نَانَ وُذَايِن اِ وُتِي نُوغَا اِنُوَاكْنَفَان ”وَا ذَاَس ن سَبْت، وَا رِ غَارُك بُو رُحَقْ اَذ
تَكْسِيذ نَاشُوث نَك.“ ¹¹ يَار-د خَاسَن ”وُتِي ذَا اِيي اِسْكَنْفَان، اِنَا كَسِيي نَاشُوث نَكْ،
تَرَاخِذ!“ ¹² وُشَا سَقْسَان ت ”مِين اِعْنَا بِنَادَم-ا اِ ذَا ش اِنَانَ كَسِيي نَاشُوث نَكْ،
تَرَاخِذ؟“ ¹³ وُتِي اِنُوَاكْنَفَان وَا رِ اِسْن مِين اِعْنَا نَتَا، مِينَزِي يَشُو اِنْجَرَا مِينَزِي اَقَا ذَيْن
اَطَاس ن رَغَاشِي ذَكْ وُتْشَان نِي. ¹⁴ اَوَارِنِي مَانَ اَيَا يُوْفِي ت يَشُو ذِي نَادَارْت اِقْدَسَن،
اِنَا اس ”خَرَارْت، اَقَا تَكْنَفِيذ، وَا رِ تَكْ بُو دُتُوب عَاذ، جِيْمَا وَا رِ ذَا ش اِتْمَسَار مِين
اِعْفَن كَثَار.“ ¹⁵ اَرِيَا ز اِرُوح، اِحْبَار وُذَايِن بَلِي ذ يَشُو اِث اِسْكَنْفَان.

تَابَابَاث ذَا تَامْمِيَسْت ذَا يَبِيَجَن

¹⁶ خ وُيْنِي خَسَن وُذَايِن اَذ ذَارْشَن خ يَشُو، اَرَزُون اَذ ت نَعْن، مِينَزِي اِكَا مَانَ اَيَا ذَكْ
وَاَس ن سَبْت. ¹⁷ مَاشَا يَشُو يَار-د خَاسَن ”اَقَا بَابَا اِحْدَم اَر يَبِيضَا وُ نَش عَاوْذ اَقَا خَدْمَغ.

¹⁸ ذِي سَبِيث-ا أَرزُون وُذابِين عاذ كِثار جِيما اذْ ث نَعْن، وار اِدْجِي وَاها مِينِزِي اِخارف
سَبِيث، ماشا وُرا مِينِزِي اِقَار اَقَا اَرَبِي ذ باباس، اِتارَا اِخف نَس ذ اَرَبِي. ¹⁹ يَشُو يار-د،
اِنَّا اسن ”س ثِيذت، س ثِيذت، اذْ اوم اِنِيع، ثاممِيث وار اِزمار اذْ اِكْت وُرا ذ اِشْت ن
ثمسراشت س يِخف نَس، مَغِير مارا اِزرا ثاباباث اِكْت اِث. مِين مَّا اِكْت نَتَّا وُرا ذ
ثاممِيث اِكْت اَمَنِي. ²⁰ ثاباباث اِتخَس ثاممِيث وُشا اِسْشِن اس مارا مِين اِكْت وُشا اذْ
اس اِسْشِن رَحْذابِم ثِيمَقْرانِين خ ثِينا جِيما اذْ نَدَهْشَم. ²¹ اَم مامش ذ اِسْنَكَّار ثاباباث
اِمْتِين وُشا اِيشِشْ ثُوذارث، اَمَنِي وُرا ذ ثاممِيث اِيشِشْ ثُوذارث اِ وِئِي اِخَس. ²² ثاباباث
وار اِتْحاساب وُرا ذ اِج، ماشا اِوشا لِحِساب مارا اِثْمَمِيث، ²³ جِيما اذْ وَقارن مارا
ثاممِيث اَم ثوقارن ثاباباث. وِئِي وار اِتوقارن ثاممِيث، وار اِتوقارن شا ثاباباث وِئِي اِث-يَد
اِسْكَن. ²⁴ س ثِيذت، س ثِيذت، اذْ اوم اِنِيع، وِئِي اِتسْران اِ وَاوار اِنُو وُشا اِتامن ذَكْ
وِئِي ذ اِبي-د اِسْكَن، غارس ثُوذارث ن رِبْدا، وار د اِتيس شا غار لِحِساب، ماشا نَتَّا
اَقَا اِمُوْطِي زِي رَمُوْث غار ثُوذارث. ²⁵ س ثِيذت، س ثِيذت، اذْ اوم اِنِيع، اذْ د ثاس
ثَساعْث، اَقَات رَحُو، اِ ذِي اِمْتِين اذْ سرن ثِمِيجَا ن مِيس ن اَرَبِي وُ اِنِي اِ غا اِسْرِن،
اذْ دَارن. ²⁶ ماشا اَم مامش غار ثاباباث غارس ثُوذارث ذَكْ اِخف نَس، اَمُو اِوشا وُرا
اِثْمَمِيث جِيما اذْ غارس ثِيرِي ثُوذارث ذَكْ اِخف نَس. ²⁷ وُشا اِوشا اس صُوْطَا
جِيما اذْ اِحاسب، مِينِزِي نَتَّا ذ مِيس ن بِنادم. ²⁸ وار تَعَجِيبِم شا س مان اِيا، اَقَا اذْ د
ثاس ثَساعْث اِ ذِي مارا اِنِي اِدْجان ذَكْ اِمضْران اذْ سرن ثِمِيجَا نَس ²⁹ وُشا اذْ د فَعْن
اِنِي اِكْتِن ثاصْبِحانْت اذْ كَارن اذْ راحن غار ثُنوكرا ن ثُوذارث وُشا اِنِي اِكْتِن ثوعَفْنا
اذْ كَارن، اذْ راحن غار ثُنوكرا ن لِحِساب. ³⁰ نش وار زَمارْغ اذْ كَغْ شا زَكْ اِخف
اِنُو. اَم مامش تَسْرِيع، اذْ حاسبْغ وُ لِحِساب اِنُو ذ رَحَقْ، مِينِزِي نش وار اَرزُوْغ مِين
حَسْغ، ماشا مِين اِخَس وِئِي ذ اِبي-د اِسْكَن. ³¹ ماعَلِيك شَهْدْغ اِ اِخف اِنُو، اِرِي اَقَا
شهادْث اِنُو وار نَدْجِي شا نِيشان. ³² اَقَا ذِين اِجْن نَضْنِي وِي خافي اِشْهَدْن. نش سَغ
بَلِي شهادْث اِ خافي اِشْهَدْ، اَقَا ذ ثِيذت اِ نَدْجا. ³³ كْنِيو ثَسْكَم-د غار يُوْحانَا وُشا
نَتَّا اِشْهَد اِ ثِيذت. ³⁴ ماشا نش وار قَبْرْغ شا شهادْث ن بِنادم. ماشا نش قَارْغ مان
اِيا جِيما اذْ ثَواسْنَجَم. ³⁵ نَتَّا ذ رَفنار اِيارقن، اِثِيلِيشِن، كْنِيو ثَخْسَم اذْ ثَفارحَم س
ثُفاوْث نَس غار اِشْت ن ثَساعْث. ³⁶ ماشا نش غاري اِشْت ن شهادْث ذ ثامَقْرانْت خ
ثُنِي ن يُوْحانَا، مِينِزِي رَحْذابِم اِ ذ اِبي اِوشا ثاباباث جِيما اذْ ثنْت كَمْرْغ، رَحْذابِم نِي
اِ كَتْغ شَهْدنْت سِيمانْت نَسنْت اَقَا ذ ثاباباث ذ نَتَّا اِ ذ اِبي-د اِسْكَن. ³⁷ ثاباباث وِئِي
ذ اِبي-د اِسْكَن، ذ نَتَّا اِ خافي اِشْهَدْن. كْنِيو عَمَارص وار ثَسْرِيم ثومِيجَا نَس وُشا وار

نُزْرِيمَ شَا أَدُوذَ نَسَّ³⁸ وَشَا أَوَارَ نَسَّ وَارَ ذَايَوْمَ اِتَّعِيْمِي شَا رِبْدَا، مِينِزِي كَنْيُو وَارَ تَيْمِنَن شَا ذَكَّ وَتِي اِث-يِدِ اِسْكَنَ.³⁹ اَرُزُومَ ذَكَّ اِذْلَيْسَن، مِينِزِي اِتَّعِيْرَ اُومَ اَقَا ذَايَسَن ثُوذَارَثَ نَ رِبْدَا وَشَا اَقَا-ثَنَ ذَ اِنِّي اِ خَافِي اِشْهَذَن.⁴⁰ وَاخَا اَمْنِي كَنْيُو وَارَ تَتَّخَسَمَ اَذَ غَارِي دَ نَاسَمَ حِيْمَا اَذَ غَارُومَ ثِيْرِي ثُوذَارَثَ.⁴¹ وَارَ قَبْرَغَ شَا اَعُوذْجِي نَ اُوْدَان،⁴² مَاشَا نَشَ سَنَغَ كَنْيُو، اَقَا كَنْيُو وَارَ غَارُومَ بُو ثَايْرِي نَ اَرِّي ذَكَّ اِخْفَ نَوْمَ.⁴³ نَشَ وَسِيغ-دَ سَ يِسَمَ نَ بَابَا، كَنْيُو وَارَ ذَ اِبِي ثَقْبَرَمَ شَا. مَارَا يُوْسِي-دَ شَا نَ يِيَجَنَ سَ يِسَمَ نَسَّ، اَذَ ثَ ثَقْبَرَمَ.⁴⁴ مَامَشَ نُرْمَارَمَ اَذَ ثَانَمَن، مَارَا كَنْيُو تَتَّخَسَمَ اَعُوذْجِي نَ وَايَاوِيَا، مَاشَا وَارَ ثَارُزُومَ شَا خَ وَعُوذْجِي نَ وُيِّي نَ اَرِّي؟⁴⁵ وَارَ ذَ اَوْمَ اِتَّعِيْرَ اَذَ زَايَوْمَ شَشِيْبَغَ غَارَ ثَبَاثَ. وَتِي زَايَوْمَ اِ غَا اِشْشَانَ ذَ مَوْسَى خَ وَتِي ثَسْرُوسَامَ اَسِيْشَمَ نَوْمَ.⁴⁶ مَارَا ثَوْمَنَمَ زِي مَوْسَى، اَذَ ثِيْرِي ثَوْمَنَمَ ذَايِي، مِينِزِي نَتَا يُوْرَا خَافِي.⁴⁷ مَارَا كَنْيُو وَارَ ثَوْمِينَمَ شَا ذَكَّ اِذْلَيْسَن نَسَّ، مَامَشَ اِ غَا نَكَمَ اَذَ ثَانَمَنَ ذَكَّ وَاَوَارَنَ اِنُو؟“

اَسْشِي نَ خَمْسَا اَرَاَفَ

متى 14:13-21؛ مار. 6:30-44؛ لوك. 9:17-10

6 اَوَارِنِي مَانَ اَيَا اِيْرُوحَ يَشُو غَارَ وَجَمَّاضَ نَ رِبْحَارَ نَ لَجَالِيلَ، وَتِي ذَ رِبْحَارَ نَ ثِيْبِيْرِيَاَسَ.¹ اَضْفَارَ اِث-يِدِ اِحَ نَ رَغَايِي ذَ اَمْقَرَانَ، مِينِزِي زَرِيْنَ رَعْرَامَاثَ نَسَّ اِ اِكَا اِ اِمْمِهْرَاشَ.² رِخْدَنِي اِكَاَعْدَ يَشُو غَارَ وَذَرَارَ وَشَا اَقِيْمَ ذِيْنِي اَك-ذَ اِمْحَضَارَنَ نَسَّ.³ بَاسَخَا، رَعِيْدَ نَ وَذَايِنَ، وَارَ ذَ اِسَ اَقِيْمَ شَا.⁴ رِخْدَنِي اِسْكَاعْدَ يَشُو ثِيْطَاوِيْنَ نَسَّ وَشَا، وَمِي اِزْرَا اِحَ نَ رَغَايِي ذَ اَمْقَرَانَ يُوْسِي-دَ غَارَسَ، اِنَا اِ فِيلِيْبُّوسَ ”مَانِيَسَ اِ غَا نَسْغَ اَغْرُومَ، حِيْمَا اَذَ شَنَ اِنَا؟“⁵ اِنَا اُمُو حِيْمَا اَذَ ثَ اِحَارَبَ، مِينِزِي نَتَا سِيْمَانَتَ نَسَّ اِسَنَ مِيْنَ اِ غَا يَكَّ.⁶ يَار-دَ خَاسَ فِيلِيْبُّوسَ ”اَغْرُومَ سَ مِيْثَايِنَ نَ دِيْنَارَ وَارَ ثَنَ اِتْقَدِّي حِيْمَا اَذَ اِكْسِي كُوْرَ اِحَنَ زَايَسَنَ ذَرُوسَ.“⁷ اِحَنَ زَكَّ اِمْحَضَارَنَ نَسَّ، نَتَا ذَ اَنْدَرَاوَسَ، وَمَاسَ نَ سِمَعَانَ بَطْرُوسَ، اِنَا اِسَ⁸ ”اَقَا ذَا اِحَ نَ وَحَنْجِيْرَ غَارَسَ خَمْسَا نَ ثَشِيْنِيْفِيْنَ نَ اِمْنِيْذِي ذَ ثَنَايِنَ نَ اِسْرَمَانَ، مَاشَا اَنْشَثَ وَايَا قَاعَ اِ وَاطَاسَ؟“⁹ يَشُو اِنَا ”سَنَغِيْمَ اُوْدَانَ.“ ثُوْغَا ذِيْنَ اَطَاسَ نَ رَحِيْشَ ذَكَّ وَمَشَانَ نِي. خَ وَيِّي قِيْمَنَ يَرِيَاَزَانَ، اَقَا-ثَنَ ذِي خَمْسَا اَرَاَفَ اِذْسَنَ عِرَاْحَارَ.¹⁰ يَشُو اِكْسِي ثِيْشِيْنِيْفِيْنَ، اِذَاذَا وَشَا اِضْثَا ثَنَتَ خَ اِمْحَضَارَنَ نَسَّ وَ اِمْحَضَارَنَ نَسَّ وَشِيْنَ ثَنَتَ اِ اِنِّي اَقِيْمَنَ. اِوْشَا اَمْنِيْ عَاوْذَ زَكَّ اِسْرَمَانَ عِلَاْحَسَابَ اَنْشَثَ اِحْسَنَ اَذَ شَنَ. رَامِي جِيْوَنَ، اِنَا اِ اِمْحَضَارَنَ نَسَّ ”يُورُومَ اِرْقَوَازَ اِشْطَنَ، حِيْمَا وَارَ اِتْضِيْعَ وَالُو.“¹¹ يَزُونُ وَشَا عَمَارَنَ ثَعَاَشَ نَ ثَسُوْدْچَاثِيْنَ سَ

إِرْقَواز ن خَمْسا ن تَشْنِيفِين ن اِمَنْدِي اِ اِسْطَنْ اَوَارِنِي رَامِي شَيْن .¹⁴ رَامِي زَرِين اِوْذان رَعْرَامَث اِ اِكْتَا يَشُو، تان ”وا ذ ثِيذت ذ اَمْكَاشاف اِ ذ اِتاسن غار دُونِيت.“¹⁵ وُمِي اِسْن يَشُو، بَلِي اَذ د اسن نِيشِي، اَذ ث طَفْن س وُغِير جِيما اَذ ث كُنْ ذ اَجْدَجِيذ، خَنِي اِنَجرا غار وَذرار، حاشا نَتا وُحْدَس .

يَشُو اِكُورْخ وَاْمان ن رِبْحار

متى 27-22:14؛ مار. 52-45:6

¹⁶ رَامِي د ثَوْضا ثَمْدِيت، هوان-د اِمْحَضارن نَس غار رِبْحار .¹⁷ نِينِين ذِي نَعْرَاثُوث، قَضْعن رِبْحار غار كافارانحوم . اِرا ثُدْجا ثاُدْجِست نَقْرَاب-د وُ يَشُو ثُوغا عاذ وار غارسن-د يُوْسِي .¹⁸ رِبْحار اِنَهوَر مِينزِي اَسْمِيزُ ثُوغا اِنْتِصُوض اَطاس .¹⁹ اَرَامِي ثُوغا قَدْفن رَقْد ن عراحار خَمْسا وُ عِيشِرِين اَر ثَرائِين 'اِسْتاَذِين' (=عراحار اَرْبعا اَر سَتا كِيلُومِيش)، زَرِين يَشُو اِكُورْخ رِبْحار، اِنْتَقارَاب-د غار نَعْرَاثُوث وُشا كُودن .²⁰ اِنَا اسن ”اَقَا ذ نَش، وار تَكُودْم شا.“²¹ نِينِيتِي حَسْن اَذ ث سَقْبِرِن ذِي نَعْرَاثُوث وُشا ثاغاراَثُوث ثِيوِض ذَغيا غار رِبَار اِ غار اِدْجا تَراحن .²² ثِيوِشَا نَس اِبْد رَعاشِي غار وُجَمَاض ن رِبْحار، زَرِين بَلِي وار ذِين ثُوغِي وُرا ذ اِسْت ن نَعْرَاثُوث نَضْنِيت مَعِير اِسْتن، نَبِي ماني ذائِس وُذْفن اِمْحَضارن نَس وُ يَشُو وار يُوذِيف شا ذِي نَعْرَاثُوث اَك-ذ اِمْحَضارن نَس، ماشا اَقَا اِمْحَضارن نَس رُوحن وُحْدَسن .²³ وُسِينت-يِد نَعْرَاثُوبا نَضْنِيت زِي ثِيْبِيرِياس زَاث اِ وُمشان ماني شَيْن اَعْرُوم رَامِي ثُوغا اِقادا سِيذِي .²⁴ رَامِي اِزرا رَعاشِي اَقَا وار ذِين اِدْجِي يَشُو وُرا ذ اِمْحَضارن نَس، وُذْفن وُرا ذ نِينِيتِي ذِي نَعْرَاثُوث وُشا وُسِين-د غار كافارانحوم اَرزُون خ يَشُو .

يَشُو نَتا ذ اَعْرُوم ن ثُوذارْت

²⁵ رَامِي ث وُفِين غار وُجَمَاض ن رِبْحار، تان اس ”ا اَمْسِرماذ، مرمي د ثُوْسِيذ ذا؟“
²⁶ يَشُو يار-د خاسن، اِنَا ”س ثِيذت، س ثِيذت اَذ اوم اِنِغ، كَنبو ثارزُوم خافي، وار اِدْجِي وُمِي ثُرِيم رَعْرَاماث ماشا وُمِي ثَشِيم اَعْرُوم وُشا ثَجِيوِم .²⁷ وار نَحْدَمم اِ ماشا اِحْسارن، ماشا اِ ماشا اِتَغِيمان اِ ثُوذارْت ن رِبْدا، نَبِي ذ اوم اِ غا اَوْش مِيس ن بِنادَم، مِينزِي ثاباباث، اِسازَس طابِع نَس خاس .“²⁸ تان اس ”مِين اِ غا نَكْ، جِيما نَرْمار اَذ نَكْ رَحْدايم ن اَرْبِي؟“²⁹ يار-د يَشُو، اِنَا اسن ”تا ذ رَحْدَمْت ن اَرْبِي، اَقَا اَذ ثامْنَم ذَك وَنِي د اِسْك نَتا.“

³⁰نَّان اس ”مان رَعْرَامَث إِ غَا ثَكَّذَّ حِيْمَا اَذْ نَزَارِ وُشَا اَذْ زَايِك نامن؟ مان رُحْدَمَث إِ غَا ثَكَّذَّ؟“³¹ رَجْدُوذ تَغ شَيْن ’مَانَا‘ ذِي رَحْرَا اَم مَامَشْ ثُورَا ’نَتَا اَوْشَا h اسن-د اَعْرُوم زَكَّ وُجَنَّا حِيْمَا اَذْ ث شَن‘.“³² اِنَّا اسن يَشُو ”س ثِيذت، س ثِيذت اَذْ اوم اِنْبِيغ، وار اِذْجِي ذِ مَوْسِي إِ ذِ اوم اِوشِين اَعْرُوم زَكَّ وُجَنَّا، مَاشَا بابَا اِتِيَشْ اَوْم اَعْرُوم نِ ثِيذت زَكَّ وُجَنَّا.“³³ مِينِزِي اَعْرُوم نِ اَرَبِّي ذِ نَتَا وِنِّي دِ اِهَكْوَان زَكَّ وُجَنَّا وُشَا اِتِيَشْ ثُوذَارَثِ اِذْوَتِيَشْ.“³⁴ نَّان اس ”اَسِيذِي، اَوْش اَنَغ-دِ رِبْدَا اَعْرُوم-ا.“³⁵ يَشُو اِنَّا اسن ”نَشِ ذِ اَعْرُوم نِ ثُوذَارَثِ. وِنِّي غَارِي-دِ إِ غَا يَاسِن، وار اِتْرِيذِ عَمَّارَصِ وُ وِنِّي ذَايِي إِ غَا يَامِنِ وار اِنْفِيذِي عَمَّارَصِ.“³⁶ مَاشَا نَشِ تَبِغِ اَوْم، اَقَّا كَتَبُو ثَرِيْمِ اَيِي، وَاخَا اَمَّنِّي كَتَبُو وار ثُوْمِينِمِ شَا.“³⁷ مَارَا مِينِ ذِ اَيِي إِ غَا اَوْشِ ثَبَابَثِ، اَذْ غَارِي-دِ يَاسِ وُ وِنِّي غَارِي-دِ إِ غَا يَاسِن، وار ثِ شُوْفُوغِ شَا غَارِ بَارَا.“³⁸ مِينِزِي نَشِ هَوِيغ-دِ زَكَّ وُجَنَّا، وار اِذْجِي شَا حِيْمَا اَذْ كَغِ مِينِ خَسَغِ نَشِ، مَاشَا حِيْمَا اَذْ كَغِ مِينِ اِحْسِ وِنِّي ذِ اَيِي-دِ اِسْكَن.“³⁹ ذِ مَانِ اَيَا مِينِ اِحْسِ ثَبَابَثِ وِنِّي ذِ اَيِي-دِ اِسْكَن، اَقَّا مَارَا مِينِ ذِ اَيِي اَوْشَا، وار زَايِسِ سَوْدَارِغِ وَالْوِ، مَاشَا اَذْ-ثِ يَدِ سَنَكَارِغِ ذَكَّ وَاَسِ اَنَكَّارُو.“⁴⁰ ذِ مَانِ اَيَا مِينِ اِحْسِ نَتَا وِنِّي ذِ اَيِي-دِ اِسْكَن، اَقَّا كُورِ اِحْجِ وِنِّي إِ غَا اِزَارِنِ ثَامَمِيَتِ وُشَا اَذْ ذَايِسِ يَامِنِ، اَذْ غَارِسِ ثِيرِي ثُوذَارَثِ نِ رِبْدَا وُشَا اَذْ-ثِ يَدِ سَنَكَارِغِ ذَكَّ وَاَسِ اَنَكَّارُو.“

⁴¹ اُوذَايِنِ شَشَشَانِ زَايِسِ، مِينِزِي اِنَّا ”نَشِ ذِ اَعْرُومِ اِذِ اِهْوَانِ زَكَّ وُجَنَّا.“⁴² نَّان ”مَانَا“ ذِ وَايِنْتَا وار اِذْجِي بُو ذِ يَشُو، مَيْسِ نِ يُوْسَفِ، نَشِينِ نَسْنِ بَابَاسِ ذِ يَمَّاسِ؟ مَامَشِ إِ غَا يَبِينِي ’نَشِ هَوِيغ-دِ زَكَّ وُجَنَّا‘؟“⁴³ يَشُو يَار-دِ خَاسِنِ، اِنَّا ”وار تَشَشَشَامِ شَا جَارَاوم.“⁴⁴ وار اِزْمَارِ وُرَا ذِ اِحْجِ اَذْ غَارِي-دِ يَاسِ، مَغْيِرِ مَارَا اِحْجِذِ اِثِ-يَدِ ثَبَابَثِ وِنِّي ذِ اَيِي-دِ اِسْكَنِ وُشَا نَشِ اَذْ-ثِ يَدِ سَنَكَارِغِ ذَكَّ وَاَسِ اَنَكَّارُو.“⁴⁵ اَقَّا ثُورَا ذَكَّ اِذْلِيَسِنِ نِ اِمْكَاشَاْفِنِ ’نِيَشْنِي مَارَا اَذْ تَوَاسْتَرْمَذِنِ زِي اَرَبِّي‘. حَنِّي كُورِ اِحْجِ وِنِّي ثِ اِسْرِينِ وُ اِرْمَذِ اِثِ زِي ثَبَابَثِ، اَذْ غَارِي-دِ يَاسِ.“⁴⁶ وُرَا ذِ اِحْجِ وار اِزْرِي ثَابَابَثِ مَغْيِرِ وِنِّي اِذْجَانِ زِي اَرَبِّي. وَا اِزْرَا ثَابَابَثِ.“⁴⁷ سِ ثِيذت، سِ ثِيذت اَذْ اوم اِنْبِيغ، وِنِّي ذَايِي اِتَامِنِ، اَذْ غَارِسِ ثِيرِي ثُوذَارَثِ نِ رِبْدَا.“⁴⁸ نَشِ ذِ اَعْرُومِ نِ ثُوذَارَثِ.“⁴⁹ رَجْدُوذ نَوْمِ شَيْنِ ’مَانَا‘ ذِي رَحْرَا وُشَا مَوْثِنِ.“⁵⁰ مَانِ اَيَا ذِ اَعْرُومِ اِذِ اِهَكْوَانِ زَكَّ وُجَنَّا، حِيْمَا مَارَا اَذْ زَايِسِ شَنِ، وار تَمْتِيِنِ شَا.“⁵¹ نَشِ ذِ اَعْرُومِ اِذَارِنِ اِذِ اِهْوَانِ زَكَّ وُجَنَّا. مَارَا اِحْجِنِ اِشَا زَكَّ وُغْرُومِ-ا، اَذْ اِذَارِ اِ رِبْدَا. اَعْرُومِ وِنِّي إِ غَا وُشَغِ، نَتَا ذِ اَيْسُومِ اِنُو إِ غَا وُشَغِ اِ ثُوذَارَثِ نِ ذُوْتِيَشْ.“

⁵²وَذَايِن مِّنْغِن جَارَاسِن، نَّان ”مَامَش إِزْمَارَ وَ اَذْ اَنْغِ اِوْشِ اَيْسُوم نَسَّ جِيْمَا اَذْ ث نَشْ؟“ ⁵³يَشُو يَارْدَ خَاسِن ”س تِيذْت، س تِيذْت، اَذْ اوم اِنْبِغ، مارا وار تَشِيْم شَا اَيْسُوم ن مَيْس ن بِنَادْم وُشَا اَذْ شُوم اِذَامَن نَس، خَنِّي وار غَارُوم-د تِيرِي تُوذَارْث دَكْ اِخْفِ نَوْم. ⁵⁴وَنِّي اِ غَا اِشْنِ اَيْسُوم اِنُو وُشَا اَذْ اِسُو اِذَامَن اِنُو، اَذْ غَارَس تِيرِي تُوذَارْث ن رُبْدَا وُ نَش اَذْ ث-يِد سَنَكَارْغ دَكْ وَاسْ اَنْكَارُو. ⁵⁵مِينْزِي اَيْسُوم اِنُو ذ مَاشَا ذ تِيذْت وُشَا اِذَامَن اِنُو ذ نَسْسِيْت ن تِيذْت. ⁵⁶وَنِّي اِ غَا اِشْنِ اَيْسُوم اِنُو وُشَا اَذْ اِسُو اِذَامَن اِنُو، اَذْ اِذِي اِقِيْم وُ نَش ذَايَس عَاوْذ. ⁵⁷اَم مَامَش ذ اِيِي-د اِسْكَ ثَبَاث اِذَارْن وُشَا نَش دَارْغ زِي ثَبَاث، اَمُو عَاوْذ اَذْ زَايِي اِذَارْ وَنِّي زَايِي اِ غَا اِشْن. ⁵⁸وَ اَذْ اَغْرُوم اِ د اِهْوَان زَكْ وُجْنَا. وار اِذْجِي شَا اَمَشْنَاو مَامَش شَيْن رَجْدُوذ نَوْم ’مَانَا‘ وُشَا مُوْثِن، مَاشَا وَنِّي اِ غَا اِشْنِ اَغْرُوم-ا، اَذْ اِذَارْ اِ رُبْدَا. “ ⁵⁹اِنَا مَان اَيَا دَكْ وُسِينَاكُوْثْ اَم تُوْغَا اِسْرَمَاذ ذِي كَاغَارِنَاخُوم.

اَطَّاس ن اِمْحَضَارِن بَدَان تَكْوَجْن خ يَشُو

⁶⁰اَطَّاس ن اِمْحَضَارِن نَس، وُيِي سَرِيْن مَان اَيَا، نَّان ”اُورَا-ا اِقْسَح. وَي اِزْمَارْن اَذْ اس اِسْر؟“ ⁶¹اِسْن يَشُو دَكْ يِخْف نَس، اَقَا اِمْحَضَارِن نَس شَشْتَان خ مَان اَيَا، خَنِّي اِنَا اسِن ”مَا مَان اَيَا ذ رَفْضِيْحْت اِ كَنِيُو؟“ ⁶²اِمَامَش مارا نَزْرِيْم مَيْس ن بِنَادْم اِتْكَاعَاذ غَار مَانِي اِرا اِذْجَا قَبْر؟“ ⁶³اُرُوْح ذ وَنِّي اِتِيْشْن تُوذَارْث. اَيْسُوم وار اِنْفَع اِ وَاو. اُوارِن اِ ذْ اوم نَبِغ، ذَايَسِن اُرُوْح ذ تُوذَارْث. ⁶⁴مَاشَا اَقَا ذَيْن شَا جَارُوم اِنِّي وار يُومِيْن. “ مِينْزِي يَشُو اِسْن زَكْ وُْمَزَاوُ مَان يِن اِذْجَان اِنِّي وار يُومِيْن وُ مَان وَنْ ث اِ غَا اِسْلَمْن. ⁶⁵اِنَا ”س وُيْنِي ذْ اوم نَبِغ‘ وار اِزْمَارُورَا ذْ اِحْ اَذْ غَارِي-د يَاس مَعْبِرْ مارا ثَمُوْش اس زِي ثَبَاث. “

⁶⁶زِي رُوْفْث نِّي ذُورِن اَطَّاس زَكْ اِمْحَضَارِن نَس غَار ضِفَّار، وار قِيْمِن شَا كُورِن اَكِيْدَس. ⁶⁷اِنَا يَشُو اِ نَعَاش ن اِمْحَضَارِن نَس ”مَا وُورَا ذ كَنِيُو ثَخْسَم اَذْ تُوِيُورْم؟“ ⁶⁸سِمَعَان بَطْرُوس يَارْدَ خَاس ”اُ سِيْذِي، وَي غَار اِ غَا نَرَاَح؟ شَكْ غَارْكَ اُوارِن ن تُوذَارْث ن رُبْدَا، ⁶⁹اَقَا نَشِيْن نَوْمِن وُ نَسْن اَقَا شَكْ ذ لَمْسِيْح، مَيْس ن اَرْبِي اِذَارْن. “ ⁷⁰يَشُو يَارْدَ خَاسِن ”مَا وار اِذْجِي ذْ نَش اِ كَنِيُو اِخْضَارْغ س نَعَاش؟ وُشَا اِجْن زَايُوم ذ اِبْرِيْس. “ ⁷¹اِنَا مَان اَيَا خ يَاهُوْذَا، مَيْس ن سِمَعَان اِسْخَارِيُوطِي، مِينْزِي وَايْتَا تُوْغَا اِحْس اَذْ ث اِسْلَم وُ نَتَا ذْ اِجْن زِي نَعَاش.

يَسُوْ اِكُوْر غار رُعِيْد ن تَحُوْزان ن اِفْشوان ذِي وُرْشالِيْم

7 اَوَارِنِي مان اَيَا تُوْغا يَسُوْ اِكُوْر ذِي لَجالِيل، وار اِحْس اذ اِرَاح اذ اِنْض ذِي يَاهُوْذِيْتا، مِيْنِزِي وُذايْن تُوْغا اَرزُوْن اذْ ث نَعْن. ² اِقارَب-د رُعِيْد ن وُذايْن وُْمِي قارَن ”نِيْحُوْزان ن اِفْشوان“. ³ تان اس اَيْشماس ”فَع سَنايْنا، رُوْح غار ثَمُوْرث ن يَاهُوْذِيْتا حِيْما وُرا ذ اِمْحَضارن نَك زَمارن اذ زارن مان رَحْدايْم نَك اِ تَنَكْذ. ⁴ وُرا ذ اِحْ وار اِتْكَ شان ثَمَسْراشْت س ثَنُوْفا، مارا نْتا س اِحْف تَس يارزُوْ اذ د اِضْهار غار بارا. مارا تَنَكْذ نِيْمَسْرايْن-ا، سَشْن اِحْف تَك اِ دُوْئِيْث.“ ⁵ مِيْنِزِي وُرا ذ اَيْشماس وار ذايْس وُْمِيْن ش. ⁶ اِنَّا اسن يَسُوْ ”رُوْث اِنُوْ عاذ وار د نِيْويْض، ماشا رُوْث نُوْم اَقا-ت رِبْدا اَكِيْدُوْم. ⁷ دُوْئِيْث وار ثَمار اذ كَنِيْو نْشاره، ماشا نْتا نْشاره اَيِي، مِيْنِزِي نَش شَهْدَعْ خاس بَلِي رَحْدايْم تَس ذ نِيْعَفانِيْن. ⁸ رُوْحَم كَنِيْو غار رُعِيْد-ا. نَش وار تَرِيْحغ شا غار رُعِيْد-ا، مِيْنِزِي رُوْث اِنُوْ عاذ وار تَكَمَر.“ ⁹ وُْمِي ذ اسن اِنَّا اَمُو، اِقِيْم ذِي لَجالِيل. ¹⁰ ماشا وُْمِي رُوْحن اَيْشماس، اِرُوْح وُرا ذ نْتا غار رُعِيْد، وار د اِضْهار غار بارا، ماشا اِكْا اَحْمِي اِنُوْفار. ¹¹ وُذايْن اَرزُوْن خاس ذِي رُعِيْد، تان ”ماني اِدْجا وايْنا؟“ ¹² اَطَّاس زِي رْغاشِي ثَمُوْمن خاس، شا زايْسَن تان ”نْتا ذ اَرِيْاز ذ اَصْبَحان“ ماشا اِنْضِيْي تان ”لا، اِسْخارِيْخ رْغاشِي.“ ¹³ ماشا وُرا ذ اِحْ وار خاس اِسُوْر س بطايْطاي زِي سِيْيْث ن نِيْكَوْذِي زَك وُذايْن. ¹⁴ ماشا اَرامي اِعْدُوْ وُزِيْن زِي رُعِيْد، اِرُوْح يَسُوْ غار تاداْرث اِقْدَسْن، اِسْرماذ. ¹⁵ وُذايْن ذَهْشَن، تان ”مامْش اِكْا نْتا اِسْن اِدْليْسَن اَم وار ثن اِغْرِي شا؟“ ¹⁶ يَسُوْ يار-د خاسن ”ثاغُوْرِي اِنُوْ وار ثَدْجِي شا اِنُو، ماشا زَك وُني ذ اِيْبي-د اِسْكَن. ¹⁷ مارا اِحْن اِحْس اذ اِكْ مِيْن اِحْس اَرْبِي، اذ اِسْن ما اَقا ثاغُوْرِي-يا زِي اَرْبِي نِيْع اَقا ساوارغ زَك بِيْخَف اِنُو. ¹⁸ وُني اِسْتاوارن زَك بِيْخَف تَس يارزُوْ اَعُوْذْجِي تَس، ماشا وُني يارزُوْن اَعُوْذْجِي ن وُني ث-يْد اِسْكَن، اَقا نْتا ذ نِيْذت، وار ذايْس بُو رْعَشْ. ¹⁹ ما وار اِدْجِي ذ مُوسى اذ اوم اُوْشِيْن تاوارث؟ ماشا وُرا ذ اِحْ زايْوم وار اِتْكَ تاوارث؟ ا مايْمِي حَنْي تارزُوْم اذ اِيْبي نَنْغَم؟“ ²⁰ رْغاشِي يار-د ”ذايْكَ شِيْطان، وِي يارزُوْن اذْ شَك اِنْع؟“ ²¹ يَسُوْ يار-د خاسن ”حَدْْمَع اِسْت ن رَحْدَمْت وُشا كَنِيْو ثَبْهْتَم مارا. ²² تَس وُيا مُوسى اُوْشا اوم-د اَحْثان، اَحْثان ماشا وار اِدْجِي شا زِي مُوسى، ماشا زِي رَجْدُوْذ نُوْم وُ كَنِيْو نَحْتَنَم اِبْناذَم ذِي سَبْث. ²³ مارا اِقْبِر بْناذَم اذ اِنُوْاخْشَن ذِي سَبْث حِيْما وار ثَنُوْرزِيْ تاوارث ن مُوسى، ما اذ خافي نَحْيِيْم رامِي سَكْنَفِيْع بْناذَم اِكْمَر ذِي سَبْث؟ ²⁴ وار حَكْمَم شا زِي مِيْن اِضْهارن غار بارا، حَكْمَم س اِحْ ن رَحُوْكم اِسْكَنْذ.“

ما يَشُو نَتَا ذ لَمَسِيح؟

²⁵ شَا نِ إِوْذَانِ زِي وَرْشَالِيمِ نَانَ "ما وار إِدْجِي ذِ وَا إِارْزُونِ أَذْ ثِ نَعْنِ؟" ²⁶ ماشا خُزَارِ، إِسْأَوَارِ سِ بَطَايِطَايِ، وار دِ اس قَارَنِ وَالْوِ. أَتَاغِ أَقَا سَنَنْ إِمْقَرَانِ نِ وَيُدُوذِ نِيشَانِ بَلِيِ سِ ثِيذْتِ وَاينِثَا ذِ لَمَسِيحِ؟ ²⁷ ماشا نَسَنْ وَا، مَانِيَسِ نَتَا. ماشا خُجِيِ إِدْ غَا يَاسِ لَمَسِيحِ، وَرَا ذِ إِجِ وَارِ إِسْتِينِ مَانِيَسِ نَتَا. " ²⁸ رَامِيِ ثُوغَا إِسْرَمَاذِ ذِي نَاذَارْتِ إِقْدَسَنْ، إِارَاغَا يَشُو، إِنَا "كَنْبُو نَسْنَمِ أَيِيِ وَ نَسْنَمِ مَانِيَسِ نَشِ. نَشِ وَارِ دِ وَسِيغِ سِ يِيخْفِ إِنُو، ماشا وَنِيِ ذِ أَيِيِ-دِ إِسْكَنْ أَقَا-ثِ ذِ ثِيذْتِ، كَنْبُو وَارِ ثِ نَسِينَمِ شَا. ²⁹ نَشِ سَعْنِ ثِ، مِينِزِيِ نَشِ زَايَسِ وَ نَتَا ذِ وَنِيِ ذِ أَيِيِ-دِ إِسْكَنْ. " ³⁰ خَنِيِ أَرْزُونِ أَذْ ثِ طَفَنْ، ماشا وَرَا ذِ إِجِ وَارِ خَاسِ إِسْتَارَسِ أَفُوسِ، مِينِزِيِ نَاسَاعْتِ نَسِ وَارِ دِ ثِيوُضِ عَاذِ. ³¹ أَطَاسِ زِي رْغَاشِيِ وَ مَنَنْ زَايَسِ، نَانَ "خُجِيِ إِدْ غَا يَاسِ لَمَسِيحِ، مَا أَذْ إِكْتِ رْغَرَامَاتِ كَثَارِ زِي ثِينَا إِكَا وَا؟"

وُذَايِنِ أَرْزُونِ أَذْ طَفَنْ يَشُو

³² إِفَارِيَسِيَسِيِنِ سَرِينِ مِينِ خَاسِ إِثْمَنْ رْغَاشِيِ وَ شَا أَرْوَيَاسِ نِ إِكْهَانِ ذِ إِفَارِيَسِيَسِيِنِ سَكَنْ-دِ إِمْحَازِيَسِيِنِ جِيْمَا أَذْ ثِ طَفَنْ. ³³ يَشُو إِنَا "نَشِ أَذْ كِيذُومِ قِيْمِغِ ذُرُوسِ عَاذِ، خَنِيِ أَذْ رَاغِ غَارِ وَنِيِ ذِ أَيِيِ-دِ إِسْكَنْ. ³⁴ أَذْ خَافِيِ ثَارْزُومِ، وَارِ ذَايِيِ تَنْطِيْمِ وَ مَانِيِ إِ غَا إِرِيغِ نَشِ، وَارِ ثَرْمَارْمِ أَذْ دِ ثَاذْفَمِ. ³⁵ خَنِيِ نَانَ وَذَايِنِ جَارَاسَنْ "مَانِيِ إِ غَا إِارَاغِ وَاينِثَا مَانِيِ وَارِ نَرْمَارِ أَذْ ثِ نَافِ. مَا خَنِيِ إِخَسِ أَذْ إِارَاغِ غَارِ إِيُونَانِيَسِيِنِ إِزْدَجَعَنْ مَاحَنْدِ أَذْ إِسْرَمْدِ إِيُونَانِيَسِيِنِ. ³⁶ مِينِ إِعْنَا وَاوَا-إِ إِنَا أَذْ خَافِيِ ثَارْزُومِ، وَارِ ذَايِيِ تَنْطِيْمِ شَا وَ مَانِيِ إِ غَا إِرِيغِ نَشِ، وَارِ ثَرْمَارْمِ أَذْ دِ ثَاذْفَمِ؟"

مَارَا إِفُوذِ حَدِ، أَجِ إِثِ أَذْ غَارِيِ-دِ يَاسِ وَ شَا أَذْ إِسُو!

³⁷ ذِكْ وَاسِ أَنْكَارُوِ إِمْقَرَانِ زِي رَعِيذِ، إِبْد-دِ يَشُو وَ شَا إِارَاغَا، إِنَا "مَارَا إِفُوذِ حَدِ، أَجِ إِثِ أَذْ غَارِيِ-دِ يَاسِ وَ شَا أَذْ إِسُو. ³⁸ وَنِيِ ذَايِيِ إِ غَا يَامَنْ، أَمِ مَآمَشِ إِنَا وَذَلِيَسِ، أَذْ زَايَسِ أَرْزَنْ إِعْزَرَانِ نِ وَاِمَانِ إِدَارَنْ زَكْ وَ عَدِيَسِ نَسِ. " ³⁹ إِنَا مَانَ أَيَاخِ أَرْوَحِ إِ غَا قَبْرَنْ إِتِيِ ذَايَسِ إِتَامَنْ. مِينِزِيِ أَرْوَحِ إِقْدَسَنْ وَارِ ذِ اسَنْ إِمُوشِ عَاذِ، مِينِزِيِ يَشُو وَارِ إِثُوسُوعُودْجِيِ عَاذِ. ⁴⁰ شَا زِي رْغَاشِيِ خَنِيِ، وَ مِي سَرِينِ أَوَا-إِ، نَانَ "ذِ وَا ذِ أَمْكَاشَافِ سِ ثِيذْتِ. " ⁴¹ إِنْضَنِيِ نَانَ "وَ ذِ لَمَسِيحِ،" ماشا شَا نْضَنِيِ زَايَسَنْ نَانَ "مَا إِكُورِ أَذْ دِ يَاسِ لَمَسِيحِ زِي لَجَالِيلِ؟" ⁴² مَا وَارِ إِنِيِ وَذَلِيَسِ، أَقَا لَمَسِيحِ أَذْ دِ يَاسِ زِي زَارِيَعْتِ نِ دَاوُدِ، زِي ذَشَارَنْ بَايْثَلَاحَمْ، مَانِيَسِ دِ يُوَسَا دَاوُدِ؟" ⁴³ وَ شَا إِسَارِ وَ مَسْبُضِيِ نِ رْغَاشِيِ ذِي سَبِيْتِ نَسِ. ⁴⁴ شَا زَايَسَنْ خَسَنْ أَذْ ثِ طَفَنْ،

ماشَا أُرَا ذِ إِيحَّ وَارِ خَاسِ إِسْأَرَسِ إِفَاسَن. ⁴⁵ خَتِّي وَبَسِين-دِ إِمخازِينِي غَارِ أُرُوِياسِ نِ إِكْهَانِ
 وَ غَارِ إِفَارِيَسِيِينِ، وَ بِيئِي نَانَ أَسَنِ إِمخازِينِي ”مَيمِّي وَارِث-يِدِ تِيوِيْم؟“ ⁴⁶ أَرِين-دِ خَاسَنِ
 إِمخازِينِي ”عَمَارَصِ وَارِ إِسُورِ أُرَا ذِ إِيحَّ نِ بِنَادِمِ أَمِ مَامَشِ إِسْأَوَارِ بِنَادِمِ!“ ⁴⁷ أَرِين-دِ خَاسَنِ
 إِفَارِيَسِيِينِ ”مَا أُرَا ذِ كَنْبُو عَاوِذِ ثُوْدَارْم؟“ ⁴⁸ مَا خَتِّي ذِيْنِ شَانِ إِجْنِ زَكِّ إِمْقَرَانِ نِ وَنِدُوْذِ
 نِيغِ زَكِّ إِفَارِيَسِيِينِ يُوْمَنِ زَايسِ؟ ⁴⁹ مَاشَا زَعَاشِي-يَا إِ وَارِ إِسِينِنِ شَا تَاوَرَاثِ، أَقَّا إِتَوَانَعِر.“
⁵⁰ نِيكُوْذِيْمُوْسِ وَتِي غَارَسِ إِرُوْحَنِ سِ دَجِيْرَاثِ، نَتَا ذِ إِجْنِ زَايسِنِ، إِنَّا اسَنِ ⁵¹ ”مَا أَذِ نَحْكَمِ
 تَاوَرَاثِ نَغِ خِ إِيحَّ نِ بِنَادِمِ، نَبْرَا مَا أَذِ زَايسِ نَسِرِ وَشَا أَذِ تَسْنِ مِيْنِ إِتَكَّ نَتَا؟“ ⁵² أَرِين-دِ، نَانَ
 اسِ ”مَا أُرَا ذِ شَكِّ أَتَاغِ زِي لَجَالِيْلِ؟ أَرُزُو، خَزَارِ، أُرَا ذِ إِيحَّ نِ وَمُكْشَافِ وَارِ ذِ إِكِّي شَا
 زِي لَجَالِيْلِ.“ ⁵³ خَتِّي إِوُحِ كُوْرِ إِجْنِ غَارِ نَادَارْثِ نَسِ.

ثامغارثِ إِزْئَانِ

8 ماشَا يَشُو إِرُوْحِ غَارِ وَذَرَانِ زِيْتُون. ² غَارِ صَبِيحِ زِيْشِ يُوْسِي-دِ عَاوِذِ غَارِ نَادَارْثِ
 إِقْدَسَنِ، وَبَسِين-دِ غَارَسِ إِوْدَانِ مَارَا وَشَا أَمِ إِقِيْمِ، إِبْدَا إِسْرَمَادِ إِثْنِ. ³ إِسْرَمَادَنِ نِ
 إِذْلِيْسَنِ ذِ إِفَارِيَسِيِينِ إِوِينِ أَس-دِ إِشْثِ نِ ثَمْغَارْثِ، ثَنُوْطَافِ ثَتَكَّ زِيْنَا. سَبْدَنِ تِ ذِي
 رُوْسَطِ، ⁴ نَانَ اسِ ”أَ أَسْرَمَادِ، ثَامْغَارْثِ-أِ ثَنُوْطَافِ ثَتَكَّ زِيْنَا. ⁵ إِوَصَا أَنْغِ مُوسَى ذِي
 تَاوَرَاثِ أَذِ نَارِجَمِ ثِيْمْغَارِينِ أَمَشْنَاوِ ثَانِيْنَا. مَاشَا مِيْنِ إِ غَا ثِيْنِيْدِ شَك؟“ ⁶ نَانَ اسِ مَانَ
 أَيَا حِيْمَا أَذِ ثِ جَارِبِنِ، حِيْمَا أَذِ غَارَسَنِ ثِيْرِي مِيْنِزِي خَاسِ إِ غَا شَشْشَانِ. مَاشَا يَشُو
 يُوْضَارِ سُوَادَايِ، يُوْرَا سِ وَضَاضِ نَسِ ذِي ثَمُوْرْثِ. ⁷ رَامِي قِيْمَنِ أَمُو تَسَقْسَانَ، إِبْدَ، إِنَّا
 اسَنِ ”وِي زَايُوْمِ إِدْجَانِ نَبْرَا دَنْوْبِ، أَذِ خَاسِ إِضْأَارِ أَرُزُو أَمَزُوَارُو.“ ⁸ خَتِّي يُوْضَارِ عَاوِذِ
 سُوَادَايِ وَشَا يُوْرَا ذِي ثَمُوْرْثِ. ⁹ رَامِي سَرِيْنِ مَانَ أَيَا، فَعْنِ إِجْنِ أَوَارِنِي وَنَضْنِي، إِمْقَرَانِ
 ذِ أَمَزُوَارُو، خَتِّي إِنْكَوْرَا. إِقِيْمِ يَشُو وَحْدَسِ أَكْ-ذِ ثَمْغَارْثِ نَبْدِ ذِي رُوْسَطِ. ¹⁰ يَشُو، وَمِي
 إِكَّارِ، وَارِ إِزْرِي حَدِ مَعِيْرِ ثَامْغَارْثِ، إِنَّا اسِ ”أَ ثَامْغَارْثِ، مَانِي إِدْجَانِ إِنِّي شَمِّ إِضْرَمَنْ؟
 مَا وَارِ شَمِّ إِحَاكَمِ أُرَا ذِ إِجْنِ؟“ ¹¹ نَتَاثِ نَتَا ”أُرَا ذِ إِيحَّ، أَسِيْدِي.“ يَشُو إِنَّا اسِ ”أُرَا ذِ
 نَشِ وَارِ شَمِّ ثَحَاكَمِغِ شَا، رُوْحِ، وَارِ تَعَاوَاذِ أَذِ ثَكَّذِ دَنْوْبِ.“

يَشُو ذِ ثِيْفَاوْثِ نِ دُوْنِيْثِ

¹² رَحْدَتِّي إِسُورِ يَشُو عَاوِذِ أَكِيْدَسَنِ، إِنَّا ”نَشِ ذِ ثِيْفَاوْثِ نِ دُوْنِيْثِ. وَتِي دِ ابِي إِ غَا
 إِضْفَارَنِ، وَارِ إِكُوْرِ عَمَارَصِ ذِي نَادْجَسْثِ، مَاشَا أَذِ غَارَسِ ثِيْرِي ثَفَاوْثِ نِ ثُوْدَارْثِ.“
¹³ نَانَ اسِ إِفَارِيَسِيِينِ ”شَكِّ ثَشْهَدْذِ خِ يِيْحْفِ نَكِّ، شَهَادْثِ نَكِّ وَارِ ثُدْجِي شَا ذِ

ثيذت .“¹⁴ يشو يار-د، انا اسن ”مارا نش شهذغ خ بيخف اِنو، واخا امنِّي شهاذث اِنو ثدچا ذ ثيذت، مينزي نش سَنغ مانيس د وُسيغ وُ ماني اِغا راحغ، ماشا كنيو وار ثسنيم شا مانيس د وُسيغ وُرا ماني اِغا راحغ. ¹⁵ كنيو ثحاكمام علاحساب ايسوم، نش وار تحاكمامغ وُرا خ اِجن. ¹⁶ وُ نش، مارا حاكمغ، اذ بيرري رحكام اِنو ذ ثيذت، مينزي نش وار دَجيج بو وُخدي، ماشا نش ذ ثباباث وُني ذ ايبي-د اِسكن. ¹⁷ ثورا عاوذ ذي تاوارث نوم بلِّي شهاذث ن ثناين ن اِودان ذ ثيذت. ¹⁸ نش ذ وُني اِشهذن خ بيخف اِنو وُشا وُرا ذ ثباباث وُني ذ ايبي-د اِسكن، اِشهذ خافي.“¹⁹ نيثني نان اس ”ماني اِدچا باباش؟“ يشو يار-د ”كنيو وار ذ ايبي ثسنيم شا وُ وار ثسنيم بابا. ماغليك كنيو ذ ايبي ثسنيم اذ ثيرري ثسنيم وُرا ذ بابا.“²⁰ اِنَا اوارن-ا ذي ماني ثوغا صندوق ن صدقت، اَم ثوغا اِسرماد ذي تاوارث اِقدسن.

وار ث اِطيف وُرا ذ اِج مينزي ثاساعت نس ثوغا عاذ وار ذ ثيوپيض. ²¹ خني يشو اِنَا اسن عاوذ ”نش اذ راحغ، كنيو اذ خافي ثارزوم، اذ ثمتم ذي دُئوب نوم. ماني اِغا راحغ نش، وار ثرمارم كنيو اذ د ثاسم.“²² وُذابن نان ”ما اذ اِنغ اِخف نس، مينزي نتا اِنَا ’ماني اِغا راحغ نش، وار ثرمارم كنيو اذ د ثاسم؟“²³ نتا اِنَا اسن ”كنيو زي شواداي، نش زي سنج. كنيو زي دُئوبث-ا، ماشا نش وار دَجيج شا زي دُئوبث-ا.“²⁴ خ وُيني نيغ اوم ’اذ ثمتم ذي دُئوب نوم‘. رامي كنيو وار ثومينم شا اقا ذ نش، اذ ثمتم ذي دُئوب نوم.“²⁵ نان اس ”مين ثعنيذ شك؟“ يشو اِنَا اسن ”نش ذ مين ذ اوم نيغ زك وُمزوارو.“²⁶ نش غاري اِطاس ن ثمسرايين اِخف زمارغ اذ خاوم سَورغ وُشا اذ خاوم حكمغ. ماشا وُني ذ ايبي-د اِسكن اقا-ث ذ ثيذت. وُشا مين زايس سريغ نش، اذ ث اِنغ اِدُئوبث.“

²⁷ نيثني وار فهِمن شا، بلِّي ثوغا اِساوار اِكيسن خ ثباباث. ²⁸ خني اِنَا اسن يشو ”خمي اِغا نساكاعذم ميس ن بناذم، اذ ثفهمم بلِّي اقا-ث ذ نش وُ بلِّي نش وار تكغ وُرا ذ اِشث ن رحاجث زك بيخف اِنو، ماشا نش ساوارغ اَم مامش ذ ايبي اِسرمذ ثباباث.“²⁹ وُني ذ ايبي-د اِسكن اقا-ث اِكيزي. ثباباث وار ذ ايبي اِجبي شا وُخدي، مينزي نش تكغ ربا مين ث بارضان.“³⁰ وُمي ثوغا اِساوار خ ثمسرايين-ا، وُمين دايس اِطاس.

أَيْث ن إِبْرَاهِيمَ

31 إِنَّا يَشُو إِوْدَايْنِ إِنِّي ذَائِسُ يَوْمِنَ ”مَارَا تَقِيمَم تَطْفَمَ ذَكَّ وَاوَارِ اِنُو، اَذْ تِيرِيمَ سَ ثِيذَتَ ذِ اِمْحَضَارِنِ اِنُو“ 32 وُشَا اَذْ تَسَنَمَ ثِيذَتَ وُشَا ثِيذَتَ اَذْ كَنِيوُ ثَحَارَ.“ 33 اَرَيْنَ-دَ خَاسَ ”نَشِينِ ذِ اَيْثَ نَ اِبْرَاهِيمَ، عَمَّارِصَ وَاَرِ نَعِييْذَ حِدَ. مَامَشَ ثَرْمَارْذَ اَذْ ثِينِيذَ ”كَنِيوُ اَذْ تَوَاحَارْمَ“؟“ 34 يَشُو يَارَ-دَ خَاسِنَ ”سَ ثِيذَتَ، سَ ثِيذَتَ، اَذْ اومِ اِنِيغَ، مَارَا وِنِّي اِتَكَنَ دَنُوبَ نَنَّا ذِ اِسْمَعُ نَ دَنُوبَ“ 35 وُشَا اِسْمَعُ وَاَرِ اِتْعِيْمِي شَا ذِي نَاذَارْتِ رِبْدَا، مَاشَا مَيْسَ اَذْ ذَيْنِ اَقِيمَ اِرْبِدَا. 36 خَمِي كَنِيوُ اِغَا اِحَارَّ ثَمَمِيثَ، اَذْ تِيرِيمَ سَ ثِيذَتَ ذِ اِحُورِيَيْنَ. 37 نَشَسَنَعُ، اَقَا كَنِيوُ ذِ اَيْثَ نَ اِبْرَاهِيمَ، مَاشَا كَنِيوُ ثَارزُومَ اَذْ اِييِ ثَنَعَمَ، مِينَزِي اَوَارِ اِنُو وَاَرِ يُوْفِي شَا اَمَشَانِ ذَايُومَ. 38 نَشَ سَاوَارِغَ سَ مِينِ زَرِيغَ زِي بَابَا. وُرَا ذِ كَنِيوُ ثَتَكَمَ زِي مِينِ ثَرِيرِمَ زِي رَجْدُوذَ نُوْمَ.“ 39 اَرَيْنَ-دَ، نَانَ اسَ ”بَابَاثِنَغَ ذِ اِبْرَاهِيمَ.“ اِنَّا اسِنَ يَشُو ”مَاعَلِيكُ كَنِيوُ ثَدَجِمَ زِي اَيْثَ نَ اِبْرَاهِيمَ اَذْ يِيرِي اَقَا ثَتَكَمَ رَحْدَايِمَ نَ اِبْرَاهِيمَ. 40 مَاشَا رَخُوُ ثَارزُومَ اَذْ اِييِ ثَنَعَمَ، نَشَ ذِ اِحَ نَ بِنَاذِمَ اِنُوغَا اَكِيذُومَ اِسَاوَارِنَ سَ ثِيذَتَ اِسْرِيغَ زِي اَرْبِي. مَانَ اَيَا وَاَرِ اِثَ اِكْثِي شَا اِبْرَاهِيمَ. 41 كَنِيوُ ثَتَكَمَ رَحْدَايِمَ نَ بَابَاثُومَ.“ خَنِّي نَانَ اسَ نِيثِي ”نَشِينِ وَاَرِ ذِ نَحْرِيَقَ شَا زِي زِينَا، اَقَا غَارِنَغَ اِحْنِ وِنِّي ذِ بَابَاثِنَغَ، اَقَا-ثَ ذِ اَرْبِي.“

أَيْثَ نَ اِبْرِيَسَ

42 اِنَّا اسِنَ يَشُو ”مَاعَلِيكُ اَرْبِي ذِ بَابَاثُومَ، اِرِي اَقَا ثَحْسَمَ اَيِي، مِينَزِي نَشَ فَعْعَ-دَ زِي اَرْبِي وُشَا وُسِيغَ-دَ زَائِسَ. وَاَرِ دُ وُسِيغَ شَا زَكَّ يِيخَفَ اِنُو، مَاشَا نَنَّا اِسْتَكَّ اَيِي-دَ. 43 مَائِييَ وَاَرِ ثَفْهِيْمَ اِ وَاوَارِنِ اِنُو؟ مِينَزِي كَنِيوُ وَاَرِ ثَرْمَارْمَ اَذْ تَسْرَمَ اِ وَاوَارِ اِنُو. 44 اَقَا غَارُومَ اِبْرِيَسَ ذِ ثَابَابَاثَ وُشَا ثَحْسَمَ اَذْ ثَكَمَ اِمَزْرَانِ نَ بَابَاثُومَ. نَنَّا ثُوغَا اِنَقَّ اِنَقَّ اِوْدَانِ زَكَّ وُزْمُوَارُوُ وُ وَاَرِ اِبْدَ ذِي ثِيذَتَ مِينَزِي وَاَرِ ذَائِسَ بُو ثِيذَتَ. مَرْمِي مَآ اِسُّورَ سَ وُخَارِيَقَ، اِسَاوَارِ سَ مِينِ ذَائِسَ، مِينَزِي نَنَّا ذِ بُو-يَخَارِيَقِنَ ذِ ثَابَابَاثَ نَ وُخَارِيَقَ. 45 مَاشَا، وُومي نَشَ قَارِغَ اُومَ ثِيذَتَ، كَنِيوُ وَاَرِ ذَائِي ثِيْمِنَمَ شَا. 46 وِي زَائِيومَ اَذْ اِييِ اِسْتَفْعَ خَ دَنُوبَ؟ وُومي قَارِغَ ثِيذَتَ، مَائِييَ وَاَرِ ذَائِي ثِيْمِنَمَ شَا؟ 47 وِنِّي اِدْجَانِ زِي اَرْبِي، اِتْسَرَا اِ وَاوَارِنِ نَ اَرْبِي. مِينَزِي كَنِيوُ وَاَرِ ثَدَجِمَ شَا زِي اَرْبِي، سَ وُيِّي كَنِيوُ وَاَرِ تَسْرِيْمَ شَا.“

يَشُو ثُوغَا-ثَ ذَيْنِ قَبْرِ اِبْرَاهِيمَ

48 وُودَايْنِ اَرَيْنَ-دَ، نَانَ اسَ ”مَا وَاَرِ اِدْجِي نِيَشَانِ وُومي نَنَّا، اَقَا شَكَّ ذِ اَسَامَارِي وُ ذَايَكُ شَيْطَانِ.“ 49 يَشُو يَارَ-دَ ”نَشَ وَاَرِ ذَائِي بُو شَيْطَانِ، مَاشَا نَشَ ثُوْقَارِغَ بَابَا وُشَا كَنِيوُ

تَسْحَقَرَامِ أَبِي. ⁵⁰نش وار آرزوغ شا اَعُوْدَجِي اِنُو. اَقَا ذين اِجَن اِ خاس يارزون وُ اِجَن اِ غا اِحكَم. ⁵¹س ثيذت، س ثيذت، اذ اوم اِنبيغ، مارا شان يِجَن اِطَف ذك واور اِنُو، عمارص اذ ازار رموث اِربدا. ⁵²نان اس وُذين ”رُخو نسن بلي ذايك شيطان. اَقَا اِبْرَاهِيمِ ذ اِمكاشافن موشن. شك ثقارذ ’مارا شان يِجَن اِطَف ذك واور اِنُو، عمارص اذ اِقاس رموث اِربدا. ⁵³ما شك ثمغارذ خ جدتيغ اِبْرَاهِيمِ وني اِموشن؟ وُرا ذ اِمكاشافن موشن. مين ثحسبذ اِخف نك؟“ ⁵⁴يار-د يشو ”مارا نش سَعُوْدَجِيغ اِخف اِنُو، اَعُوْدَجِي اِنُو وار اِدَجِي ذ والو. بابا، اَقَا اِسَعُوْدَجَا اَبِي، وني مينخف ثقارم، اَقَا-ث ذ اَرَبِي نغ. ⁵⁵كنيو وار ث تشينم، ماشا نش اَقَا سَنغ ث. مارا نبيغ ’وار ث سَنغ‘، اذ اِربغ نش ذ بو-بخاريقن اَم كنيو. ماشا نش سَنغ ث وُشا تطفغ ذك واور نس. ⁵⁶جدتيوم اِبْرَاهِيمِ ثوغا اِتراجا س رفراحت جِما اذ ازار اَس اِنُو وُشا اِزرا اِث، وُشا افارح. ⁵⁷نان اس وُذين ”عاذ وار غارك بو خمسين اِسكوسا، مامش ثكيد تزيذ اِبْرَاهِيمِ؟“ ⁵⁸اِنَا اسن يشو ”س ثيذت، س ثيذت، اذ اوم اِنبيغ، قبر ما ثوغا اِبْرَاهِيمِ، ثوغا نش دَجِيغ.“ ⁵⁹خني كسين اِزرا جِما اذ ث ارجمن، ماشا يشو اِسئوفار اِخف نس وُشا افغ زي ثادارث اِقَدسن، اِشوق ذي روسط نسن، اُمُو اِخاسن اِكا.

اَسْكَنْفِي ن اِج ن وُذارغار زي شمزي نس

9 ¹اُمي خاسن-د اِكا، اِزرا اِج ن ورياز ثوغا ذ اذارغار زك وامي د اِخرق. ²امحضران نس سقسان ث، نان ”ا امسرماذ، وي اِخضان، ما ذ وا نبيغ لواليذين نس ارامي د اِخرق ذ اذارغار؟“ ³يشو يار-د ”وُرا ذ نتا وار اِخضي وُرا ذ لواليذين نس، ماشا مان ايا اَقَا اِمسار، جِما اذ ذائس زهانرت رخذايم ن اَرَبِي. ⁴اِشووَر اذ خدمغ رخذايم ن وني ذ ابي-د اِسكن، ماحنذ عاذ ذ اَزيز. اذ د ثاس ثادچست ماني وار اِزمار وُرا ذ اِج اذ اخدم. ⁵مينثرا نش اَقا-بي ذي دوتيت، نش ذ ثيفاوت ن دوتيت.“ ⁶رامي اِنَا اُمُو، اِسوسف ذي ثمورث، اِكا اَبدچاع زك اِكوفان ني وُشا اِحش ثيطاوين ن وُذارغار س وُبدچاع. ⁷اِنَا اس ”روح، شسيرذ ذك وُكرمام ن سيلولوام“، اِس-ا اِخس اذ ييني ’اِنواِسكن‘. اِروح، اِسيرذ، اِذور اِتوارا.

⁸جيران ذ يني ثوغا ث اِزرين قبر ستن اَقا-ث ذ اذارغار، نان ”ما وار اِدَجِي ذ وا ذ وني ثوغا اِتييمان اِستتار؟“ ⁹شا زايسن نان ”اَقَا ذ نتا.“ نان اِنصيني ”اِنواي-د ذايس“. ماشا نتا اِنَا ”اَقَا ذ نش.“ ¹⁰نان اس ”مامش كين ت توارزمنت ثيطاوين نك؟“ ¹¹يار-د

وُشَا إِنَّا ”بِنَادِم نِّي وُمِّي قَارَن يَشُو، اِكَّا اَبْدِجَاع، اِحْتَش ثِيَطَاوِين اِنُو وُشَا اِنَّا اَبِي رُوح غَار وُكْرَمَان ن سِيلُووام، تَسِيرِذذ. خَنِّي رُوحغ، سِيرِذغ وُشَا ذُورغ تَوَارِغ.“¹² تَان اس ”مَانِي اِدْجَا نَتَا؟“ اِنَّا ”وَار سَنِغ.“

¹³ اَوِين-د وَنِي ثُوغَا اِدْجَا قَبِر د اَذَارغَار غَار اِفَارِيسِيِين. ¹⁴ ثُوغَا ذ سَبِث رَامِي اِكَّا يَشُو اَبْدِجَاع وُ يَارْزَم اس ثِيَطَاوِين نَس. ¹⁵ سَقْسَان ث اِفَارِيسِيِين عَاوَد، مَامَش اِدْوَر اِتْوَارَا. يَار-د خَاسَن ”اِكَّا اَبْدِجَاع خ ثِيَطَاوِين اِنُو، خَنِّي سِيرِذغ وُشَا ذُورغ تَوَارِغ.“
¹⁶ شَا زَك اِفَارِيسِيِين نَان ”بِنَادِم-ا وَاو اِدْجِي شَا زِي اَرْبِي، مِينِزِي نَتَا وَاو اِتْوَقَار شَا سَبِث“. شَا نَضْنِي نَان ”مَامَش اِزْمَار اِج ن بِنَادِم ذ اَعْفَان اَذ اِكَّا رَعْرَمَات اَم ثِينَا؟“
وُشَا اِمَسَار وُيَطُو جَاراسَن. ¹⁷ تَان عَاوَد اِ ذُوَارغَار ”مِين خَاسَن ثَقَارْذ شَك، اَرَامِي يَارْزَم ثِيَطَاوِين نَك؟“ نَتَا اِنَّا ”اَقَا-ث ذ اَمَكشَاف.“¹⁸ وُذَاوِين وَاو زَايس وُمِين شَا بَلِي نَتَا ثُوغَا ذ اَذَارغَار وُشَا اِدْوَر اِتْوَارَا، اَرَامِي د رَاغَان خ لَوَالِيذِين ن وَنِي اِدْوَرَن اِتْوَارَا. ¹⁹ سَقْسَان ثَن، نَان ”مَا وَا ذ مِيثُوم مِينخَف ثَقَارَم اَقَا اِتْوَاخِرَق-د ذ اَذَارغَار؟ اِ مَامَش اِكَّا اِتْوَارَا رَحُو؟“²⁰ اَرِين-د لَوَالِيذِين نَس وُشَا تَان ”نَشْتِين نَسَن بَلِي وَا ذ مِيثُغ، اَقَا اِتْوَاخِرَق-د ذ اَذَارغَار. ²¹ مَاشَا مَامَش اِكَّا اِتْوَارَا رَحُو، وَاو نَسِين وُ وِي ذ اس يَارْزَمَن ثِيَطَاوِين نَس وَاو رَث نَسِين شَا. سَقْسَام ث سِيمَانَت نَس، نَتَا اَقَا ذ اَبْرِغ، اَذ اِسُور خ يِخَف نَس.“
²² تَان لَوَالِيذِين نَس اَمُو مِينِزِي كُودَن زَك وُذَاوِين، مِينِزِي وُذَاوِين مَعَاهَاذَن بَلِي وَنِي اِ غَا اِشْهَدَن اَقَا نَتَا ذ لَمَسِيح اَذ اِتْوَاوُفَغ زَك وُسِينَاكُوك. ²³ خ وُيَنِي تَان لَوَالِيذِين نَس ”نَتَا اَقَا-ث ذ اَبْرِغ، سَقْسَام ث س يِخَف نَس.“²⁴ رَاغَان-د ثَاوَارَا وِيسَن ثَانِين خ وَرِيَاو وَنِي ثُوغَا ذ اَذَارغَار، تَان اس ”سَعُودْجَا اَرْبِي! اَقَا نَسَن بَلِي اَرِيَاو-ا ذ اِج ن وُمَذُوب.“
²⁵ نَتَا يَار-د ”مَا نَتَا ذ اَمَذُوب وَاو سَنِغ، نَش سَنِغ اِشْت ن ثَمَسْرَاشْت، اَقَا ثُوغَا-يِي ذ اَذَارغَار، رَحُو تَوَارِغ.“²⁶ تَان اس ”مِين زَايَك اِكَّا؟ مَامَش ذ اش اِكَّا يَارْزَم ثِيَطَاوِين نَك؟“²⁷ يَار-د خَاسَن ”اَقَا نَبِغ اَوَم ث، كَنِيو وَاو ثَسْرِيم. مَامِي ثَخْسَم اَذ ث ثَسْرَم اِ تْوَارَا نَضْنِي؟ مَا ثَخْسَم وُورَا ذ كَنِيو اَذ ذُورَن ذ اِمْحَضَارَن نَس؟“²⁸ كُوَارَن ث، تَان ”شَك ذ اِمْحَضَارَن نَس! مَاشَا نَشْتِين اَقَا ذ اِمْحَضَارَن ن مَوْسِي. ²⁹ نَشْتِين نَسَن اَقَا اَرْبِي اِسُور اَك-ذ مَوْسِي، مَاشَا وَاوِنِيشَا وَاو نَسِين شَا مَانِيس نَتَا.“³⁰ يَار-د وَرِيَاو، اِنَّا اسَن ”اَقَا ذِي مَان اَيَا رَعْجَب، كَنِيو وَاو ثَسْنِيم شَا مَانِيس نَتَا، وَاخَا اَمْنِي نَتَا يَارْزَم اَبِي ثِيَطَاوِين اِنُو. ³¹ نَشْتِين نَسَن، اَقَا اَرْبِي وَاو اِتْسِرِي شَا غَار اِمَذْنَاب، مَاشَا مَارَا شَا ن اِجَن اِتْوَقَار اَرْبِي اَذ اِكَّا مِين اِحْسَن نَتَا، اَقَا اَرْبِي اَذ غَارَس اِسِر. ³² عَمَارَص وَاو اِتْوَاوَسِرِي قَاع، اَقَا شَا ن اِجَن يَارْزَم ثِيَطَاوِين ن اِجَن اِحْرَق-د ذ اَذَارغَار. ³³ مَارَا وَاو اِدْجِي شَا زِي اَرْبِي،

وارِ إِزْمَارَ أَذْ اِئْكْ وَالْوَالُو“³⁴ آرِين-د، نَان اس ”شك نُخْرَقْد-د نُكْمَرْد ذِي دَنْوَب، مَا خَنِّي
تَسْرَمَاذْ أَنْغ؟“ خَنِّي نَضَارَن ث غَار بَارَا.

³⁵ إِسْرَا يَشُو بَلِي نَضَارَن ث غَار بَارَا، وَشَا، وَبِي ث يُوْفَا، إِنَّا اس ”مَا تُومَنْد
زِي مَيْسِن آرَبِي؟“³⁶ يَار-د، إِنَّا ”مِينِ اِعْنَا نَتَا، أ سِيذِي، حِيْمَا أَذْ ذَائِسِ اَمَنْغ؟“
³⁷ إِنَّا اس يَشُو ”أَقَا شَكْ تَزْرِيذْ ث وَرَا ذِ وَنِّي اَكِيْشِ اِسَاوَرَن اَقَا-ث ذِ نَتَا.“³⁸ نَتَا
إِنَّا ”وَمَنْغ، أ سِيذِي“ وَشَا اِعْبَدِ اَس. ³⁹ يَشُو إِنَّا ”ا رُحُوْكُمْ اِ غَار دِ وَسِيْغِ غَارِ
دُونِيْث-ا، حِيْمَا أَذْ زَارَن اِنِّي وارِ اِتْوِيرِيْن وَ حِيْمَا اِنِّي اِتْوَارَانْ أَذْ ذَارْغَرَن.“⁴⁰ وَبِي
سَرِيْن شَان اِفَارِيْسِيْن اِ اِدْجَانْ اَكِيْسِ مَانْ اَيَا، نَان اس ”مَا أَقَا ذِ نَشِيْنِ اِعَاوْذِ
ذِ اِذَارْغَارَن؟“⁴¹ إِنَّا اسنِ يَشُو ”مَاعَلِيْكَ ثُدْجَامْ ذِ اِذَارْغَارَن وارِ غَارُوْمِ اِتِيرِيْ بُ
دَنْوَب، مَاشَا رُخُوْ تَقَارْمِ اَقَا نَتْوَارَا، خِ وَبِيْ اَذْ اِقِيْمِ دَنْوَبِ نَوْم.“

يَشُو ذِ اَمْكَسَا ذِ اَصْبَحَان

10 ”سْ ثِيذْت، سْ ثِيذْتْ أَذْ اَوْمِ اِنْيِغ، وَبِي وارِ اِتِيذْفَن زِي ثَوَارْثِ غَارِ وَخَامْ ن
وُدْجِي، مَاشَا أَذْ اِسْكَاعْذْ مَانِيْسِ نَضِيْبِي، اَقَا-ثْ ذِ اَشْفَارْ ذِ اَخْوَان. ² مَاشَا وَبِي
اِ غَا يَافْذَن زِي ثَوَارْثِ نَتَا ذِ اَمْكَسَا نِ وُدْجِي. ³ اَعْسَاسْ نِ ثَوَارْثِ أَذْ اسْ يَارْزَمِ اِ وَاِنِيْثَا
وُشَا وُدْجِي أَذْ اِسْرَا اِثْمِيْجَا نَس. نَتَا أَذْ اِرَاغَا اِ وُدْجِي نَسْ سِ اِسْمَاوَنِ نَسْنِ وُشَا أَذْ ثِنِ
اِسُوْفَغِ غَارِ بَارَا. ⁴ اَوَارَنِيْ رَامِي اِسُوْفَغِ مَارَا وُدْجِي نَس، أَذْ يُوْبُوْرَ زَانَسْنِ وُشَا وُدْجِي أَذْ
ث-يَدْ اِضْفَارِ مِيْنَزِيْ اِسْنِ ثْمِيْجَا نَس. ⁵ مَاشَا اَبَارَانِيْ وارِ ثِ ضَفَارَنِ اِعْمَارْصِ، مَاشَا أَذْ
زَايْسِ اِرُوْرَن، مِيْنَزِيْ نِيْشِيْ وارِ سِيْنِنِ ثْمِيْجَا نِ وُبارَانِي.“⁶ إِنَّا اسنِ يَشُو اَمْتِيْر-ا، مَاشَا
نِيْشِيْ وارِ فِهِيْمَنِ شَا اِ ثَمْسَرَايِنِ مِيْنِ خَفِ ثُوْغَا اَكِيْسِنِ اِسَاوَار. ⁷ يَشُو إِنَّا اِعَاوْذِ ”سْ
ثِيذْت، سْ ثِيذْتْ أَذْ اَوْمِ اِنْيِغ، نَشْ ذِ ثَاوَارْثِ نِ وُدْجِي. ⁸ مَارَا اِنِّي اِ دِ يُوْسِيْمِنِ قَبْرِ اِنُو
اَقَا-ثِنِ ذِ اِشْفَارَنِ ذِ اِخْوَانِن. مَاشَا وُدْجِي وارِ ذِ اسنِ اِسْرِي. ⁹ نَشْ ذِ ثَاوَارْثِ. وَبِيْ زَايِيْ
اِ غَا يَافْذَن، أَذْ اِتْوَاْسَنْجَم. نَتَا أَذْ يَافْذَن، أَذْ اِقْغِ وُشَا أَذْ يَافِ مَانِيْ اِ غَا يَارُوْس. ¹⁰ اَشْفَارِ
وارِ دِ اِتِيْسِ مَغِيْرِ حِيْمَا أَذْ يَاشَار، أَذْ اِغَارْصِ وَرَا حِيْمَا أَذْ اِسْتَهْلَكِ. نَشْ مَاشَا وَسِيْغِ-دِ
حِيْمَا أَذْ غَارْسِنِ ثِيرِيْ ثُوذَارْثِ سِ وَاطَّاس. ¹¹ نَشْ ذِ اَمْكَسَا ذِ اَصْبَحَان. اَمْكَسَا ذِ
اَصْبَحَانِ اِسْرُوْسَا ثُوذَارْثِ نَسِ اِ وُدْجِي نَس. ¹² مَاشَا اَمْشَارَايْ اَقَا نَتَا وارِ اِدْجِيْ شَا ذِ
اَمْكَسَا وَ نَتَا وارِ اِدْجِيْ شَا ذِ بَابِ نِ وُدْجِي. خِ مِيْنِيْ اِ غَا اِزَارِ وُشْنِ يُوْسِي-د، أَذْ يَجِ
وُدْجِي وُشَا أَذْ يَارُوْر. وُشْنِ أَذْ ثِنِ اِخْضَفِ وُشَا أَذْ اِزْدَجَعِ وُدْجِي. ¹³ اَمْشَارَايْ يَارُوْر
مِيْنَزِيْ نَتَا ذِ اَمْشَارَايْ، وارِ ثِ اِشْقِيْ وُدْجِي. ¹⁴ نَشْ ذِ اَمْكَسَا ذِ اَصْبَحَان. سَنْغِ وُدْجِي

إِنُوشَا وَدُجِي إِنُوشَا إِي،¹⁵ أَم مَامَش إِذِ ابِي إِسْن تَبَابَاث، أَمُوشَا سَنَع نَش تَابَابَاث. نَش وَشِيغ تُوذَارْت إِنُوشَا وَدُجِي إِنُوشَا. ¹⁶ غَارِي عَاذُ وَدُجِي تَضْنِي، إِنِي وَار إِدْجِين شَا زَكْ وَخَام-ا. إِشُورَارِ ابِي أَذْ-ن-د نَذْهَع ثَانِيَا وَشَا أَذْ سَرْن إِتْوِيجَا إِنُوشَا، خَنِي أَذْ ثِيْرِي أَذْ إِسْت ن تَحِيْمَارْت أَذْ إِج ن وَمَكْسَا. ¹⁷ س مان أَيَا إِتْحَسْ ابِي تَبَابَاث، مِينْزِي نَش وَشِيغ تُوذَارْت إِنُوشَا جِيْمَا أَذْ-ت-يْد كَسِيغ عَاوْذ. ¹⁸ وَرَا أَذْ إِج وَار زَائِي ت إِكْسِي، مَاشَا نَش وَشِيغ ت س يِيخَف إِنُوشَا. غَارِي صُولَطَا جِيْمَا أَذْ ت وَشَع وَ غَارِي تِيْزْمَار أَذْ-ت-يْد كَسِيغ عَاوْذ. ثَاوَصِيْث-ا طَفَع ت زِي بَابَا. ¹⁹ خَنِي إِسْمَار عَاوْذ إِج ن وَبَطُو جَار وَذَائِن س سَيِيْث ن وَاوَارِن-ا. ²⁰ أَطَّاس زَائِيْسَن نَان ”أَقَا ذَائِيْس شَيْطَان، نَتَا أَذْ أَبُوهَارِي، مَائِيْ غَارَس تَسْرَام؟“ ²¹ تَضْنِي نَان ”وَاوَارِن-ا وَار دَجِين شَان إِج ن وَمَارِيَاخ. مَا إِزْمَار شَيْطَان عَاوْذ أَذْ يَارْزَم تِيْطَاوِيْن ن إِذَارْغَارِن؟“

وُذَائِن أَرْزُون أَذْ نَعْن يِيْشُو

²² يِيْوُض-د رَعِيْذ ن وَرَقَع أَذْ وَعْدَار ن تَاذَارْت إِقْدَسْن دِي وَرْشَالِيْم. تُوْغَا د رَمَشْنَا. ²³ يِيْشُو إِكُور دِي تَاذَارْت إِقْدَسْن دَكْ وَكُولُور س إِبِيْلَارِن ن سُولَايْمَان. ²⁴ تَضْن أَس-د وَذَائِن، نَان أَس ”أَر مَرْمِي دَا نَع إِغَا تَجْد نُوْرِي؟ مَارَا شَك د لَمْسِيح، إِنِي أَنْعْ ث س بَطَايَطَا.“ ²⁵ يَار-د خَاسَن يِيْشُو ”نِيغ أَوْمْ ت وَشَا كَنِيُو وَار تُوْمِيْمَن. رَخْدَائِم إِ كَيِغ س يِيْسَم ن بَابَا، شَهْدَنْت خَافِي. ²⁶ مَاشَا كَنِيُو وَار تُوْمِيْمَن مِينْزِي كَنِيُو وَار تَدَجِيْم شَا د وَدُجِي إِنُوشَا، أَم مَامَش تُوْغَا دَاوْم نِيغ. ²⁷ وَدُجِي إِنُوشَا إِسْرَا غَار تُوْمِيْجَا إِنُوشَا نَش سَنَع نَش وَشَا نِيْشِي أَذْ ابِي-د ضَفَارِن. ²⁸ أَذْ أَسْن وَشَع تُوذَارْت ن رِبْدَا وَشَا وَار تَوَاهِلْكَن عَمَّارَص قَاع وَشَا وَرَا أَذْ إِج وَار ن إِخْطَفْ زَكْ وَفُوس إِنُوشَا. ²⁹ بَابَا وَنِي دَاوْمِي نَش إِوَشِيْن، أَقَا-ث أَذْ أَمْقَرَان خ كُورْشِي. وَرَا أَذْ إِج وَار إِزْمَار أَذْ ن إِخْضَفْ زَكْ وَفُوس ن بَابَا. ³⁰ نَش د بَابَا د إِجْن.“ ³¹ خَنِي كَسِيْن وَذَائِن عَاوْذ إِزْرَا جِيْمَا أَذْ ت أَرْجَمِن. ³² يِيْشُو يَار-د خَاسَن ”أَقَا سَنَعْن أَوْمْ أَطَّاس ن رَخْدَائِم د تِيْصَبْحَانِيْن زِي بَابَا. إِ مَان رَخْدَمْت زَائِيْسَنْت إِ تَحْسَم أَذْ ابِي تَارْجَم؟“ ³³ أَرِيْن-د خَاس وَذَائِن، نَان ”وَار شَك نَارْجَم خ إِسْت ن رَخْدَمْت د تَاَصْبَحَانَت، مَاشَا وَمِي تَكْفَارْد وَ تَارِيْذ إِخْف نَكْ دَاوْمِي، وَخَا شَك د نَبْذَام إِ تَدْجِيْذ.“ ³⁴ يِيْشُو يَار-د خَاسَن ”مَا وَار تُوْرِي دِي تَاوْرَات نَوْم ’نَش نِيغ، أَقَا كَنِيُو دَاوْمِي؟“ ³⁵ مَارَا نَتَا إِسْمَان ’إَرِيْشَن‘ إِ بِنِي وَمِي د يُوْسَا وَاوَارِن أَرْبِي وَشَا وَار إِزْمَار أَذْ إِتْوَارِز وَذَلِيْس، ³⁶ مَامَش تَقَارْم كَنِيُو خ وَنِي إِتْوَاقْدَسْن زِي تَبَابَاث وَخ وَنِي إِسْكْ إِث-يْد غَار دُوْنِيْث ’أَقَا شَك تَكْفَارْد!‘، مِينْزِي نَش نِيغ ’أَقَا نَش د مِيْس ن أَرْبِي؟‘

³⁷مارا نش وار خذمغ شا رخذاييم ن بابا، خني وار ذايي تامنم شا. ³⁸مارا خذمغ ثنت، وُشا كنيو عاذ وار ذايي ثومينم، امنم خني ذي رخذاييم جيما اذ تنسم اقا ثاباهاث ذايي وُ نش اقا-يبي ذاييس. “³⁹ارزون اذ ث ظفن عاوذ، اخوتتر اسن جار افاسن نسن. ⁴⁰اراح عاوذ غار وُجماض ن بغارن لاژدون غار ومشان ماني ثوغا استغطاص يوحانّا ذك وُمزوارو وُشا اقيم ذيني. ⁴¹ويسين-د غارس واطاس ن اوزان، نان ”يوحانّا وار اكي وُرا ذ اشث ن رعرامت، ماشا مارا مين انا خ وائيشا ذ ثيدت. “⁴² وُشا وُمنن ذاييس ااطاس ذيها.

اسنكارن اليعازر زي رموت

11 ائوغا زين اچ ن بنادم اهرش، قارن اس اليعازر، نتا زي بائيعانيا زي دشار ن ماريم ذ وتشماس مارثا. ²ماريم خني، نتا ث ذ نني ائوغا اذهنن سيذي س رفواحت ن ميرو وُشا تمسح اضارن نس س وُشواف نس، اقا وُماس اليعازر ثوغا اهرش. ³سكنث-يد ثوتشماين غارس، نانت ”ا سيذي، خزار، وتي ثخسد، اقا اهرش.“ ⁴رامي اسرا يشو مان ايا، انا ”هراش-ا وار اذجي شا ارموت، ماشا ا وُعودجي ن اربي، جيما اذ زاييس ائواسعودج ميس ن اربي.“ ثوغا يشو اتخس مارثا ذ وتشماس ذ اليعازر.

⁶رامي اسرا، اقا اليعازر اهرش، رخذني اقيم عاذ ثنائين ن وُشان ذك ومشان ماني ث ثوغا. ⁷اورني مان ايا انا ا امحضارن ”اچ ائغ اذ نراح عاوذ غار ثمورث ن ياهوذيتا.“ ⁸امحضارن نان اس ”ا امسرماذ، ذروس زك وامي ثوغا وُذايين ارزون اذ شك ارجمن، واخا امني، ما شك اذ نراحذ ذيني عاوذ؟“ ⁹يار-د يشو ”ما وار اذجي ذك وُزير ثعاش ن تساعين؟ مارا شان بيجن يويور س وُزير، وار ائتقريض شا، مينزي ائوارا ثيفاوت ن دوتيت-ا. ¹⁰مارا شان بيجن اذ يويور س ذجيرث، اذ انقارض، مينزي وار ذاييس بو ثفاوت.“ ¹¹اورني رامي انا مان ايا، انا اسن ”اليعازر، امذوكر نغ اقا ائطص، ماشا اذ راحغ جيما اذ ث-يد سنكارغ.“ ¹²نان اس امحضارن ”ا سيذي، مارا نتا ائطص، خني اذ ائكنا!“ ¹³ماشا يشو ثوغا اساورخ رموت نس، ماشا ائغير اسن بلي نتا اساورخ اراحت ن بيضص. ¹⁴خني انا اسن يشو س بطايطي ”اقا اليعازر ائموت. ¹⁵ئو نش فارحغ اوم وُمي نش وار زين ذجيج، جيما اذ ثائمم. ماشا جم ائغ اذ غارس نراح.“ ¹⁶خني انا ثوما، وتي وُمي قارن ”اشنيو، ا امحضارن امعاشارن نس ”اچ ائغ اذ نراح وُرا ذ نشين جيما اذ نمث اكيذس.“

17 رامي د يوسا ييشو، يُوفا آقا عَدُون اَرَبعا ن وُسْتان زَك وامي تُوغا-ث ذَك ونَضِر. 18 بائِناعِيا تُوغا تُوذس وُرشاليم عراحار خمِشْتاش ن 'اِسْتاڊِين' (=عراحار تَرانان كِيَلومِيش) 19 اَطاس ن وُذايِن وُسِين-د غار مارثا ذ ماريم جِما اَذ نْت عَران خ وُماُنسْت. 20 رامي تَسرا مارثا، آقا ييشو بيوض-د، نَفغ جِما اَذ نْت تَرقا، ماشا ماريم نَقِيم ذِي تادارث. 21 تِنّا مارثا اِ ييشو "أ سِيذِي، ماَعِيلِك شَك تُوغا ذَا، اِرِي وار اِئْمَتِي شا وُما. 22 ماشا رَحُو عاذ سَنغ عاوذ بَلِي مارا مِين اِ غا تارذ زِي اَرَبِي، اَرَبِي اَذ اش ت اوش. 23 ييشو اِنّا اس "اَذ د اِكّار وُمام. 24 تِنّا اس مارثا "سَنغ بَلِي اَذ د اِكّار ذِي تُوكر ا ذَك واس اَنكّارو. 25 ييشو اِنّا اس "نَش ذ تانوكرا ذ تُوذارث. ونِي زايِي اِ غا يامن، اَذ اِدّار، واخا اِموث، 26 وُ مارا ونِي اِدّارن وُشا يُوْمَن زايِي، وار اِئْمَتِي اِرْبدا. ما تَنامَنْد س مان اِيا؟" 27 تِنّا اس "واه، ا سِيذِي، وُمنغ آقا شَك ذ لَمَسِيح، مِيس ن اَرَبِي ونِي تُوغا اِ ذ تاسن غار تُوئيث."

28 رامي تِنّا اِيا، تَرُوخ تَرغا اِ وتشماس ماريم س رَحس، تِنّا "اَمسَرماذ آقا-ث ذانِيتا، اِترغا-د خام. 29 رامي تَسرا اِيا، تَكّار س تازرا، تُوَسِي-د غارس. 30 تُوغا ييشو وار د يُوَسِي شا عاذ غار ذشار، ماشا تُوغا-ث ذَك وُمشان ماني ت تَرقا مارثا. 31 وُذايِن اِنِي اِدّجان اَكِيدس ذِي تادارث وُ تُوغا تَعَران ت، رامي زرين ماريم تَكّار س تازرا، نَفغ، صُفاران ت خَنِي، قارن 'آقا تَرُوخ غار ونَضِر جِما اَذ تَرُو ذِيْنِي'.

32 رامي د توسا ماريم غار ماني تُوغا ييشو وُشا تَرِي ت، تُوضا غار اِضاران نَس، تِنّا اس "أ سِيذِي، ماَعِيلِك شَك تُوغا ذانِيتا، اِرِي وُما وار اِئْمَتِي شا. 33 رامي ت اِرزا ييشو تَرُو ذ وُذايِن اِنِي اِ د يُوَسِين اَكِيدس تَرُون، اِنهور اَرُوخ تَس، اِنهز 34 وُشا اِنّا "ماني ت تَسارسَم؟" تان اس "أ راح-د، ا سِيذِي، اَذ تَخَرارذ. 35 ييشو اِرُو. 36 وُذايِن تان "خزارم مَشحارث اِتخس. 37 ماشا شا زايِنس تان "ما وار اِزمار وا، ونِي يارزمن تِيطاوين اِ وُذارغار، ماحنذ وُرا ذ وانِيتا وار اِئْمَتِي شا؟"

38 اِنهور ييشو عاوذ ذَك يِخف نَس وُشا يُوَسِي-د غار ونَضِر، آقا-ث ذ اِج ن اِفَرِي وُشا اِشْت ن تَصْضارث تُوغا تَمارس خاس. 39 ييشو اِنّا "كَسِيم تاصْضارث. 40 تِنّا اس مارثا، وُتشماس ن ونِي اِموث، "أ سِيذِي، آقا يارصُوض مِينَزِي تَعْدُو خاس اَرَبعا ن وُسْتان. 41 اِنّا اس ييشو "ما وار ذ ام نِغ، مارا تُوْمَنْد اَذ تَرارذ اَعُوذَجِي ن اَرَبِي؟" 41 كَسِين تاصْضارث ماني تُوغا يارسا ونِي اِموث. خَنِي اِسْتَكاعَذ ييشو تِيطاوين نَس غار سَنج وُشا اِنّا "أ تابابا، عافاك رامي ذ اِي تَسْرِيد. 42 نَش سَنغ آقا رْبدا تَسْرِيد غاري، ماشا ذِي طوع ن رَعاشِي اِ ذ اِبي-د اِنضن، نِغ ت، جِما اَذ اَمْن بَلِي شَك تَسْكذ

أَيِّي د-43“ رَامِي إِنَا أَيَا، إِرَاغَا س جَهْدُ ”أَلِيَعَازَار، فَع-د!“ 44 رَحْدَيِّي إِفَع-د وَؤَمْتَيِّن، تُوَعَا إِفَاسْن ذ إِبَارَن تَس شَارْفَن س رَشْفَن وَؤَشَا تُوَعَا إَج وَؤَمْدِيَرِخ وَؤَعْمُبُوب تَس. إِنَا اسن يَشُو ”فَسِيمَ أَس-د. جَم ث اذ إِرَاح.“

وُذَايِن أَرزُون اذ نَعْن يَشُو

مَتَى 26:1-5؛ مَار. 14:1-2؛ لُوك. 22:1-2

45 أَطَاس ن وَذَايِن إِنِّي ذ يُوسَيِين غَار مَارِيم وَؤَشَا زَرَيِن مَيِن اِكْتَا، وَؤَمْن زَايَس. 46 مَاشَا شَا زَايَسَن رُوحَن غَار إِفَارِيَسِيَيِّن، نَانَ أَسَن مَيِن اِكْتَا يَشُو. 47 حَتِّي كَيِّن أَرُوِيَا س ن اِكْهَانَن ذ إِفَارِيَسِيَيِّن اِج ن وَؤَمُونِي ن لَمَحْكَا مَاتَمَقْرَانَت ن وَذَايِن وَؤَمِي قَارَن ’سُونَهِيَدَرِيِن‘، نَانَ ”مَيِن اِ غَا نَكْ؟ أَرِيَا-ا اِتْكَ أَطَاس ن رَعْرَامَاث. 48 مَارَا نَج اِث أَمِيَا، مَارَا اذ زَايَس أَمْنَن، اذ د اسن اِرُومَانِيَيِّن، اذ كَسَن أَمَشَان نَغ وَرَا ذ اِؤَدَان ن رَكْسَن نَغ.“ 49 إِنَا اسن اِجَن زَايَسَن، أَقَاث ذ قَايَا فَا، نَتَا ذ اَزْدَجِيْف ن اِكْهَانَن ذَكْ وَؤَسْكَوَا س نِّي ”كَنِيَو وَا ر تَسَيِنَم وَا لُو 50 وَؤَشَا وَا ر نَفْهِيَمَم شَا بَلِّي اِنْفَع اِنَشَيِن خ مَيِّي اِ غَا اِمَث اِج ن بِنَادَم ذِي طَوَع ن وَيْدُوذ وَؤَشَا وَا ر اِتْمِي شَا رَكْسَن نَغ مَارَا.“ 51 وَا ر اِنِّي شَا مَانَ أَيَا زَكْ يِيخْف تَس، مَاشَا، اَمْ ث تُوَعَا ذ اَزْدَجِيْف ن اِكْهَانَن ذَكْ وَؤَسْكَوَا س نِّي، تُوَعَا اِتْكَاشَا ف بَلِّي يَشُو اذ اِمَث ذِي طَوَع ن رَكْسَن. 52 وَا ر اِذْجِي حَاشَا ذِي طَوَع ن رَكْسَن تَس، مَاشَا وَرَا حِيْمَا اذ اِسْمُون غَار اِجَن ثَارَوَا ن اِرِّي اِ اِنْوَا زْدَجِيَع. 53 زَكْ وَا س نِّي مَشَاوَارَن حَتِّي حِيْمَا اذ ث نَعْن. 54 س وَؤِيَنِّي يَشُو وَا ر اِقِيَم اِكْوَر جَار وَذَايِن س بَطَايَطَاي، مَاشَا اِرُوح سَنِّي غَار اِشْت ن ثَمُورْث تُودَس رَخْرَا، غَار اِشْت ن نَثِيَدِنْت قَارَن اِس اِفْرَايِم وَؤَشَا اِقِيَم ذِيَنِّي اَكْ-ذ اِمْحَضَارَن تَس. 55 تُوَعَا ’بَا سَخَا‘، رَعِيذ ن وَذَايِن، عَرَايِن يِيوَض-د. أَطَاس زِي ثَمُورْث وَؤَسِيِن-د غَار وَرْشَالِيَم حِيْمَا اذ طَهَارَن اِخْف نَسَن قَبْر رَعِيذ ن بَا سَخَا، 56 نِيَشِيَنِّي تُوَعَا اِرزُون خ يَشُو وَؤَشَا نَانَ جَارَا سَن وَؤَمِي نِيَشِي بَدَن ذِي نَاذَارْث اِقْدَسَن ”مَيِن ثَنُورَا م؟ مَا وَا ر د اِتِيَس غَار رَعِيذ؟“ 57 اِرُوِيَا س ن اِكْهَانَن ذ اِفَارِيَسِيَيِّن وَصَانَ بَلِّي مَارَا شَا ن يِيَجَن اِسَن مَانِي اِذْجَا، اذ ث اِنِّي، حِيْمَا اذ ث طَفَن.

اَذْهَانَ س رَعطُور اِغْرَان ذِي بَايْتَعَانِيَا

مَتَى 26:6-13؛ مَار. 14:3-9

1 سَتَان ن وَؤَسَان قَبْر رَعِيذ ن بَا سَخَا، يُوسِي-د يَشُو غَار بَايْتَعَانِيَا، مَانِي تُوَعَا اِذْجَا اَلِيَعَازَار وَؤِي د اِسْنَكَا ر يَشُو زَكْ اِمْتَيِنَن. 2 وَؤَشَا كَيِّن اِس ذَيِن اِج ن وَؤَمْسِي وَ مَارَنَا تُوَعَا تَسَخَار. اَلِيَعَازَار تُوَعَا ذ اِجَن زَكْ يِنِّي تُوَعَا اِقِيَمَن اَكِيَدَس غَار طَابِرَا. 3 تَكْسِي-د مَارِيم

إِج ن أضر ن رفواحث ن صنبل تُصفا تيغرا، تذهن إضارن ن يشو، خني تمسح إضارن نس
 س وُشواف نس. تادارت تشور س رفواحت ن ميرو. ⁴ إجن زك إمحضارن نس وتي وُمي
 قان يهوذا سمعان إسخر يوطي وتي ث إغا إسلمن، إنا ⁵ مايمي وار تمنز شا رفواحت-ا ن
 ميرو س ثرت ميان دنيار، جيما أذ تموش إمزراض؟ ⁶ ننا إنا آيا، وار إدجي مينزي شقان ث
 إمزراض، ماشا مينزي ننا ذ أشفار، ثوغا غارس صندوق وُشا إتكس زي مين ذائس إمارسن.
⁷ يشو إنا "جم ت، آقا تُخمر ات إواس ن ونضر انو. ⁸ مينزي إمزراض آقا-ثن رندا أكيدوم،
 ماشا نش وار كيدوم دجيج إ رندا. ⁹ أطاس ن رعايشي ن وُذائن سنن بلي ننا آقا-ث ذيني
 وُشا وُسين-د، وار إدجي حاشا زي سبيث ن يشو، ماشا عاوذ جيما أذ زارن إيعازار وتي د
 إسنكار زك إمتين. ¹⁰ مشاوارن أروياس ن إكهانن جيما أذ نغن وُرا ذ إيعازار، ¹¹ مينزي أطاس
 ن وُذائن وُسين-د زي سبيث نس وُشا وُمنن ذي يشو.

أذاف ن يشو غار وُرشاليم

متى 11:1-21؛ مار. 11:1-11؛ لوك. 40-28:19

¹² ثيوشا نس، وُمي سرين أطاس ن رعايشي إني د يوسين غار رعيذ بلي يشو أذ د ياس
 غار وُرشاليم، ¹³ كسين إفتوان ن ثيني وُشا فغن جيما أذ ث رقان، راغان ...

”وُصانا، ذ أميمون وتي إ د يوسين س بيسم ن أربي،

آقا-ث ذ أجدجيد ن إسرائيل. “ سح. 26-25:118

¹⁴ يوف يشو إج ن وشئوس وُشا إنيا خاس، أم مامش ثورا

¹⁵ وار تكوذ شا، أ تايديجيث ن سييون، خزار،

أجدجيد نم أذ د ياس، إقيم خ وشئوس ن ثعيوتش. “ زاك. 9:9

¹⁶ إمحضارن نس وار فهيمن شا ثيمسراين-ا ذك وُمزو. ماشا أوارني راوي إتواشوعرا يشو،
 رخذني عقرن بلي مان آيا ثورا خاس وُشا بلي نيشي كين زايس مان آيا. ¹⁷ رعايشي إثوغا إدجان
 أكيدس، وُمي إراغا خ إيعازار زك ونضر، ثوغا إشهد آقا ننا إسنكار إث-يد زك إمتين. ¹⁸ س
 مان آيا إرقا-ث-يد رعايشي مينزي نيشي سرين بلي إكنا رعرامث-ا. ¹⁹ إفاريسين خني نان جاراسن
 ”تتوارم مليح بلي كنيو ثناكواضم غار والو، خزارم، آقا قاع ثونيث تضفار إث-يد.“

يَشُو إِزْوَارِ إِسُورِخِ رَمُوثِ نَسِّ

²⁰تُوغَا ذِينِ شَانِ إِيُونَانِيَّيْنِ جَارَسَنِ، إِنِّي ذِ يُونَسِينِ جِيمَا أَدِ عَيْدُنِ ذِي رَعِيدِ. ²¹إِنَّا رُوحِنِ غَارِ فِيلِيْبُوسِ، وَنِي زِي نَثَدِيْنَتِ نِ بَايْتِصَايْذَا ذِي لَجَالِيلِ، سَتَسَانِ ثِ، نَانَ "أَسِيْذِي، نَخْسِ أَدِ نَزَارِ يَشُو." ²²يُوسِي-دِ فِيلِيْبُوسِ، إِنَّا تِ إِ أَنْدِرَاوُسِ، أَنْدِرَاوُسِ ذِ فِيلِيْبُوسِ عَاوْذِ نَانَ تِ إِ يَشُو. ²³مَاشَا يَشُو يَار-دِ خَاسَنِ، إِنَّا "أَقَا تِيُوضِ-دِ نَسَاعَتِ إِ ذِي إِ غَا إِتْوَاَسْعُوْدَجِ مَيْسِ نِ بِنَادِمِ. ²⁴سِ تِيْذَتِ، سِ تِيْذَتِ، أَدِ اُومِ اِنْيِغِ، مَارَا وَارِ اِوِضِي رَحْبِ نِ يِيْرْدَنِ ذِي تُمُورْثِ وُشَا أَدِ اِمْتِ، خَنِّيْ أَدِ اِقِيْمِ وَحْدَسِ، مَاشَا مَارَا اِمُوثِ، خَنِّيْ أَدِ دِ ثَاوِيِي رَعِيْدَجْثِ اَطَّاسِ. ²⁵وَني اِتَخْسَنِ تُوْذَارْثِ نَسِ، أَدِ تِ اِحْسَارِ وُونيْ إِ غَا اِشَارَهِنِ تُوْذَارْثِ نَسِ ذِي دُوْنِيْثِ-اِ، أَدِ تِ اِحْمَرِ اِتُوْذَارْثِ نِ رِبْدَا. ²⁶مَارَا شَانِ يِيْجَنِ اِسْخَارِ اَيِي، اِحْ اِثْ اَدِ اَيِي اِضْفَارِ. مَانِيْ إِ غَا اِرِيْغِ نَشِ، ذِيْنِيْ إِ غَا يِيْرِيْ عَاوْذِ وُْمَسْخَارِ اِنُو. مَارَا شَانِ اِجَنِ اِحْدَمِ اَيِي، أَدِ تِ اِشْنَعِ ثَبَاثِ. ²⁷رَحُو وُرْ اِنُو اِنْهَوْرِ، مِيْنِ إِ غَا اِنْيِغِ؟ اِ ثَابَاثِ، سَنَجْمِ اَيِي زِي نَسَاعَتِ-اِ؟ مَاشَا خِ وُيْنِيْ اِدِ وُسيْغِ غَارِ نَسَاعَتِ-اِ. ²⁸اِ ثَابَاثِ، سَعُوْدَجِي اِسْمِ نَكِ. "خَنِّيْ تُوْسِي-دِ اِشْتِ نِ تُمِيْجَا زَكْ وُجَنَّا "سَعُوْدَجِ ثِ وُشَا أَدِ تِ سَعُوْدَجِ عَاوْذِ." ²⁹رَعَاشِيْ اِتُوْغَا اِبْدَنِ ذِيْنِ اِسْرَا ثِ وُشَا اِنَّا "أَقَا اِمْسَارِ وَاجَاجِ." اِنْضِنِيْ نَانَ "أَقَا اِسُورِ-دِ غَارَسِ اِحْ نِ لِمَالَاكِ." ³⁰يَار-دِ يَشُو، اِنَّا "تُمِيْجَا-يَا وَارِ ثُدْجِي شَا ذِي طُوعِ اِنُو مَاشَا ذِي طُوعِ نُوْمِ. ³¹رَحُو أَدِ يِيْرِيْ رَحُوْمِ خِ دُوْنِيْثِ-اِ. رَحُو أَدِ اِمْنِضَارِ وُْمَقْرَانِ نِ دُوْنِيْثِ-اِ غَارِ بَارَا. ³²وُ نَشِ، خِ مِيْنِيْ اِغَا تُوَاَسْكَاعْدِغِ زِي تُمُورْثِ، أَدِ غَارِي-دِ جِبْدِغِ مَارَا." ³³إِنَّا مَانَ اَيَا جِيمَا أَدِ اِسْنَشَنِ غَارِ مَانَ رَمُوثِ إِ غَا اِمْتِ. ³⁴رَعَاشِيْ يَار-دِ خَاسِ "نَشِيْنِ نَسْرَا زِي تَاوْرَاثِ بَلِيْ اَقَا لَمْسِيْحِ أَدِ اِقِيْمِ اِرْبْدَا. اِمَامَشِ ثَقَارْذِ شَكِ بَلِيْ اِنْتِخَصْدِ اِمَيْسِ نِ بِنَادِمِ أَدِ اِتُوَاَسْكَاعْدِ؟ مِيْنِ اِعْنَا مَيْسِ نِ بِنَادِمِ؟" ³⁵يَشُو اِنَّا اِسْنِ "ثِيْفَاوْثِ أَدِ تِيْرِيْ اِكِيْذُوْمِ ذُرُوْسِ نِ رُوْقْثِ عَاذِ. وُيُورِمِ، رَامِيْ عَاذِ غَارُوْمِ ثِيْفَاوْثِ، جِيمَا وَارِ كَنِيُوْ تَطْفِ نَادْجِسْثِ. وَنِيْ اِكُوْرِنِ ذِي نَادْجِسْثِ، وَارِ اِسِيْنِ مَانِيْ اِكُوْرِ. ³⁶اَمْنَمِ ذِي ثَفَاوْثِ مَاْحَنْدِ نَتَاْثِ عَاذِ اَقَا-تِ غَارُوْمِ، جِيمَا كَنِيُوْ أَدِ تِيْرِيْمِ ثَارُوَانِ ثَفَاوْثِ." اَمُوْ اِتُوْغَا اِسَاوَارِ يَشُو، رَحْدَنِّيْ يُوِيُوْرِ وُشَا اِنُوْفَارِ زَايْسَنِ.

اَوَارِنِ يَشُوْخِ يِنِّيْ يُوْمِنِنِ ذِيْنِيْ وَارِ يُوْمِيْنِنِ شَا

³⁷تُوْغَا يَشُو اِتْكَ اَطَّاسِ نِ رَعْرَامَاثِ زَاثْسَنِ، مَاشَا وَاحَا اَمْنِيْ نِيْثِيْ وَارِ زَايْسِ وُْمِيْنِنِ، ³⁸جِيمَا أَدِ اِتُوَاَكْمَرِ وَاوَارِنِ وُْمَكْشَافِ اِشَاعِيَا اِ اِنَانَ

”أَسِيدِي، وَي يُومِن س رُخْبَار نَغ؟“
إِشَا. 1:53

39 خ وَبِنِي وار زَمَارَن اَذْ اَمَن، مِينَزِي اِشَاعِيَا اِنَّا عَاوَدُ⁴⁰ ”نَتَا اِسْدَارْغَرِ ثِيْطَاوِين نَسْن، اِسْقَسَحْ اُرَاوِن نَسْن، جِيْمَا وار ثِيْطَاوِين س نَسْن، وار فِهْمَن س اُر نَسْن، اَذْ ثُوْبَن وُشَا نَش اَذْ ثَن سَكْنَفِيغ.“⁴¹ اِنَّا اِشَاعِيَا اَمُو، مِينَزِي اِزْرَا اَعُوْدْجِي نَسْ وُشَا ثُوْغَا اِسْتَاوَار خَاس. ⁴² واخَا اَمْنِي وُْمَن زَايَس اَطَّاس ن اِمْقَرَانَن رُكْنَس، مَاشَا س سَيِّث ن اِفَارِيْسِيْن، وار زَايَس شَهْدَن شَا، جِيْمَا وار خَاسَن تِيْزَرَن زَكْ وُسِينَاكُوْخْ. ⁴³ مِينَزِي نِيْشِي ثُوْغَا خَسَن اَعُوْدْجِي زَكْ اِوْدَان خ وُعوْدْجِي زِي اَرِّي. ⁴⁴ مَاشَا يَشُو اِرَاغَا، اِنَّا ”وَنِي ذَايِي اِتاْمَن، وار ذَايِي اِتِيْمَن شَا، مَاشَا زَكْ وَنِي ذَايِي-د اِسْكَن. ⁴⁵ وَنِي ذَايِي اِزْرِيْن، اِزْرَا وَنِي ذَايِي-د اِسْكَن. ⁴⁶ وُسِيغ-د ذ ثِيْفاوْت غَار دُوْنِيْث، جِيْمَا كُور اِجَن وَنِي ذَايِي اِتاْمَن، وار اِتْعِيْمِي شَا عَاذ ذِي نَاْدْچَسْت. ⁴⁷ مَارَا شَا ن يِجَن اِسْرَا اِ وَاوَرَن اِنُو وُشَا وار يُومِن، نَش وار خَاس حَكْمَغ شَا. نَش وار د وُسِيغ شَا جِيْمَا اَذْ حَكْمَغ خ دُوْنِيْث، مَاشَا جِيْمَا اَذْ سَنَجْمَغ دُوْنِيْث. ⁴⁸ وَنِي ذَايِي اِسْحَقَارَن وُشَا وار اِقْبِير اَوَارَن اِنُو، غَارَس وَنِي خَاس اِ غَا اِحْكَمَن. اَوَار اِنْعِغ، نَتَا اَذْ خَاس اِحْكَم دَكْ وَاَسْ اَنْكَارُو. ⁴⁹ مِينَزِي نَش وار سَوْرَغ شَا زِي غَارِي، مَاشَا ثَابَاث وَنِي ذَايِي-د اِسْكَن اِوْشَا اَبِي اِشْت ن ثَوِصِيْث خ مِيْن اِ غَا اِنْعِغ ذ مِيْن خَف اِ غَا سَوْرَغ. ⁵⁰ نَش سَنَغ ثَاوِصِيْث نَسْ، اَقَا-ت ذ ثُوْدَارْت ن رِبْدَا. مِيْن سَاوَارْغ خَنِي، سَاوَارْغ ث اَم مَمَشْ ذَايِي اِنَّا ثَابَاث.“

اَسِيْرْدَن اِحْضَارَن ن اِمْحَضَارَن

13 اِقْبَر اِرْعِيْدَن بَاسَخَا، وُْمِي يَشُو اِسْن اَقَا نَاسَاعْت نَسْ ثِيْوِض-د بَلِي اَذْ اِمُوْطِي زِي دُوْنِيْث-ا غَار ثَابَاث اَوَارَنِي رَامِي ثُوْغَا اِتْخَس اِنِّي اِدْچَان نَسْ، اِنِّي اِدْچَان ذِي دُوْنِيْث، خَنِي ثُوْغَا اِتْخَس اِثْن اَر اَنْكَارُو. ² رَامِي اِكْمَر وُْمَنَسِي، وُْمِي اِعَارَن اِبْرِيْس وُرَن يَاهُوْذَا مِيْس ن سِيْمَعَان اِسْحَارِيْوْطِي مَاحَنْدْ اَذْ اِث اِسْلَم، نُوْشَا يَشُو ثُوْغَا اِسْن بَلِي ثَابَاث اِوْشَا اِس كُورْشِي دَكْ اِفَاسَن نَسْ وُ بَلِي اِنْعِغ-د زِي غَار اَرِّي وُ غَار اَرِّي اِ غَا اِرَاح، ⁴ خَنِي اِكْار-د خ وُْمَنَسِي، اِكْس اَرُوْض نَسْ، اِكْسِي اِج ن وُْمَنْدِير وُشَا اِبِيْس اِث اِ يِيخَف نَسْ. ⁵ خَنِي اِفَارْغ اَمَان ذِي ثَبَانِيوْث وُشَا اِنْدَا اَسِيْرِيْدْ اِحْضَارَن ن اِمْحَضَارَن، اِمْسَحْ اَسْن س وُْمَنْدِير اِ زِي ثُوْغَا اِبِيْس. ⁶ رَامِي د يُوْسَا غَار سِيْمَعَان بَطْرُوْس، اِنَّا اِس

وايننا "أ سييذي، ما تخسذ اذ تسيردذ اضران ائو؟" 7-يار-د يشو، انا اس "شك وار تفهيمذ شا رخو مين تكغ، ماشا اذ تفهمذ مان ايا اوارني ماناوني." 8 انا اس بطروس "قاع عمارص اذ تسيردذ اضران ائو." 9 انا اس سيمعان بطروس "أ سييذي، وار اذجي اضران ائو واهما ماشا ورا ذ افاسن ذ وزدجيف." 10 يشو انا اسن "ونني ائواسيردن، وار اذجيج مغير اذ تواسيردن اضران نس واهما، مينزي ننا ذ امزداك امن اكرم. كنيو تيزديكهم، ماشا وار اذجي مارا." 11 ننا ثوغا اسن وي ث ا غا اسلمن، خ ويني انا "كنيو وار ثدجيم شا مارا ذ امزداك." 12 اوارني رامبي ثوغا اسيريد اضران نسن وُشا يارض اروض نس، خني اقيم عاوذ، انا اسن "ما تفهم مين ذايوم كيغ؟" 13 كنيو ثراغام ايبي "امسرماذ" ذ "سييذي، وُشا ثيذت ائنام، مينزي وا ذ نش. 14 مارا نش ذ سييذي ذ امسرماذ وُشا سيردغ اضران نوم، رخذني ائخص وُرا ا كنيو اذ تسيردم اضران اجن ا وُضني، 15 مينزي نش زعما وشيغ اوم اج ن وُمذيا، جيما، ام مامش كيغ نش اكيذوم، اذ نكهم كنيو عاوذ. 16 س ثيذت، س ثيذت اذ اوم اينغ، اسمغ وار يوعري خ سيذس وُرا ذ اماران وار يوعري خ وني ائ-يد اسكن. 17 مارا نسنم ثيمسرايين-ا، اذ ثيريم ثئواباركم مارا نكهم زائسنت.

يشو ازار اسورخ وني ث ا غا اسلمن

متى 25:20-26؛ مار. 17:14-21؛ لوك. 21:22-23

18 "وار ث قارغ شا خاوم مارا. نش سئغ ائني ا حضارغ. ماشا ائخصا اذ ائواكمر مين يوران ذك وديس

'ونني ا غا اسن زك وغروم اكيذي، اقا يارفع خافي انيرز نس.' سيج. 9:41

19 رخو اذ اوم ث اينغ قبر ما اذ امسار، جيما، خ ميبي ا غا امسار، اذ تامنم بلي اقا ذ نش. 20 س ثيذت، س ثيذت، اذ اوم اينغ، وني اقبرن وني ا د غا سئغ، اذ ايبي اقبر وُوني ذ ايبي اقبرن، اذ اقبر وُرا ذ وني ذ ايبي-د اسكن."

1 اوارني رامبي انا يشو مان ايا، انهور اروح نس وُشا اشهد، انا "س ثيذت، س ثيذت، اذ اوم اينغ، اجن زايوم اذ ايبي اسلم." 22 امحضارن خزارن غار واياويا، قيمن شكَن ذي مين خف ثوغا اسوار. 23 اجن زك امحضارن نس ا ثوغا يشو ائخص ائ،

تُوعَا إِسْنَدُ خِ إِذْ مَارَن نِ يَشُو. ²⁴ إِسْتَشَن سِمَعَانَ بَطْرُوسَ غَارَسَ، حِيْمَا أَذِ إِسْتَقْسَا مِيْنِ
 إِعْنَا وَتِي مِيْنِ خَفِ تُوعَا إِسْأَوَار. ²⁵ وَانِيْثَا خَتِي، وَبِي إِسْنَدُ خِ إِذْ مَارَن نِ يَشُو، إِنَّا اس "أ
 سِيْذِي، مِيْنِ إِعْنَا؟" ²⁶ يَارْد- يَشُو "ذِ وَنِي وَبِي إِغَا سِيْسِنَغَ أَرْقِيْمَ نِ وَغَرْوْمَ، أَذِ اس ث
 وَشَغ". رَحْدَنِيْ إِسِيْسِنَ أَرْقِيْمَ نِ وَغَرْوْمَ، إِكْسِيْ ث- يَدِ، إِوْشَا اس ث- يَدِ إِ يَاهُوْذَا مِيْسِ
 نِ سِمَعَانَ إِسْخَارِيْوْطِي. ²⁷ أَوَارِنِيْ إِوْرُقِيْمَ- ا نِ وَغَرْوْمَ، يُودَفِ إِثْ شَيْطَانَ. إِنَّا اس يَشُو
 "مِيْنِ إِغَا ثَكْدُ، أَكْثُ إِثْ ذَغِيَا". ²⁸ وَرَا ذِ إِجْ زَكْ يَنِيْ تُوعَا إِسْنَدَنِ وَارِ إِسِيْنِ مَائِيْ
 نَتَا إِذِ اس إِنَّا مَانَ أَيَا. ²⁹ إِتَغِيْرَ أَسْنِ إِشَا زَائِيْسِنِ، وَبِي يَاهُوْذَا أَقَا- ثِ خِ صَنْدُوْقِ، أَقَا
 يَشُو إِنَّا اس "سَغِ مِيْنِ إِغَا نَحْدَا جِ إِرْعِيْذَا!" نِيْغِ حِيْمَا أَذِ إِوْشِ شَا إِ إِمْرَا ضِ. ³⁰ وَانِيْثَا،
 أَوَارِنِيْ رَائِيْ إِطْفِ أَرْقِيْمَ نِ وَغَرْوْمَ، إِفَغ- دِ ذَغِيَا. تُوعَا ذِ دَجِيْرِثِ.

يَشُو إِسْأَوَارِ خِ رَمُوْثِ نَسِ وَخِ ثَائِيْرِيْ جَارِ وَإِوْمَاتِنِ

³¹ رَائِيْ دِ إِفَغِ، إِنَّا يَشُو "أَقَا رَحُوْ إِتْوَاسْعُوْدَجِ مِيْسِ نِ بِنَادِمِ وَشَا إِتْوَاسْعُوْدَجِ أَرْبِيْ ذَائِيْسِ.
³² مَارَا أَرْبِيْ أَقَا إِتْوَاسْعُوْدَجِ ذَائِيْسِ، رَحْدَنِيْ أَرْبِيْ أَذِ ثِ إِتْوَاسْعُوْدَجِ عَاوْذِ ذَكْ يِيْخَفِ
 نَسِ وَ أَذِ ثِ إِتْوَاسْعُوْدَجِ ذَغِيَا. ³³ إِحْنَجِيْرِنِ إِمْرِيَانِنِ، نَشِ أَقَا- يِيْ أَيْكِيْذُوْمِ ذُرُوْسِ نِ
 رُوْقْثِ عَاذِ. كَنِيْوْ أَذِ خَافِيْ ثَارْزُوْمِ وَشَا، أَمِ مَامَشِ نِيْغِ إِوْذَائِنِ، "مَائِيْ إِغَا رَاخِغِ نَشِ،
 وَارِ ثَرْمَارْمِ أَذِ ثِ نَاسِمِ"، أَذِ أَوْمِ ثِ إِنِيْغِ عَاوْذِ رَحُوْ. ³⁴ ثَاوْصِيْثِ نِ جَدِيْذِ إِذِ أَوْمِ إِغَا
 وَشَغِ حِيْمَا أَذِ ثَخْسَمِ إِجْنِ وَنَضْنِيْ، أَمِ مَامَشِ نَشِ تَخْسَغِ كَنِيْوْ، وَرَا ذِ كَنِيْوْ أَذِ ثَخْسَمِ
 أَيَاوِيَا. ³⁵ سِ مَانَ أَيَا أَذِ سَنَنِ مَارَا أَقَا كَنِيْوْ ذِ إِمْحَضْرَانِ إِنُوْ، مَارَا ذِيْنِ غَارُوْمِ ثَائِيْرِيْ
 جَارَاوْمِ."

يَشُو إِزْوَارِ إِسْوَْرِ خِ وَنْكَارِ نِ بَطْرُوسِ

مَتَى 35:31-26؛ مَار. 14:27-31؛ لُوك. 22:31-34

³⁶ سِمَعَانَ بَطْرُوسَ إِنَّا "أَ سِيْذِي، مَائِيْ إِغَا تْرَا حَذَا؟" يَارْد- يَشُو "مَائِيْ إِغَا رَاخِغِ
 نَشِ، وَارِ ثَرْمَارْدِ رَحُوْ أَذِ أَيِيْ- دِ ثَضْفَارْدِ، مَاشَا أَوَارِنِيْ مَانَاوْتِيْ أَذِ أَيِيْ- دِ ثَضْفَارْدِ غَارِ
 وَنْكَارُوْ." ³⁷ بَطْرُوسَ إِنَّا اس "أَ سِيْذِي، مَائِيْ وَارِ زَمَارْغِ أَذِ شَكِ- دِ ضَفَارْغِ رَحُوْ؟
 نَشِ أَذِ وَشَغِ ثُوْدَارْثِ إِنُوْ إِشَكِ." ³⁸ يَارْد- يَشُو "مَا أَذِ أَيِيْ ثُوْشُدِ ثُوْدَارْثِ نَكْ؟ سِ
 ثِيْذَتِ، سِ ثِيْذَتِ، أَذِ اشِ إِنِيْغِ، وَارِ إِسْقُوْفُوْعِ شَاوِيَا زِيْضِ، قَبْرِ مَآ أَذِ أَيِيْ نْكَارْدِ ثَرَاثَا
 نِ ثَوَارِوِيْنِ."

يشو نتا ذ ابريد ذ ثيدت ذ ثوذارت

14¹ "كسم انهور زك وراون نوم. كنيو ثنامنم ذي آرئي، امنم عاوذ زايي. ذذي
 ئاذارت ن بابا ذائس اطاس ن ثوذديغن، ماعليك وار اذجي امئي، اري نبع
 اوم ث. نش اذ راحغ جيما اذ اوم سوجذغ امشان. ³ وُشا، اوارني رايمي رُوحغ وُشا
 سوجذغ اوم امشان، خني اذ عقبغ عاوذ، اذ كنيو ذ اويغ غاري، جيما، ماني ذجغ
 نش، اذ زين ثيريم وُرا ذ كنيو. ⁴ وُ ماني اِ غا راحغ اقا تَسنم ت وُشا تَسنم ابريد. ⁵ اِنا
 اس ثوما "ا سبيذي، وار نسين ماني اِ غا تراحد اِ مامش نرمار اذ نسن ابريد. ⁶ يشو
 اِنا اس "نش ذ ابريد ذ ثيدت ذ ثوذارت، وار د ايس وُرا ذ اِ غا ثبات معير زايي.
⁷ مارا ثوغا تَسنم ابي، اذ ثيري اقا تَسنم وُرا ذ بابا. زي رُحو اقا تَسنم ث، ثرريم ث. "
⁸ فيليپوس اِنا اس "ا سبيذي، سشن اِ غا ثبات وُشا اِ كفا. ⁹ يشو اِنا اس "انثت وُيا
 ن روقث قاع نش اكيذوم، ما وار ذ ابي تَسيند، ا فيليپوس؟ وني ذ ابي اِ زين، اِزا
 ثابات. مامش تقارذ "سشن اِ غا ثبات؟ ¹⁰ ما وار ثوميند شا اقا نش اقا-بي ذي ثبات
 ذ ثبات اقا-ث ذايي؟ اوارن اِ ذ اوم قارغ، وار ثن قارغ شا زي غاري، ماشا ثابات
 وني ذايي اِ زذغن، نتا اِ تگ رُخدايم نس. ¹¹ امنم ابي اقا نش اقا-بي ذي ثبات، ثابات
 اقا-ث ذايي. وُ مارا وار اذجي امئي، امنم ابي خ سبت ن رُخدايم سيمانت نَسنت.
¹² س ثيدت، س ثيدت اذ اوم اِ نيغ، وني ذايي اِ تامنن، اقا رُخدايم اِ تَغ، اذ زائسنت
 اِ وُرا ذ نتا وُشا اذ اِ كِ تني اذجان ذ ثيمقرانين خ مان ايا، مينري نش اذ راحغ غار
 بابا. ¹³ وُشا مارا مين اِ غا ثنارم س بيسم اِ نو، اذ ث كغ جيما اذ اِ تواسعودج ثبات س
 ثميث. ⁴ مين ذايي اِ غا ثنارم س بيسم اِ نو، اذ ث كغ.

رواعدن اروح اقدسن

¹⁵ مارا ثخسم ابي، طم ذذي ثوصا اِ نو. ¹⁶ وُشا نش اذ زاذجغ اِ ثبات وُشا اذ اوم اوش
 امسفوچ نضني جيما اذ كيوم اِ قيم اِ رندا، ¹⁷ اروح ن ثيدت وني وار ثرمار دُونيث اذ ث
 ثمبر، مينري وار ث ثويري، وار ث تَسين. ماشا كنيو تَسنم ث، مينري نتا اذ كيوم اِ قيم
 وُشا اذ ذايوم بيرري. ¹⁸ وار كنيو تَجيج شا ذ اِ وِجين. نش اذ غاروم-د اسغ. ¹⁹ ذرُوس ن
 روقث عاذ وُشا دُونيث وار ذ ابي ثرار عاذ. ماشا كنيو ثنوارم ابي، مينري نش دارغ وُشا
 وُرا ذ كنيو اذ ثدارم. ²⁰ ذك واسن ني اذ تَسنم بلي اقا نش اقا-بي ذي بابا، كنيو ذايي وُ
 نش ذايوم. ²¹ وني غار اذجا ثوصا اِ نو وُشا اذ ذائسنت اِ طف ذ وني ذ ابي اِ تخسن، وُ
 وني ذايي اِ تخسن، وُرا ذ ثابات اذ ث اِ خس وُشا نش اذ ث خسغ عاوذ وُشا اذ اس

سَشْنَعِ إِخْفِ اِنُّو. “²²إِنَّا اس يَاهُوذا، وار اِذْجِي ذ اِسْخَارِيُوطِي ”²³أ سِيذِي، مامش ذ انغ اِ غا تَشْنَعِ إِخْفِ نَك، وار اِذْجِي شا اِ دُونِيث؟“²⁴ يَشُو يار-د، إِنَّا اس ”مارا شان يِجْنِ اِخْسِ اَيِي، خني اِذْ اِطْفِ ذَكْ واور اِنُّو وُشا بابا اِذْ اِ اِخْسِ وُشا غارس اِ ذْ غا ناس وُ غارس اِ غا نَزْدَغ. “²⁴وَنِي وار ذ اَيِي اِتْخَسِن، وار اِتْطَلِيفِ شا ذَكْ واور اِنُّو. وُشا اُوار اِ شَرِيْم، وار اِذْجِي شا زِي غاري، ماشا زِي ثاباٲ وني ذ اَيِي-د اِسْكَن. “²⁵سُورَغِ اَكِيذُوم مان اَيَا وُمي نش عاذ قِيْمَغِ اَكِيذُوم. “²⁶ماشا اَمْسَفُوجِ، اَرُوحِ اِقْدَسِن، وني اِ ذْ غا اِسْكَتْ ثاباٲ س يِيسَمِ اِنُّو، اِذْ اوم اِسْرَمِذْ كُورِشِي، اِذْ اوم اِسْفِكَارِ مارا مِينِ ذ اوم نِيغ. “²⁷رهنأ اِذْ اوم ث جَعِغ، نش اِذْ اوم وُشَغِ رهنأ اِنُّو. وار اِذْجِي شا اَمِ مامش ذايوم ثِيَشِشْ دُونِيث اِذْ اِ ذايوم وُشَغِ. كَسِ اَنْهَورِ زَكْ وُراونِ نَوم، وار تَكُوذِ شا. “²⁸اَقَا شَرِيْمِ نش نِيغِ اوم ’نش اِذْ وُيُورَغِ وُشا اِذْ غاروم-د اسغِ عاوذ‘. مارا ثَخْسَمِ اَيِي، اِذْ ثَفارْحَمِ، مِينِزِي نِيغِ ’اِذْ راحغِ غارِ ثاباٲ‘، مِينِزِي ثاباٲ يُوْعِرا خافي. “²⁹نش نِيغِ اوم ت رَحُو قَبِرِ مَأْ اِذْ اِمسارِ، جِيما اِذْ ثامننِ خ مِينِي اِ غا يِيري وُيا. “³⁰وار كِيوم سَيُويِرَغِ عاذ اَطاسِ كِثارِ، اِذْ د ياس وُمقِرانِ نِ دُونِيث-ا، وار غارسِ وُالو ذايي. “³¹ماشا ذ مان اَيَا جِيما اِذْ ثَسِنِ دُونِيثِ اَقَا نش تَخْسَغِ ثاباٲ وُشا تَخْغِ مِينِ ذ اَيِي اِوَصا ثاباٲ. كارم، اِذْ نوُيورِ سَانِيشا. “

ثا زيارٲ ذ ثيصدوين نَس

15 “نش ذ ثا زيارٲ ن ثيذت، بابا ذ باب ن وُحويش ن ثَزارٲ. “¹كُورِ ثاسطًا ذايي اِ وار اِيتِشِنِ رَغِيذِچْث، اِذْ ت اِكْسِ وُشا كُورِ ثاسطًا اِ ذْ اِتاوينِ رَغِيذِچْث، اِذْ ت اِسِيَزْذَكْ، جِيما اِذْ ثارني ذِي رَغِيذِچْث. “²كَنِيوِ اَقَا ثَواَسِيَزْذَكْمِ ذِي سَيِيْثِ ن واور اِ ذْ اوم نِيغ. “³قِيْمِ ذايي، نش اَقا-يِي ذايوم. اَمَشْناوِ ثاسطًا اِ وار اِزْمارنِ اِذْ دِ ثاويي رَغِيذِچْث زَكْ يِخْفِ نَسِ مارا وار ثَقِيْمِ ذِي ثَزارٲ، اَمِيا وُرا ذْ كَنِيو، مارا وار ذايي ثَقِيْمِ. “⁴نش ذ ثا زيارٲ، كَنِيو ذ ثِيْسَضُويِن. وني ذايي اِ غا اَقِيْمِنِ وُ نش ذايِس، نَتا اِذْ د يايوي رَغِيذِچْث اَطاسِ، مِينِزِي ثَبْرا زايي وار ثَرْمارْمِ اِذْ ثَكْمِ وُالو. “⁵مارا شان يِجْنِ وار ذايي اِقِيْمِ، اِذْ اِمَنْضارِ غارِ بارا اَمَشْناوِ ثاسطًا، اِذْ يازغِ، خني اِذْ ثتِ بارونِ، اِذْ ثتِ نَضارنِ ذِي ثَمْسِي، اِذْ ارغِن. “⁶ماشا مارا ثَقِيْمِ ذايي وُشا اُوارنِ اِنُّو اِذْ ذايومِ قِيْمِنِ، تارم مِينِ ثَخْسَمِ وُشا اِذْ غارومِ يِيري. “⁷زي مان اَيَا اِذْ اِثَواَسْعُوذِچْثِ بابا خَمِي اِ ذْ غا ثاويْمِ اَطاسِ نِ رَغِيذِچْثِ وُشا اِذْ ثِيرِيْمِ ذِ اِمْحَضارنِ اِنُّو. “⁸اَمِ مامشِ ثاباٲ ثُوغا اِ تْخَسِ اَيِي وُرا ذْ نش ثُوغا تَخْسَغِ كَنِيو. قِيْمِ ذِي ثايري اِنُّو. “⁹مارا ثَطْفَمِ ذِي ثَوصا اِنُّو، اِذْ ثَقِيْمِ ذِي ثايري اِنُّو، اَمِ مامشِ نش ثُوغا تَطْفَغِ ذِي ثَوصا نِ بابا وُشا تَعِيْمِغِ ذِي

ثايرِي نَس. ¹¹ نَيْغ اوم مان ايا جِيما اذ دايوم ثيري رِفراحت اِنُو وُشا جِيما اذ ثنواكَمَر
 رِفراحت نوم. ¹² تاوَصِيَت اِنُو ثاينِثا، اَفا اذ ثخَسَم اِجَن وَنَضِيي اَم مامَش نَش ثوغا كَنِيو
 خَسَغ. ¹³ وُرا ذ اِج وار غارس بو ثايرِي تامَقَرانَت خ ثاينِثا، بلي اذ اِوش ثوَذارث نَس اِ
 اِمدُوكار نَس. ¹⁴ كَنِيو ذ اِمدُوكار اِنُو، مارا ثَكِيَم اَم مامَش كَنِيو وَصِيغ. ¹⁵ وار تَعِيوِيذَغ
 اذ اوم سَمِيغ اِسْمَعان، مِينزِي اِسْمَع وار اِسِين مِين اِتْكَ سِيدَس. ماشا نَش ثوغا تَرَاغِيغ
 اوم ذ اِمدُوكار، مِينزِي نَش سَشَنغ كَنِيو مارا مِين سَرِيغ زِي بابا. ¹⁶ وار اِذْجِي ذ كَنِيو
 اِذ اِبي اِخْضارن، ماشا ذ نَش اِ كَنِيو اِخْضارن وُشا نَش كَيَغ كَنِيو جِيما اذ تَراحم،
 اذ د ثاويَم رُغِيذْچَت وُ جِيما اذ تَقِيَم رُغِيذْچَت نوم، جِيما مارا مِين اِ غا ثنارم زِي
 ثباباَت س يِيسَم اِنُو، اذ اوم ث اِوشا نَتا. ¹⁷ ذ مان ايا اِ زِي كَنِيو تَوَصِيغ، جِيما اذ
 ثخَسَم اِجَن وَنَضِيي.

دُونِيَت ثِشارَه يِشُو ذ اِمْحَضارن نَس

¹⁸ مارا دُونِيَت اذ كَنِيو ثِشارَه، سَنَم اَفا ثِشارَه اِبي قَبِر كَنِيو. ¹⁹ مارا اَفا كَنِيو زِي دُونِيَت،
 اِرِي اَفا دُونِيَت ثوغا ثتخَس اِنِي زَايس. ماشا مِينزِي كَنِيو وار ثُدْجِم شا زِي دُونِيَت،
 ماشا نَش اِخْضارغ كَنِيو زِي دُونِيَت، س وُيِنِي دُونِيَت ثِشارَه كَنِيو. ²⁰ عَقَرَم اوار اِ ذ
 اوم نَيْغ 'اِسْمَع وار يُوَعَرِي خ سِيدَس'. مارا مارْتَن اِبي، اذ كَنِيو مارْتَن عاوَذ. مارا
 طَفَن ذْكَ وَاوار اِنُو، اذ طَفَن عاوَذ ذْكَ وَاوار نوم. ²¹ ماشا اذ زَايَوَم كَن مان ايا مارا
 ذِي سَيِيَت ن يِيسَم اِنُو، مِينزِي نِيْتِنِي وار سِينِن شا وُتي ذ اِبي-د اِسْكَن. ²² مارا وار د
 وُسيغ وُ وار كِيَسَن سَوُورغ، اذ يِيري وار غارسن بو دُونُوب. ماشا رُخُو وار غارسن بو
 سَماحَت خ دُونُوب نَسَن. ²³ وُتي ذ اِبي اِشارَهَن، اذ اِشارَه وُرا ذ بابا. ²⁴ مارا وار كَيَغ
 جاراسن رُخْدايَم اِ وار ثنَت اِكِي وُرا ذ اِج نَضِيي، اذ يِيري وار غارسن بو دُونُوب.
 ماشا رُخُو زَرِين ثنَت وُ شارَهَن وُرا ذ بابا. ²⁵ ماشا اِتْخَصَّ اذ اِتْواكَمَر وَاوار اِ يوران
 ذِي تاوَرانَت نَسَن

'شارهَن اِبي خ والو'. سِج. 19:35؛ سِج. 4:69.

²⁶ خمِي اِ د غا ياس وُمَسْفُوج، وُتي غاروم-د اِ غا سَكْغ زِي ثباباَت، اَرُوح ن ثِيذَت اِ
 د يُوَسِين زِي غار ثباباَت، خَنِي نَتا اذ اِبي اِشَهْد. ²⁷ اذ ثَشَهْدَم وُرا ذ كَنِيو، مِينزِي ثوغا
 كَنِيو اَكِيذِي زَك وُمزوارو.

16 ¹أَقَا سَوْرَغ أَكِيدُوم أَيَا حِيْمَا وَار نَنْدَرِيْفَم. ²أَذ كَنِيُو سُوقَعَن زَكَّ وَ سِينَاكُوكْ. إِوَا، نَاسَعَتْ أَذ د ثَاس وَ مِي كُورِ إِبْن وَنِي كَنِيُو إِ غَا إِبْنَن أَذ اس إِنْغِيرِ أَقَا إِيْتَكَّ رَخْدَمْت إِرْبِي. ³أَذ زَايُوم كُنَّ مَان أَيَا، مِينِزِي نِيْشِي وَار سِينِن ثَابَابَاث وَرَا ذ نَش. ⁴مَاشَا أَقَا نِيْغْ أَوْم مَان أَيَا حِيْمَا، حُومِي إِ د غَا ثَاس نَسَاعَتْ، حَنِي أَذ تَعْمَرَم بَلِي ذ نَش إِ ذ أَوْم إِيْنَان مَان أَيَا. نَش وَار ذَايُوم نِيْغْ شَا مَان أَيَا زَكَّ وَ مَزُورَاو، مِينِزِي نَش نُوغَا-بِي أَكِيدُوم.

يِشُو أَذ إِسَكَّ أَمْسَفُوجْ، أَرُوحِ إِقْدَسِن

⁵مَاشَا رَحُو أَذ رَاغِ غَار وَنِي ذ إِي-دِ إِسَكَّنْ وَشَا وَرَا ذِ إِيْجْ زَايُوم وَار ذِ إِي إِسْتَمِي 'مَانِي إِ غَا تْرَاخِذْ؟' ⁶مَاشَا مِينِزِي نِيْغْ أَوْم مَان أَيَا، أَقَا شُورِن وَرَاوَن نَوْم س وَشُضَان. ⁷مَاشَا نَش أَذ أَوْم إِيْغِ ثِيْدَت، حَسَن أَوْم أَذ رَاغِ. مَارَا وَار رُوحِغْ شَا، وَار غَارُوم-دِ إِيْتِس وَ مَسْفُوجْ. مَارَا رُوحِغْ، أَذ أَوْم ث-يِدِ سَكْغ. ⁸رَامِي دِ يُوْسَا وَنِيْشَا، أَذ إِسْتَقْنَعْ دُونِيْثِخْ دُونِيْثِخْ خْ دُونِيْثِخْ خْ تَسَكْذَا وَ خْ رَحُوكَم. ⁹خْ دُونِيْثِخْ مِينِزِي نِيْشِي وَار زَايِي وَ مِينِن ¹⁰وُشَا خْ تَسَكْذَا، مِينِزِي نَش أَذ رَاغِ غَارِ بَابَا وَشَا وَار ذِ إِي تْرَارْمْ عَاذ ¹¹وُشَا خْ رَحُوكَم مِينِزِي أَمَقْرَانِ نْ دُونِيْثِخْ-أَقَا إِيْتَوَا حَاسَب. ¹²غَارِي أَطَاس مِينِ ذَايُومِ إِ غَا إِيْغِ، مَاشَا رَحُو وَار تْرَارْمْ أَذْ ثِ تَكْسِيْم. ¹³مَاشَا رَامِي دِ يُوْسَا أَرُوحِ نْ ثِيْدَت، أَذ كَنِيُو إِنْذَه ذِي مَارَا ثِيْدَت، مِينِزِي نَتَا وَار إِسِيُورِ شَا زَكَّ يِيْخَفْ نَسْ، مَاشَا مَارَا مِينِ إِ غَا إِسْرَا، أَذ زَايِسِ إِسُورِ وَشَا أَذ أَوْم إِسْشِنِ تِيْمَسْرَايِنِ إِ دِ غَا يَاسِن. ¹⁴نَتَا أَذِ إِي إِسْعُودِجْ، مِينِزِي أَذِ إِكْسِي زِي مِينِ غَارِي وَشَا أَذ كَنِيُو إِسْخَبَارِ زَايِس. ¹⁵مَارَا مِينِ إِدْجَانِ غَارِ ثَابَابَاث، أَقَا-ثِ إِيُو. سِ وَنِي نِيْغْ بَلِي نَتَا أَذِ إِكْسِي زِي مِينِ غَارِي وَشَا أَذ كَنِيُو إِسْخَبَارِ زَايِس. ¹⁶وَار إِنْغِيْمِي شَا وَشَا وَار ذِ إِي تْرَارْمْ وَ حَنِي عَاوِذِ وَار إِنْغِيْمِي شَا وَشَا أَذِ إِي تْرَارْمْ عَاوِذِ، مِينِزِي نَش أَذ رَاغِ غَارِ ثَابَابَاث.

¹⁷شَا زَكَّ إِمْحَضَارِنِ نَسْ نَانِ جَارَاسِنِ "مَان أَيَا مِينِ ذِ أَنْغِ إِيْنَا 'وَار إِنْغِيْمِي شَا وَشَا وَار ذِ إِي تْرَارْمْ وَ حَنِي عَاوِذِ وَار إِنْغِيْمِي شَا وَشَا أَذِ إِي تْرَارْمْ عَاوِذِ، مِينِزِي نَش أَذِ رَاغِ غَارِ ثَابَابَاث'، "؟ ¹⁸حَنِي نَانِ "مِينِ إِيْخَسْ أَذِ يِيْنِي مِينِ إِقَارِ 'وَار إِنْغِيْمِي شَا'؟ وَار نَسِينِ شَا مِينِ خَفِ إِسَاوَار." ¹⁹إِسْنِ يِشُو أَقَا نِيْشِي حَسَنِ أَذْ ثِ سَقْسَانِ، حَنِي إِيْنَا سِنِ "مَانِ مَسْقَسَامِ مِينِزِي نِيْغْ 'وَار إِنْغِيْمِي شَا وَشَا وَار ذِ إِي تْرَارْمْ وَ حَنِي عَاوِذِ وَار إِنْغِيْمِي شَا وَشَا أَذِ إِي تْرَارْمْ عَاوِذِ؟" ²⁰سِ ثِيْدَتِ، سِ ثِيْدَتِ، أَذِ أَوْمِ إِيْغِ أَقَا أَذِ تْرُومِ، أَذِ تَسْعُومِ، مَاشَا دُونِيْثِخْ أَذِ تَفَارِحِ. كَنِيُو أَذِ تَشْضَمِنِ، مَاشَا أَشْضَانِ نَوْمِ أَذِ إِدُورِ

ذ رفراحت. ²¹ثامغارث، خمي إ غا تارو، أذ ثفوكم مينزي ثاساعت نس آقا ثيوض-د. ماشا خمي إ غا تارو أحنجير، وار ثفكار شا عاذ ذي رحرقيق نس زي رفراحت مينزي ثارني-د إ ج ن بنادم غار دُونيٲ. ²²وُرا ذ كنيو آقا ذايوم أَشضان رُحو، ماشا أذ كنيو زارغ عاوذ وُشا أذ فارحن وُراون نوم وُشا وُرا ذ إ ج وار زايوم إتكس رفراحت نوم. ²³ذك واس ني وار ذ ابي ثتسقسيم شا. س ثيذت، س ثيذت، أذ اوم إنيغ، مارا مين إ غا ثتارم إ ثباباٲ س ييسم إنو، أذ اوم ث إوش. ²⁴أر إ رُحو وار ثتارم شا س ييسم إنو. تارم، أذ ثكسيم، جيما أذ ثيري رفراحت نوم ثكمر. ²⁵سورغ اوم خ مان ايا س إمتيرن، ماشا أذ د تاوض ثساعت إ ذي وار غاروم إ غا سبيورغ عاذ س إمتيرن، ماشا أذ اوم-د بارغخ خ ثباباٲ س بطايطاي. ²⁶ذك واس ني أذ ثتارم س ييسم إنو. نش وار ذ اوم قارغ شا بلي أذ تارغ إ ثباباٲ ذي طوع نوم، ²⁷مينزي ثاباباٲ سيمانٲ نس إتنس كنيو، مينزي كنيو ثوغا ثتنخس ابي وُشا آقا ثومنم آقا نش زي غار اربي إ د فغغ. ²⁸فغغ-د زي ثباباٲ، وُسيغ-د غار دُونيٲ. أذ جغ نش عاوذ دُونيٲ وُشا أذ راحغ غار ثباباٲ.

²⁹ثان اس إمحضارن نس ”آقا رُحو شك ثساوارد س بطايطاي، وار ثسبيورذ شا س إمتيرن. ³⁰رُحو نسن آقا ثسند كورشي، وار ثحذيجذ أذ شك إسقسا حد. زي ماناوي نومن آقا ذ شك ثفغذ-د زي اربي.“ ³¹يشو يار-د خاسن ”ما رُحو ثومنم؟ ³²أذ د تاوض ثساعت، آقا ثيوض-د، إ ذي إ غا ثتواز دجمع، كور إ ج أذ إطف ابريد نس، أذ ابي ثجَم وحدي. ماشا نش وار دجيج بو وحدي، مينزي ثاباباٲ آقا-ث اكيذي. ³³آقا سورغ اكيذوم س مان ايا جيما أذ غاروم ييري رهنا ذايي. ذي دُونيٲ أذ غاروم ثيري رخصارث، كم وُر، نش آقا غلبغخ دُونيٲ.“

ثازادجيث ن يشو

17 ¹ثوغا يشو إساوار س مان ايا وُشا إسكاعذ ثيطاوين نس غار وُجنا، إنا ”أ بابا، آقا ثاساعت ثيوض-د. سورغا مبيش، جيما وُرا ذ مبيش أذ شك إشوعرا، ²أم مامش ذ اس ثوشيد صولطا خ كور ايسوم، جيما ختي نتا أذ إوش ثوذارث ن ريدا إ كور إجن إ ذ اس ثوشيد. ³ذ ثانيثا ذ ثوذارث ن ريدا، آقا نيثي أذ شك سنن، آقا شك ذ اربي ذ ثيذت وحده ذ يشو لمسيح وني إ د ثسكذ. ⁴نش شوعريغ شك خ ثمورث. نش كمرغ رخدمث إ ذ ابي ثوشيد جيما أذ ت كغ. ⁵رُحو شعودجي ابي، أ ثاباباٲ، غار إخف تك س وُعودجي إ ثوغا غاري قبر ما أذ ثيري

دُونَيْث. ⁶ سَسْنَعِ إِسْم نَكْ إِ اِؤْذَانِ اِنِّي ذِ اِيِ تُوْشِيْدَ زِي دُونَيْث. نِيْثِي تُوْغَا-ثَن نَكْ، تُوْشِيْدَ ثَن اِنَش، اَقَا طَفَن ذَكْ وَاوَار نَكْ. ⁷ سَنَن رَحُو بَلِي مَارَا مِيْن ذِ اِيِ تُوْشِيْدَ، اَقَا-ث زَايَك. ⁸ مِيْنَزِي نَش وُشِيْعِ اَسَن اُوَارن اِ ذِ اِيِ تُوْشِيْدَ وُشَا نِيْثِي قَبْرَن زَايْسَن، سَنَن س ثِيْدَت بَلِي نَش فَعْع-د زَايَك، وُْمَن اَقَا شَك تَسَكَّدَ اِيِ-د. ⁹ نَش تَارَغِ ذِي طُوْعِ نَسَن، وَاَر تَتَارَغِ ذِي طُوْعِ نِ دُونَيْث مَاشَا ذِي طُوْعِ نِ يَنِّي اِ ذِ اِيِ تُوْشِيْدَ، مِيْنَزِي اَقَا-ثَن نَكْ. ¹⁰ مَارَا مِيْن اِدْجَانِ اِنُو اَقَا-ث نَكْ وُ مِيْن اِدْجَانِ نَكْ اَقَا-ث اِنُو. نَش تُوْاسْعُوْدَجِعِ ذَايْسَن. ¹¹ نَش وَاَر دَجِيْعِ عَاذِ ذِي دُونَيْث، مَاشَا نِيْثِي اَقَا-ثَن ذِي دُونَيْث وُشَا نَش اَذِ غَاْرَك-دِ اِسْغِ.

اُ ثَابَابَاثِ اِقْدَسَن، حَضَا ثَن ذَكْ اِسْم نَكْ، اِنِّي اِ ذِ اِيِ تُوْشِيْدَ حِيْمَا نِيْثِي اَذِ اِرِيْنِ ذِ اِجْنِ اَم نَشِيْن. ¹² مِيْنَشَا اَقَا-يِ اَكِيْدَسَن، اَذِ ثَن حَضِيْعِ ذَكْ اِسْم نَكْ. نَش عَسْغِ خِ اِنِّي اِ ذِ اِيِ تُوْشِيْدَ، وَاَر اِتُوْاهَلَكْ وُ رَا ذِ اِجْ زَايْسَن مَغِيْر مِيْسِ نِ لِهَالَاكِ حِيْمَا اَذِ اِكْمَرِ وَذِيْلِس. ¹³ مَاشَا رَحُو اَذِ غَاْرَك-دِ اِسْغِ وُ سَتَاوَارْغِ خِ مَانِ اَيَا ذِي دُونَيْثِ حِيْمَا اَذِ ثِيْرِي رَفْرَاْحَتِ اِنُو تَشْكُر مَازَايْسَن. ¹⁴ وُشِيْعِ اَسَن اُوَار نَكْ وُشَا دُونَيْثِ تُوْغَا نَشَارَهْ اِثْنِ مِيْنَزِي وَاَر دَجِيْنِ شَا زِي دُونَيْثِ اَم نَش وَاَر دَجِيْعِ شَا زِي دُونَيْثِ. ¹⁵ نَش وَاَر تَارَغِ حِيْمَا اَذِ ثَن تَشْكِيْبِيْدَ زِي دُونَيْثِ، مَاشَا حِيْمَا اَذِ ثَن تَحْضِيْمِيْدَ زِي تُوْعَفْنَا. ¹⁶ نِيْثِي وَاَر دَجِيْنِ شَا زِي دُونَيْثِ اَم نَش وَاَر دَجِيْعِ شَا زِي دُونَيْثِ. ¹⁷ اَقْدَسِ اِثْنِ ذِي ثِيْدَتِ، اُوَار نَكْ ذِ ثِيْدَتِ. ¹⁸ اَم مَامَشِ اِ ذِ اِيِ-دِ تَسَكَّدَ غَاَرِ دُونَيْثِ، سَكَّعِ ثَن عَاوَذِ غَاَرِ دُونَيْثِ. ¹⁹ تَقْدَاَسْغِ اِحْفِ اِنُو ذِي طُوْعِ نَسَن، حِيْمَا اَذِ تُوْاقْدَسَنِ وُ رَا ذِ نِيْثِي ذِي ثِيْدَتِ. ²⁰ وَاَر تَارَغِ ذِي طُوْعِ نِ يِنَا وَاَهَا، مَاشَا عَاوَذِ ذِي طُوْعِ نِ يِنِّي ذَايِي يُوْمَن سِ وَاوَار نَسَن. ²¹ حِيْمَا اَذِ اِرِيْنِ مَارَا ذِ اِجْنِ، اُ ثَابَابَاثِ، اَم شَكِ ذَايِي وُ نَشِ ذَايَكِ، حِيْمَا وُ رَا ذِ نِيْثِي اَذِ اِرِيْنِ ذِ اِجْنِ ذَايِنْغِ، حِيْمَا اَذِ ثَاْمَنِ دُونَيْثِ بَلِي اَقَا ذِ شَكِ اِ ذِ اِيِ-دِ اِسْتَكْن. ²² نَش وُشِيْعِ اَسَن اَعُوْدْجِي اِ ذِ اِيِ تُوْشِيْدَ، حِيْمَا اَذِ اِرِيْنِ ذِ اِجْنِ اَم مَامَشِ نَشِيْن نَدْجَا ذِ اِجْنِ. ²³ نَش ذَايْسَن، شَكِ ذَايِي، حِيْمَا اَذِ اِرِيْنِ تُوَاكْمَرَنِ غَاَرِ اِجْنِ، حِيْمَا اَذِ تَسَنِ دُونَيْثِ اَقَا شَكِ تَسَكَّدَ اِيِ-دِ وُ تَحْخَسَدِ ثَن اَم مَامَشِ اِ ذِ اِيِ تَحْخَسَدِ.

²⁴ اُ ثَابَابَاثِ، خَسْغِ اِ اِنِّي اِ ذِ اِيِ تُوْشِيْدَ اَذِ اِرِيْنِ اَكِيْدِي مَانِي مَا دَجِيْعِ نَشِ وُشَا اَذِ زَارِنِ اَعُوْدْجِي اِنُو اِ ذِ اِيِ تُوْشِيْدَ، مِيْنَزِي شَكِ تَحْخَسَدِ اِيِ قَبْرِ مَا اَذِ تُوْوَكَتْ دُونَيْثِ. ²⁵ اُ ثَابَابَاثِ اِسْكُذْنِ، اَقَا دُونَيْثِ وَاَر شَكِ تَسْمِيْنِ، مَاشَا نَشِ اَقَا سَنْغِ شَكِ وُ اِنَا سَنَنِ اَقَا شَكِ تَسَكَّدَ اِيِ-دِ. ²⁶ نَش سَسْنَعِ اَسَنِ اِسْمِ نَكْ وُ اَذِ ثِ سَسْنَعِ، حِيْمَا ثَايْرِي اِ زِي تُوْغَا ذِ اِيِ تَحْخَسَدِ اَذِ ثِيْرِي ذَايْسَنِ وُ نَشِ ذَايْسَنِ.

وُصُوف ن يَشُو

مَتَى 56:47-26؛ مَار. 50:43-14؛ لُوك. 53:47-22

18 ¹أَوَارِنِي رَامِي إِنَّا يَشُو أَيَا، إِفْعْ أَكْ-ذِ امْحَضَارَن نَس، زَوَان خِ يَغْوَارَن قِيدْرُون، ثُوغَا ذَيْنِ إِج ن وَخُوِش، يُودَفْ ذَائِسْ أَكْ-ذِ امْحَضَارَن نَس. ²وَرَا ذِ يَاهُوذَا وَنِّي ثِ اسْلَمَن، اسْنِ امْشَانِ نِّي عَاوَد، مِينِرِي يَشُو ثُوغَا اسْمُونَا ذَائِسْ أَطَاسْ أَكْ-ذِ امْحَضَارَن نَس. ³خَتْنِي يِيوي-دِ يَاهُوذَا أَكِيدَسْ اسْتِث ن ثِرِيَعْتِ ن رَعَسْكَارِ ذِ امْحَازِنِييَن نِ ارُوَيَاس نِ اِكْهَانَن ذِ اِفَارِيَسِييَن وُشَا يُوِسِي-دِ ذِيهَا سِ رَقْنَاذِرِ ذِ اِصْفَاوَن ذِ رَسْنَاخ. ⁴يَشُو خَتْنِي، وُيِي اسْنِ مَارَا مِينِ ذِ اسِ اِغَا اِمْسَارَن، اِفْعْ-دِ، اِنَّا اسْنِ "مِينِ ثَارَزُوم؟" ⁵ارِين-دِ خَاس "يَشُو نَاصِرِي." "اِنَّا اسْنِ "ذِ نَش." ثُوغَا يَاهُوذَا، وَنِّي ثِ اسْلَمَن، اِبْدَ عَاوَدِ أَكِيدَسْن. ⁶رَامِي دِ اسْنِ اِنَّا "ذِ نَش"، ذُورَن غَارِ ضِفَارِ وُشَا وُضَانِ غَارِ ثُمُورْت. ⁷اسْتَقْسَا ثِنِ عَاوَدِ "مِينِ ثَارَزُوم؟" نَانِ "يَشُو نَاصِرِي." ⁸يَشُو يَار-دِ "اَقَا نَبِيغِ اُوم، اَقَا ذِ نَش. مَارَا ثَارَزُومِ خَافِي، جَمِ اِنَّا اَذِ رَاخِن"، ⁹حِيْمَا اَذِ اِنُوَاكْمَرِ وَاوَارِ اِ ثُوغَا اِنَّا "اِنِّي اِ ذِ اِيِيِ ثُوَشِيذِ، وَا رَايَسِن وَدَارِغِ وُرَا ذِ اِح." ¹⁰سِمَعَانِ بَطْرُوسِ خَتْنِي، اَمَّ ثُوغَا غَارَسِ سَيْفِ، اِحْبِذِ اِث-يِدِ، اِوْثَا رَايَسِ اِسْمِغِ نِ وُزْدَجِيْفِ نِ اِكْهَانَن، اِقْصَ اسِ امْرُوعِ نَسِ اَفُوسِي. ثُوغَا اِسْمِغِ نِّي قَارَنِ اسِ مَالِحِيَسِ. ¹¹خَتْنِي اِنَّا يَشُو اِبْطْرُوسِ "اَرَّ سَيْفِ غَارِ وَغَرَاْفِ نَس، رَكَاسِ وَنِّي ذِ اِيِيِ اِوْشَا ثُبَابَاثِ، مَا وَا رِ ثِ سَسْغِ؟"

يَشُو زَاتِ اِ وُزْدَجِيْفِ نِ اِكْهَانَن

مَتَى 58:57-26؛ مَار. 54:53-14؛ لُوك. 54:22

¹²ثَارِيَعْتِ ذِ وُكُومَانْدَارِ ذِ امْحَازِنِييَن نِ وُذَايِنِ طَفْنِ يَشُو، شَارْفَنِ ث. ¹³نَذَهْنِ ثِ امْرُاورُو غَارِ هَانَانِ، مِينِرِي نَتَا ذِ اَضْكَوَارِ نِ قَايَاْفَا، وَنِّي ثُوغَا ذِ اَزْدَجِيْفِ نِ اِكْهَانَن ذِكْ وُسْكَوَاَسِ نِّي. ¹⁴قَايَاْفَا ذِ نَتَا ثُوغَا اِوْصَا اِ وُذَايِنِ، اَقَا حَسْنِ اَذِ اِمْتِ اِحِ نِ بِنَادِمِ ذِي طَوَعِ نِ وَيْدُوذِ.

اَنكَارِ نِ بَطْرُوسِ

مَتَى 70:69-26؛ مَار. 68:66-14؛ لُوك. 55:55-22

¹⁵سِمَعَانِ بَطْرُوسِ ثُوغَا اِصْفَارِ يَشُو أَكْ-ذِ اِحِ نِ وُمْحَضَارِ نَضْنِي. اَمْحَضَارِ نِّي ثُوغَا اِنُوَاَسْنِ غَارِ وُزْدَجِيْفِ نِ اِكْهَانَنِ وُشَا يُودَفْ أَكْ-ذِ يَشُو غَارِ رَمْرَاخِ نِ ثَاذَارْتِ نِ وُزْدَجِيْفِ نِ

إِكْهَانَن. ¹⁶بَطْرُوسُ إِبْدَدَ بَارًا غَارِ ثَوَارِث. إِفْعَدَ وَمُحْضَارِنَ إِيْثُوغَا إِيْثَوَاسِنَن غَارِ وُزْدَجِيفِ نَ إِكْهَانَن، إِسْوَرَأَكْ-ذُ نَعْمَاسَثِ ثَنِّي إِحْطَانِ ثَاوَارِثِ وُشَا إِسْيِدَف-دَ بَطْرُوسِ غَارِ ذَاخِر. ¹⁷ثَايَا ثَنِّي إِحْطَانِ ثَاوَارِثِ ثَنَّا إِيْثُوغَا “مَا وَارِ ثُدْجِيذِ شَكِ زَكِّ إِيْثُوغَا نَ بِنَادَم-؟” إِنَا “نَش، لَا.” ¹⁸ثُوغَا إِسْمَعَانِ ذِ إِمْحَازِنِييْنِ بَدَنِ ذِيْنِ، سَّارَعِنِ ثِيْمَسِّي سَ رَفْحَمِ، مِيْنِرِي ثُوغَا ثَسْمَضِ وُشَا ثُوغَا تَوَقَّاحِن. وُزَا ذِ بَطْرُوسِ إِبْدَدَ أَكِيذَسِن، إِيْثَوَقَّاحِ.

إِسْقَسِيْثِن نَ وُزْدَجِيفِ نَ إِكْهَانَن إِيْشُو

مَتَّى 66:26-59؛ مَار. 14:55-64؛ لُوك. 22:66-71

¹⁹إِسْقَسَا وُزْدَجِيفِ نَ إِكْهَانَن يِشُو خَ إِمْحَضَارِنَ نَسَّ وُخَ ثُعُورِي نَسَّ. ²⁰يَارَدَ خَاسِ يِشُو “نَشِ ثُوغَا سَاوَارِغِ إِيْثُوغَا سَ بَطَايْطَايِ، سَعَارِغِ رِبْدَا ذَكِّ وُيَسِيْنَاكُوْخِ وُ ذِي ثَاوَارِثِ إِقْدَسِنِ مَانِي تَمُونِنِ وُذَايِنِ رِبْدَا وُشَا ذِي ثَنُوقَرَا وَارِ سَوُورِغِ وُزَا ذِ إِيْشَتِ نَ رِحَاجَتِ. ²¹مَائِمِي ذِ إِيْبِي تَسْقَسِيذِ؟ سَقَسَا إِيْبِي إِسْرَانِ مِيْنِ ذِ إَسْنِ نِيْعِ. خَزَارِ، نِيْثِي سَنِنِ مِيْنِ نِيْعِ.” ²²رَامِي إِنَا أُمُو، خَتِّي إِيْجَنِ زَكِّ إِمْحَازِنِييْنِ إِيْثُوغَا إِبْدَنِ ذِيْبِي إِيْشُو إِيْجِ نَ وُمْدَارِضَارِ، إِنَا “مَا أُمُو إِيْغَا نَارْذِ خَ وُزْدَجِيفِ نَ إِكْهَانَن؟” ²³يَارَدَ خَاسِ يِشُو “مَارَا سَوُورِغِ مِيْنِ وَارِ إِيْخَرِيْنِ، شَهْذِ خَ مِيْنِ وَارِ إِيْخَرِيْنِ، مَاشَا مَارَا سَوُورِغِ مَلِيْحِ، مَائِمِي ذِ إِيْبِي ثَشَاثَذِ؟” ²⁴ثُوغَا هَاتَانِ إِيْثَكِ إِيْثَوَاسَرَفِ غَارِ قَايَاْفَا، أَرْدَجِيفِ نَ إِكْهَانَن.

أَنكَارِ نَ بَطْرُوسِ إِيْثَوَارَا نَصْنِيْثِ

مَتَّى 71:26-75؛ مَار. 14:69-72؛ لُوك. 22:58-62

²⁵ثُوغَا بَطْرُوسُ إِبْدَدَ ذِيْبِي إِيْثَوَقَّاحِ. نَّانِ اسَ “مَا وَارِ ثُدْجِيذِ وُزَا ذِ شَكِ زَكِّ إِمْحَضَارِنِ نَسَّ؟” نَتَا إِنْكَارِ، إِنَا “وَارِ دَجِيْعِ شَا ذِ نَش” ²⁶إِيْجَنِ زَكِّ إِسْمَعَانِ نَ وُزْدَجِيفِ نَ إِكْهَانَن إِيْثُوغَا إِيْتَعْنَانِ إِيْ وِنِّي وُْمِي إِقْصَ بَطْرُوسِ أَمْرُوْغِ، إِنَا “مَا وَارِ شَكِ زَرِيْعِ أَكِيذَسِ ذِي ثَحْوِيْشَتِ؟” ²⁷رَحْذَنِي إِنْكَارِ بَطْرُوسِ عَاوَدَ وُشَا ذَغِيَا إِسْقُوْعِ وُيَازِيْضِ.

يِشُو زَاثِ إِيْبِيْلَاطُوسِ

مَتَّى 27:1-2، 11-31؛ مَار. 15:1-20؛ لُوك. 23:1-25

²⁸خَتِّي إِيْوِيْن-دِ يِشُو زِي قَايَاْفَا غَارِ ثَاوَارِثِ نَ شَّرَاْعِ، ثُوغَا ذِ زِيْشِ. نِيْثِي وَارِ وُذِيْفِنِ شَا غَارِ رَفُوسِيْنَا، حِيْمَا وَارِ تَوَاسِيْخِنِ، مَاشَا زَمَارِنِ أَدِ شَنِ زِي مَاشَا نَ رَعِيْدِنِ نَ بَاسْخَا. ²⁹إِفْعَدَ غَارَسِنِ بِيْلَاطُوسِ، إِنَا “مَانَ أَشْتِيْثِي إِيْ غَارُومِ خَ بِنَادَم-؟” ³⁰أَرِيْن-دِ، نَّانِ اسَ

”مارا وا وار تُوغي اِتْكَ تُوعَفْنَا، اَذْ ثِيرِي وار ذ اش ت-يِد نِتِيوي.“³¹ اِنَّا اسن بِيلاطُوس ”اُويِم ت-يِد كُنِيو، تُحَكِّم خاس علاحْسَاب تاوْراث نوم.“ خَتِّي نَانَ اس وُذايِن ”وار غارَنغ بو رَحَقَّ اَذْ نِنغ وُرا ذ اِجْ.“³² حِيِمَا اَذْ اِتْواكَمَّر واوار ن يَشُو اِ تُوغا اِقَار، اَمُّ تُوغا اِسْشَانَن اِ مان رَمُوْث اِ غَا اِمْت.³³ خَتِّي يُوذَف-د بِيلاطُوس عاوْذ غار تاوْراث ن شَرَاغ، اِراغَا خ يَشُو، اِنَّا اس ”ما شَك ذ اَجْدَجِيذ ن وُذايِن؟“³⁴ يَار-د خاس يَشُو ”ما تُقَارْذ اَيَا زِي غارَك نِيغ تُوغا اِنْضَنِي قَارَن اش ت خافي؟“³⁵ يَار-د بِيلاطُوس ”ما اَتَاغ نَش ذ وُذاي؟ اَقَا رَحْس نَك ذ اَرُوِياس ن اِكْهَانَن اِوِيِن-د شَك غاري. مِيِن تُوغا تُكَلِيذ؟“³⁶ يَار-د خاس يَشُو ”تاكَلِيذ اِنُو وار تُدْجِي شا زِي دُوْنِيْت-ا. مارا تُدْجَا تُكَلِيذ اِنُو زِي دُوْنِيْت-ا، اَذْ پيري اَقَا اِحْدَامَن اِنُو اَذْ مَنغَن حِيِمَا وار تَتواسَلَمَغ غار وُذايِن، ماشا رَحُوْ تاكَلِيذ اِنُو وار تُدْجِي شا سَانِيثَا.“³⁷ بِيلاطُوس اِنَّا اس ”ما زِي خَنثَا شَك ذ اَجْدَجِيذ نِيشان؟“ يَار-د يَشُو ”شَك تُقَارْذ، اَقَا نَش ذ اَجْدَجِيذ. اِ مان اَيَا اِ د خَرَقَع وُ اِ وُيا اِ د وُسيغ غار دُوْنِيْت حِيِمَا اَذْ شَهْدَغ اِ ثِيذت. مارَا وِتِّي اِدْچَان زِي ثِيذت، اَذْ اِسْر اِ نَمِيَجَا اِنُو.“³⁸ اِنَّا اس بِيلاطُوس ”وُمي قَارَن ذ ثِيذت؟“ رامي اِنَّا اُمُو، اِقَع-د عاوْذ غار وُذايِن، اِنَّا اسن ”وار ذايِس وُفِيغ وُرا ذ اِجْ ن وُخَطُو.“³⁹ ماشا اَقَا تُنومم اَذْ اوم سارَحْغ اِجْ ن بُنَادَم ذِي رَعِيذ ن باسَخَا. ما تُخَسَم اَذْ اوم سارَحْغ اِ وُجْدَجِيذ ن وُذايِن؟“⁴⁰ سَعُوِيِن عاوْذ مارَا، نَانَ ”وار اِدْجِي شا وَاينِثَا، حاشَا باراَباس!“⁴¹ تُوغا باراَباس ذ اَشْفَار.

رَحُوْكُمْ خ يَشُو س رَمُوْث خ صَالِيْب

19 ¹ خَتِّي يِوي بِيلاطُوس يَشُو وُشا اِهْتَك اِث س وُرْكُوْض.² وُشا اِعْسَكَرِيِن مُوْذَن اس اِسْت ن ثَمْرِيَسْت زَكْ اِسْتَانَن، سَارَسَن اس ت خ وُزْدَجِيْف نَس، نَضَارَن خاس اَسْرَهَام ذ اَزْكَوَاغ. ³ وُشا قَارَبِن-د غارَس، نَانَ ”سِرَام خَاك، اَأْجْدَجِيذ ن وُذايِن“، سَمْدَارَضَارَن ت. ⁴ اِقَع-د عاوْذ بِيلاطُوس، اِنَّا اسن ”اَذْ اوم ت-يِد سَوُفَعغ، حِيِمَا اَذْ تَسَنَم بَلِّي نَش وار ذايِس وُفِيغ وُرا ذ اِجْ ن رَعِيْب.“⁵ خَتِّي اِقَع-د يَشُو س ثَمْرِيَسْت ن اِسْتَانَن ذ وُجْدَجَاب اَزْكَوَاغ. اِنَّا اسن بِيلاطُوس ”خَزَارَم، بُنَادَم!“⁶ رامي ت زَرِيِن اَرُوِياس ن اِكْهَانَن ذ اِمْنَازِنِيِن، سَعُوِيِن، نَانَ ”صَلَبَم ت، صَلَبَم ت“ اِنَّا اسن بِيلاطُوس ”اُويِم ت-يِد كُنِيو، تُصَلَبَم ت، مِيَنزِي نَش وار ذايِس وُفِيغ بو رَعِيْب.“⁷ اَرِيِن-د خاس وُذايِن ”غارَنغ تاوْراث. علاحْسَاب تاوْراث نَغ اِتْحَصَا اَذْ اِمْت، مِيَنزِي نَتَا اِتَارَا اِحْف نَس ذ مِيَس ن اَرَبِي.“⁸ رامي اِسْرَا بِيلاطُوس اَوَار-ا، يارِنِي ذِي تُيَكُوْذِي. ⁹ يُوذَف عاوْذ غار تاوْراث ن شَرَاغ، اِنَّا اِ يَشُو ”مَانِيَس شَك؟“ ماشا يَشُو وار خاس-د

يَارِّي شا. ¹⁰ اِنَّا اس بِيلاطوس ”ما وار تُخسد اذ كِيذِي تَسْبِيرِذ؟ ما وار تَسِيند شا اَقَا غَارِي صُولطا جِيما اذ شك صَلْبِغ وُ غَارِي تِيْمَار اذ اش سَنَارَحْغ؟“ ¹¹ يار-د خاس يَشُو ”وار غارك بُو صُولطا خافي، مارا وار ذ اش تَمَوْش زي سَنَج، س مان اَيَا، وني ذ ايي-د غارك اِوِين، اَقَا خاس دَنُوب اِمغار.“ ¹² زِي رَحْدَنِي تُوغا بِيلاطوس يارزُو اذ اس اِسارَح، ماشا وُذايِن سَعُوِين، نَان ”مارا تَسارَحذ اِ وِرياز-ا، اذ تِيرِي وار تَدجيد شا ذ اَمْدوكر ن قايسار. كُور اِجِن وني اِتارَان اِخف نَس ذ اَجْدجيد، نَتَا اِتَعكاس قايسار.“ ¹³ رامي اِسرا بِيلاطوس اِ اووار-ا، اِسْوَقغ يَشُو، اِقِيم خ رَكُورسي ن سَرَاخ ذَك وْمشان وُمي قَارن اس ”اَزاي ن لُوصا“، قَارن اس س تَعبيرانِيث ”كَابَاثا.“ ¹⁴ تُوغا ذ اَسوجذ اِ باسَخا وُشا تُوغا عراحر ذ ستا. اِنَّا اِ وُذايِن ”خزارم، اَجْدجيد نوم.“ ¹⁵ ماشا نِيشِي سَعُوِين ”كسيم ث، كسيم ث، صَلْبم ث!“ اِنَّا اسن بِيلاطوس ”ما اذ صَلْبِغ اَجْدجيد نوم؟“ ¹⁶ اَرِين-د خاس اَرُوياس ن اِكْهَان ”وار غارَنغ بُو وُجْدجيد مَغِير قايسار!“ ¹⁶ خني اِسْلَم اَسن ث جِيما اذ اِتواصَلب. وُشا نِيشِي كَسِين يَشُو، اُوِين ث سَنِي.

يَشُو يارَبُو صَالِب

مَتى 44:32-27؛ مار. 15:21-32؛ لُوك. 23:26-39

¹⁷ وُشا اِفْع اَم يارَبُو سِيمانت نَس صَالِب غار وْمشان وُمي قَارن ”تاشقُوفث ن وُزْدجيف“، وُمي قَارن س تَعبيرانِيث ”كُولكُوثا“، ¹⁸ صَلْبِن ث ذِنِي وُشا صَلْبِن اَكِيدس تَتانِن نَضْنِي، سَا ذ سَا وُ يَشُو ذِي رُوسَط. ¹⁹ يورا بِيلاطوس شا ن تِيرا، اِسارَس اِنتن خ صَالِب. اِتواري ذِي تِيرا-يا ’يَشُو ناصِيرِي، اَجْدجيد ن وُذايِن.‘ ²⁰ تِيرا-يا غَرِين ثنت اَطاس ن وُذايِن، مِينزِي اَمشان ماني تُوغا صَلْبِن يَشُو يُوذس-د اِ تَنذِينت. تِيرا-يا توارِينت س تَعبيرانِيث ذ ثَلانِيثِنِث ذ تِيُونانِيث. ²¹ تان اَرُوياس ن اِكْهَان ن وُذايِن اِ بِيلاطوس، ”وار تاري شا ’اَجْدجيد ن وُذايِن‘، ماشا ’واينثا اِنَّا: نش ذ اَجْدجيد ن وُذايِن.“ ²² يار-د خاسن بِيلاطوس ”مِين وُريغ، اَقَا وُريغ ث.“ ²³ رامي سَمارن اِعسكارِيِن يَشُو خ صَالِب، كَسِين اَرُوض نَس، بضان ث خ اربعا ن تَسقار، اِ كُور اِعسكارِي اِشْت ن شغارت، وُشا كَسِين عاوذ تَشامِير. تُوغا تَشامِير تَبْرا ثاخيَاط، تَتواخيَض قاع زي سَنَج. ²⁴ تان اِ وِايوايا ”وار ث تَشارِيكْ شا، اذ خاس نَكْ اَكشُوض، اذ نزار وِي ث اِ غا يابون، جِيما اذ اِتواكْمَر وُذَيْس اِ اِقارن

”بضان اَرُوض اِنُو جاراسن وُ خ وارُوض اِنُو كِين اَكشُوض.“ سِج. 18:22

مان أيا إ اِكِّينِ عِسْكَارِيَّينِ. 25 غار صَّالِيبِ نِ يَشُو بُدَّ يِمَّاسِ ذِ وَتَشْماسِ نِ يِمَّاسِ ذِ
 ماريمِ ثامغارثِ نِ كلُّوباسِ ذِ ماريمِ نِ ماجذالا. 26 رامي إِزْرا يَشُو يِمَّاسِ ذِ وَمُحْضارِ وَتِي
 ثُوغا إِتْخَسِ، بَدَنِ زَأْتَسِ، إِنَّا إِ يِمَّاسِ ”أَ ثامغارثِ، وا ذِ مَمِيمِ!“ 27 رَحْذَنِّي إِنَّا إِ وَمُحْضارِ
 ”أَقاشِ يِمَّاشِ!“ زِي ثَساعَثِ نِي إِكْسِييِ تِ وَمُحْضارِ غارِ ثادارثِ نَسِ.

رموث ن يَشُو خِ صَّالِيبِ

متى 56:45-27؛ مار. 15:33-41؛ لوك. 23:44-49

28 أوارني مان أيا، وُميِ إِسْنِ يَشُو أَقا كُورشيِ ثُوغا إِتْواكْمَرِ، رَحْذَنِّي جِما أَذِ إِتْواكْمَرِ
 وَذَلِيسِ، إِنَّا

”نش فوذغ.“ سبج. 22:15؛ 21:69

29 ثُوغا ذِينِ إِحِ نِ وَغارافِ إِشورِ سِ رَحْذِجِ، سَغْضَنِ إِشْتِ نِ سَبُونِخا نِ هِيَسُوبِ سِ
 رَحْذِجِ وَشَا كُنِ تِ خِ وَغايِمِ، سَبِوضِ اسِ تِ غارِ وَقَمُومِ نَسِ. 30 رامي إِقاسِ يَشُو
 رَحْذِجِ، إِنَّا ”أَقا إِتْواكْمَرِ!“ وَشَا يُوَضارِ أَرْذَجِيفِ نَسِ، إِسْلَمِ أَرُوحِ نَسِ.
 31 وُميِ ثُوغا أَسْ نِ وَسُوجَدِ نِ باسْخا وَ جِما وارِ تَغِيَمِينِ أَرِيْماتِ نَسْنِ خِ صَّالِيبِ
 ذِي سَبْتِ، مِينِزِيِ واسِ نِ سَبْتِ نِيِ ثُوغا ذِ أَمَقْرانِ أَطاسِ، تارنِ وَذايِنِ زِيِ بِيلاطُوسِ
 جِما أَذِ تَوارِزِنِ إِضارنِ نَسْنِ وَشَا أَذِ ثِنِ سِيكُوجِنِ. 32 وَسِينِ-دِ إِعْسْكَارِيَّينِ، أَرْزِينِ
 إِضارنِ نِ وَمُزَوارُو وَ نِ وَنَضْنِيِ إِ ثُوغا أَذِ كِيَسِ تَواصلِينِ. 33 ماشا رامي دِ وَسِينِ غارِ
 يَشُو، وارِ أَرْزِينِ شا إِضارنِ نَسِ وَميِ زَرِينِ أَقا إِمُوثِ. 34 ماشا إِجْنِ زَكِ إِعْسْكَارِيَّينِ
 إِسْتَوْقَبِ إِثِ سِ إِشْتِ نِ فَرِيشا ذِكِ وَغَزْذِيسِ نَسِ وَشَا فَعْنِ-دِ إِذامِنِ ذِ واماِنِ ذَغِيا.
 35 وَنِيِ أَرْزِينِ مانِ أيا، ثُوغا إِشْهَدُ وَ شَهادتِ نَسِ ذِ ثِيذتِ. نَتّا إِسْنِ، أَقا إِقارِ ثِيذتِ،
 جِما أَذِ ثامنَمِ وَرا ذِ كَنِيو. 36 تِيْمَسْرايِينِ-اِ مَسارنِ، جِما أَذِ إِتْواكْمَرِ وَذَلِيسِ إِ إِقارِ

”وار زايِسِ إِتارِزِيِ يِغَسِ.“ وَفَع. 12:46؛ زخر. 9:12؛ سبج. 34:20

37 وَشَا إِحِ نِ وَاوارِ نَضْنِيِ زَكِ وَذَلِيسِ إِقارِ

”نِشْنِيِ أَذِ خَزارنِ وَنِيِ تِ إِسْتَوْقَبِنِ.“ زاك. 12:10

أَنْضِرْ نِيشُو

مَتَّى 61-57:27؛ مَار. 47-42:15؛ لُوك. 56-50:23

38أوارني مان أيا يُوسف زي أريماثيا، ونِّي ثوغا ذ إاج ن ومُحضران ن يشو ماشا س نُوْفَرَا زي ثِيكُوْذِي زَكُّ وُذايِن، اِتار اس ا بِيلاطوس تَسْرِيح جِيما اذ اِكْسِي اَرِيْمَت ن يشو وُشا بِيلاطوس اِسارَح اَس. خَنِّي يُوْسِي-د، اِكْسِي اَرِيْمَت ن يشو. 39يُوْسِي-د عاوذ نِيكُوْذِيْموس ونِّي ثوغا غارس-د يُوْسِين ناوارا تامزواروث س دَجيرِث، يِوي-د اَكِيْدَس اَحْدِچْض ن رفواحت ن مِيرو ذ سَيِيْرِي عراحار مِيَا اِرْضِرِن. 40خَنِّي كَسِين اَرِيْمَت ن يشو، رَحْن ت ذِي رَشْفُون اَك-ذ رَعْطُور، اَم مامْتش نُومَن تَكْن ت وُذايِن اِ وَنْضِر. 41ثوغا ذِين اِج ن وُحُوِيْش ذَكُّ ومُشان ماني ت صَلْبَن وُشا ذَكُّ وُحُوِيْش اِج ن وَنْضِر ن جَلِيْذ، عَمَارَص وار ذايَس نَضْرَن وُرا ذ اِج. 42نَضْرَن يشو ذِين زي سَيِيْت ن وُسُوْجَد ن وُذايِن، مِيْزِي اَنْضِر نِّي ثوغا يُوْدَس.

أَنْضِرْ نِيشُو اِخِوا

مَتَّى 10-1:28؛ مَار. 8-1:16؛ لُوك. 12-1:24

20 اذَكِّ واس اَمزوارو ن سَيِمانا ثُوْسِي-د ماريم ن ماجدالا زيش غار ونضِر، ثوغا عاذ ذ ثاَدْچِسْت وُشا نَزْرا ثاَضْضارِث اَقَا ثَمَكْسِي خ ونضِر. 22نَزْ-د، ثُوْسِي-د غار سِمعان بَطْرُوس وُ غار ومُحضران نَضْنِي ونِّي ثوغا اِتْخَس اِث يشو، نَتَا اَسَن "كَسِين يشو زَكُّ ونضِر، وار نَسِين ماني ت كَيِن." 3اِفْغ-د بَطْرُوس ذ ومُحضران نَضْنِي وُشا وُسِين-د غار ونضِر. 4نِيْشِي وُزْرَن س ثنابن اِدْسِن. اَمْحَضْران نَضْنِي اِزْوار اِ بَطْرُوس وُشا يِوِض ذ اَمزوارو غار ونضِر. 5يُوْضار، اِزْرا رَشْفُون مَارَسِن، ماشا نَتَا وار يُوْذِيْف شا. 6يُوْسِي-د سِمعان بَطْرُوس، ونِّي اِث-يِد اِضْفارَن وُشا يُوْذَف ذَكُّ ونضِر، اِزْرا رَشْفُون مَارَسِن ذِين، 7ماشَا اَمَنْذِير ونِّي ثوغا خ وُزْدَجِيْف نَس، وار اِمَارَس شا اَك-ذ رَشْفُون، ماشا ثوغا اِضْفَص ذَكُّ ومُشان وُحْدَس. 8رَخْدَنِّي يُوْذَف-د وُرا ذ اَمْحَضْران نَضْنِي، ونِّي د يُوْسِين ذ اَمزوارو غار ونضِر، اِزْرا مان اِيا وُشا يُوْمَن. 9مِيْزِي نِيْشِي ثوغا عاذ وار سَيِن اَذَلِيْس، بَلِي اِتْخَصَّ اس اذ اِكْكار زَكُّ اِمْتِينِن.

أَضْهَارِن لِمَسِيحٍ إِ مَارِيَمِ زِي مَاجَدَالَا

مار. 11-9:16

¹⁰ حَبِّي ذُورِن إِمْحَضَارِن غَارِ نَادَارْتِ نَسْن. ¹¹ ماشا مَارِيَمِ ثَقِيمِ ثَبْدِ غَارِ وَنَضْرَ بَارًا، تَتْرُو. رَامِي ثُوغَا تَتْرُو، ثُوَضَارِ غَارِ وَنَضْر، ¹² نَزْرَا ثَنَانِن ن لِمَالَاكَتِ سِ وَارُوضِ ذِ أَشْمَرَارِ، قِيمِنْتِ مَانِي ثُوغَا ثَمَارَسِ أَرِيْمَتِ ن يَشُو، إِجْنِ غَارِ وَزُدْجِيْفِ، إِجْنِ غَارِ إِضَارِن. ¹³ نَانِ اسِ "أَ ثَامَغَارْتِ، مَائِي تَتْرُوذ؟" نَتَا أَسْنِ "كَسِينِ سِيذِي إِنُو، وَارِ سِينِغِ مَانِي ثِ سَارَسْن." ¹⁴ وَوَمِي نَتَا مَانِ أَيَا، تَتَقْرَبِ غَارِ ضَفَارِ، نَزْرَا يَشُو إِبْدِ، مَاشَا وَارِ ثَسِينِ شَا أَقَاتِ ذِ يَشُو. ¹⁵ يَشُو إِنَا اسِ "أَ ثَامَغَارْتِ، مَائِي تَتْرُوذ؟ مِينِ خَفِ ثَارُزُوذ؟" تَتَغَيِّرِ اسِ نَتَا ذِ بَابِ نِ ثُحُوِشْتِ، نَتَا اسِ "أَ سِيذِي مَارَا شَكِ إِثِ إِكْسِينِ، إِني أَيِي مَانِي ثِ ثَسَارَسَنْدِ، أَذِثِ كَسِيغِ." ¹⁶ يَشُو إِنَا اسِ "أَ مَارِيَمِ!" نَتَاثِ تَتَقْرَبِ، نَتَا اسِ سِ ثُعْبِيرَانِيْثِ "رَابُونِي!"، مِينِ إِخْسِ أَذِ بِيْنِي "أَ أَمْسَرَمَاذ!" ¹⁷ يَشُو إِنَا اسِ "وَارِ ذِ أَيِي تَحَاذَا، أَقَا نَشِ عَاذِ وَارِ كَاغْدَغِ شَا غَارِ بَابَا، مَاشَا رُوحِ غَارِ أَيْتِمَا، إِني أَسْنِ 'نَشِ أَقَا أَذِ كَاغْدَغِ غَارِ بَابَا ذِ بَابَاثُومِ، غَارِ أَرَبِّي إِنُو ذِ أَرَبِّي نُومِ." ¹⁸ تَتْعَبِ-دِ مَارِيَمِ نِ مَاجَدَالَا تَسَخْبَارِ إِمْحَضَارِنِ بَلِي نَتَاثِ نَزْرَا أَرَبِّي وَ بَلِي نَتَا إِنَا اسِ مَانِ أَيَا.

أَضْهَارِن لِمَسِيحٍ إِ مِحْضَارِنِ نَسِ

متى 20:16-28؛ مار. 18:14-16؛ لوك. 49:36-24

¹⁹ غَارِ ثَمْدِيْثِ نِ وَاسِ نِي، نَتَا ذِ أَمَزُورُو نِ سِيْمَانَا، ثُوغَا ثِيُورَا قِنْنْتِ مَانِي ثُوغَا مُونِنِ إِمْحَضَارِنِ سِ ثِيَكُوْذِي زَكْ وَذَايِنِ وَشَا يُوسِي-دِ يَشُو، إِبْدِ ذِي رُوسَطِ، إِنَا اسِ "سِرَامِ خَاوَمِ." ²⁰ أَوَارِنِي رَامِي إِنَا أَيَا، إِمْرَ أَسْنِ إِفَاسْنِ نَسِ ذِ وَغَزْدِيْسِ نَسِ. فَارْحِنِ إِمْحَضَارِنِ رَامِي زَرِيْنِ سِيذِي. ²¹ إِنَا اسِ عَاوِذِ يَشُو "سِرَامِ خَاوَمِ، أَمِ مَاشِشِ ذِ أَيِي-دِ إِسَكْ ثَبَابَاثِ، وَرَا ذِ نَشِ أَذِ كَنِيو-دِ سَكْغِ." ²² أَوَارِنِي رَامِي إِنَا مَانِ أَيَا، إِضُوضِ ذَايِسْنِ، إِنَا اسِ "قَبْرِمِ أَرْوَحِ إِقْدَسْنِ." ²³ وَنِي وَوَمِي إِ غَا ثَغْفَارِمِ دُنُوبِ، أَذِ اسِ ثَوَاغْفَارِنِ دُنُوبِ نَسِ. وَنِي وَوَمِي ذِ اسِ إِ غَا ثَطْفَمِ ذِي دُنُوبِ نَسِ، أَذِ اسِ ثَوَاطْفِنِ دُنُوبِ نَسِ." ²⁴ مَاشَا ثُومَا، إِجْنِ زِي ثَعَاشِ، وَنِي وَوَمِي قَارِنِ 'أَشِينِيو'، وَارِ ثُوغِي شَا أَكِيْذَسْنِ، رَامِي دِ يُوسَا يَشُو. ²⁵ نَانِ اسِ إِمْحَضَارِنِ نَضْنِي "أَقَا نَزْرَا سِيذِي!" مَاشَا نَتَا إِنَا اسِ "مَارَا وَارِ زَرِيغِ رِيْمَارْتِ نِ إِمْسِيْرِنِ ذَكْ إِفَاسْنِ نَسِ، أَذِ سَارَسِغِ أَضَاضِ إِنُو ذَكْ وَمِشَانِ نِ إِمْسِيْرِنِ وَشَا أَذِ سَارَسِغِ أَفُوسِ إِنُو ذَكْ وَغَزْدِيْسِ نَسِ، وَارِ تِيْمِنِغِ." ²⁶ أَوَارِنِي ثَمْنِيَا نِ وَسْتَانِ وَذَفْنِ إِمْحَضَارِنِ نَسِ عَاوِذِ غَارِ ذَاخِرِ وَ ثُوغَا ثُومَا أَكِيْذَسْنِ.

يُوسِي-د يَشُو، وَاخَا ثِيُورَا تُوَعَا قَنَّت، وُشَا إِبْد-د ذِي رُوسَط إِنَّا ”سَرَام خَاوَم!“²⁷ إِنَّا
 إِثُومَا ”أَوِي-د أَضَاض نَك، خَزَار ذَكَّ إِفَاسَن إِنُو، سَارَس أَفُوس نَك خ وُغَزْدِيس
 إِنُو، وَا ر جَهَّر شَا، مَاشَا مَن.“²⁸ يَار-د تُومَا، إِنَّا اس ”أ سِيذِي إِنُو ذَ أَرِّي إِنُو!“²⁹ إِنَّا
 اس يَشُو ”س مِينِزِي شَك ذَ اِي تَرِيذ، مَا تُومَنَد؟ سَعَدَن اِي يَوْمَن، وَاخَا نِيثِي
 وَا ر ذَايِي زَرِين.“

³⁰ يَشُو اِكَّا أَطَّاس ن رَعْرَامَت نَضْنِي قِيْبَاتَش اِ اِمْحَضَارَن نَس، تِي وَا ر يُورِينَت
 شَا ذَكَّ وَذَلِيس-ا.³¹ مَاشَا ثِينَا وُرَانَت جِيْمَا أَذْ ثَامَنَم بَلِي يَشُو نَتَا ذَ لَمَسِيح، مِيس ن
 أَرِّي وُشَا جِيْمَا، أَم ثَامَنَم، أَذْ غَارُوم تِيرِي تُودَارْت س يِيسَم نَس.

يَشُو ذَ تِيْمَارْت تَامَقْرَانَت نِ اِسْرَمَان

21 أَوَارِنِي وُيَا تُوَعَا يَشُو اِمْرٍ اِخْف نَس عَاوَد اِ اِمْحَضَارَن غَار رِبْحَار ن
 تِيْبِيرِيَسَا، اِضْهَار-د اُمُو. تُوَعَا ذِين جَمِيع سِمَعَان بَطْرُوس ذَ تُومَا، وَنِي
 وُيِي قَارَن ’أَشْنِيو‘، ذَ نَاتَانَايِل، وَنِي تُوَعَا زِي قَانَا ذِي ثُمُورْت نِ لَجَالِيل، ذَ ثَارُو ن
 زَابَاذِي، ذَ ثُنَايِن نَضْنِي زَكَّ اِمْحَضَارَن نَس. ³² إِنَّا اسن سِمَعَان بَطْرُوس ”نَش أَذْ رَاغ
 أَذْ يِمَارَغ اِسْرَمَان.“ نَان اس ”أَذْ كِيك نَرَا ح وُرَا ذَ نَشِين.“ فَعَن-د وُشَا نِينِن دَعْبَا
 ذِي تُغَارَاوُوث. ذِي دَجِيرْت نِي وَا ر طَيْفَن وَالُو.

⁴ غَار صَبْح زِيش، اِبْد يَشُو خ ثَمَا ن رِبْحَار. مَاشَا اِمْحَضَارَن وَا ر سِينِن شَا أَقَا ذ
 يَشُو. ⁵ إِنَّا اسن يَشُو ”أَ اِحْنَجِرِن، مَا أَتَاغ غَارُوم شَا نِ اِسْرَمَان؟“ أَرِين-د خَاس ”لَا!“
⁶ إِنَّا اسن ”نَضَارَم ثَرَاشَا أَك-ذَ وُغَزْدِيس أَفُوسِي نِ تُغَارَاوُوث، أَذْ ثَاغَم.“ خَنِي نَضَارَن
 ثَرَاشَا وُشَا وَا ر زَمَارَن أَذْ-ث-يِد جَبْدَن س وُبَارُو نِ اِسْرَمَان. ⁷ إِنَّا وُحَضَار وَنِي اِ تُوَعَا
 اِتْخَس اِث يَشُو اِ بَطْرُوس ”أَقَا نَتَا ذَ سِيذِي.“ رَامِي اِسْرَا سِمَعَان بَطْرُوس أَقَا نَتَا ذَ
 سِيذِي، اِيَس اَرُوض نَس مِينِزِي تُوَعَا ذَ اَعَارِيَان، اِنَضَار اِخْف نَس ذِي رِبْحَار. ⁸ مَاشَا
 اِمْحَضَارَن اِنَضْنِي وُسِين-د س تُغَارَاوُوث مِينِزِي وَا ر اِكْوِيَجَن شَا خ رِبَار مَغِير مِيثَايِن
 نِ اِغَادَجَن (=عَرَا حَار 100 مِيثُرُو) وُشَا نِيثِي جِبْدَن-د ثَرَاشَا سِ اِسْرَمَان.

⁹ رَامِي د فَعَن غَار رِبَار، زَرِين ذِيهَا أَفْتِيش نِ رَفَعَم مَانِي مَارَسَن اِسْرَمَان ذَ وَغُرُوم.
¹⁰ إِنَّا اسن يَشُو ”أَوِيَم-د زَكَّ اِسْرَمَان اِ تِيْمَارَم رُخُو.“¹¹ سِمَعَان بَطْرُوس يُوِيُور، اِجَبْد
 ثَرَاشَا تُشُور سِ اِسْرَمَان اِمَقْرَانَن غَار رِبَار، أَقَات-ذَايس مِيَا وُ ثَرَاثَا وُ خَمْسِين. وَاخَا
 ذَايس سِ وَا نَشْت وُيَا أَطَّاس، وَا ر تُشَارَكْ شَا ثَرَاشَا. ¹² إِنَّا اسن يَشُو ”أَرَا حَم-د ذَا،
 أَذْ ثَارِيَقَم.“ وُرَا ذَ اِجْ زَكَّ اِمْحَضَارَن وَا ر اِزْعِيم أَذْ اِ سَقْسَا ’مِين تَعْنِيد شَك؟‘.

سَننَ أَقَا-ث ذ يَشُو. ¹³ رَحْدَنِّي يُوَسِي-د يَشُو اِكْسِي اَغْرُوم، اِوْشا اسن ت وُشا اَمُو وُرا
ذ اِسْرَمَان. ¹⁴ واينذا ذ ثاوارا ويسْ ثَرانا اِ د اِضْهَار يَشُو اِ اِمْحَضَارن نَس اَوَارنِي رَامِي
د اِثْواَسَنكَار زَنگ اِمْتِنن.

يَشُو اِتْسَقْسَا بَطْرُوس ”ما تَتَخَسَدُ اَبِي؟“

¹⁵ اَوَارنِي رَامِي اَرِيَقَن، اِنَّا يَشُو اِ سِمَعَان بَطْرُوس ”اَ سِمَعَان، مَيَس ن يُونَا، ما تَتَخَسَدُ
اَبِي كَثَار زَنگ يِنَا؟“ اِنَّا اس ”واه، اَ سِيذِي، شَك تَسَنَدُ اَقَا نَش تَخَسَغ شَك.“ اِنَّا
اس ”اَرُوس اِزْمَارن اِنُو.“ ¹⁶ اِنَّا اس عَاوَد ”اَ سِمَعَان، مَيَس ن يُونَا، ما تَتَخَسَدُ اَبِي؟“
اِنَّا اس ”واه اَ سِيذِي، شَك تَسَنَدُ اَقَا نَش تَخَسَغ شَك.“ اِنَّا اس ”اَرُوس وُدْجِي اِنُو.“
¹⁷ اِنَّا اس ويسْ ثَرانا ”اَ سِمَعَان، مَيَس ن يُونَا، ما تَتَخَسَدُ اَبِي؟“ اِشْضَن بَطْرُوس مِيْزِي
اِنَّا اس ت ويسْ ثَرانا ”ما تَتَخَسَدُ اَبِي؟“، وُشا اِنَّا اس ”اَ سِيذِي، شَك تَسَنَدُ كُورْشِي،
تَسَنَدُ اَقَا نَش تَخَسَغ شَك.“ اِنَّا اس يَشُو ”اَرُوس وُدْجِي اِنُو.“ ¹⁸ س ثِيذَت، س ثِيذَت،
اَذ اش اِنْبِيغ، رَامِي ثُوغا شَك ذ اَمْزِيان، ثَبِيَسَدُ اِ يِخْف نَك، ثَرُوْحذ مَانِي تَحْسَدُ،
مَاشَا خ مِيْئِي اِ غَا ثُوسَارْد، اَذ تَسُوِيْرُذْذ اِفاَسَن نَك وُشا وَضْنِي اَذ اش اِبِس وُشا اَذ
شَك يَاوِي غَار مَانِي وار تَتَخَسَدُ.“ ¹⁹ اِنَّا اَمُو جِيْمَا اَذ اِسْتَنن اِ مان رَمُوْث اِ زِي اِ غَا
اِسْعُوْدْج اَرْبِي.

رَامِي د اَس اِنَّا اَمُو، اِنَّا اس ”ضَفَار اَبِي-د!“ ²⁰ اِنْقَرَب بَطْرُوس، اِزْرا اَمْحَضَار وُتِي اِ
ثُوغا اِتْحَس اِث يَشُو، اِضْفَار اِث، نَتَا ذ وُتِي اِ ثُوغا اِسْتَدَن خ اِذْمَارن نَس غَار وُْمَنِيْسِي،
اِنَّا ”اَ سِيذِي، وِي شَك اِ غَا اِسْلَمَن؟“ ²¹ رَامِي اِزْرا بَطْرُوس وا، اِنَّا اِ يَشُو ”اَ سِيذِي، اِ
وا، مِيْن ذ اس اِ غَا اِسْمَارن؟“ ²² اِنَّا اس يَشُو ”مَارَا خَسَغ اَذ اِقِيْم اَر اِ ذ غَا عَقْبِغ، اِ مِيْن
ذ اش اِرُوْحن؟ شَك ضَفَار اَبِي-د!“ ²³ وُشا اِفْغ-د واوار-ا جَار واوْمَاثَن بَلِي اَمْحَضَار نِي
وار اِتْمَتِي شَا، مَاشَا يَشُو وار د اس اِنِّي شَا بَلِي نَتَا وار اِتْمَتِي شَا، مَاشَا ”مَارَا خَسَغ
اَذ اِقِيْم اَر اِ ذ غَا عَقْبِغ، اِ مِيْن ذ اش اِرُوْحن؟“

²⁴ ذ وا ذ اَمْحَضَار وُتِي اِسْهَدَن س مان اَيَا وُشا نَتَا يُوْرا مان اَيَا، وُ نَشْبِن نَسَن اَقَا
شَهادَت نَس ذ ثِيذَت. ²⁵ اَقَا ذِيْن عَاذ اَطَّاس ن ثَمْسارِيْن نَضْنِي اِ اِكْثَا يَشُو. مَارَا
تُوَارِنْت اِشْت اَوَارنِي تَضْنِيْث، اَذ اَبِي اِتْغِيْر، اَذ ثِيْرِي دُوْنِيْث سِيْمَانْت نَس وار غَارَس
بُو تاسِيْع جِيْمَا اَذ ثَكْسِي اِذْلِيْسَن اِ غَا اِتُوَارِيْن. اَمِيْن!